

# ሱኡጎ ማፃአፖ ዓይያ ካር

ሱኡጎ ማፃአፖ ዲብራዔኤሌ ዳራ ካኦናን ዓጮ ጌሌሢዳፓ ዴንዲ ዔያቶኮ ካኦታ ካኦታዳ ዎዶ ሄላንዳኦና ዓኣ ሃይሶ ኬኤዛያኬ፤ ዬይ ዎዶ ዲብራዔኤሌ ዳራ ሜሌ ያኦዞ ካኦሽኪ ናንገና ናንጋ ጎዳም ዎይዞ ዓይ ዎዶኬ። ሃኖ ማፃአፖይዳ ዓኣ ሃይሳ፡- «ሱኡጎ» ጌይንቴያ ያሎና ዔርቴ ዓሳ ፔቴ ፔቴሢ ማዳ ማዳ ኬኤዛያኬ። ዬያቶ ሱኡጎይዳፓ ባሽሢ ያሎ ያላ ዓሶ ዓይሢ ዓሶኬ፤ ዬያቶ ባኣካፓ ኮሽ ዔርቴያ፣ ጫርቂ ዲ ያሌ ያሊያና ባሽ ባሽፃ (ዓይሢ 13—16) ሄላንዳኦና ዓኣ ጋርይዳ ኬኤዚንቴያ፣ ሶምሶሜ ጌይንታሢኬ።

ሃና ማፃአፔላ ኦና ዔርዛ ዳኤፖ ባካ፡- ዲብራዔኤሌ ዳር ሄላንዳ ካኦዚ ባኦያ ማዲ ጉሙርሳሢ ዔያታ ናንገና ናንጋ ጎዳም ጉሙርቂንታያ ማዔቴታሢ፤ ሃሢ ዓዛም ዔያታ ጉሙርቂንታያ ማዐ-ዎ ዎዶና ቢያ ዎዶ ዔያቶይዳ ባይሲንታ ሙካሢ ዛሎኬ። ዬያይዳፓ ባሽ ሜሌ ባኦዚ ዓኦኔ፤ ዬና ዓይጎዳይ ጌዔቴ፡- ዳራ ናንገና ናንጋ ጎዳም ጉሙርቂንታያ ማዔም ባይሲንታ ዔያቶ ሄሌቴያ ጎሞ ዔያታ ቡኡዲ ዒዛ ባንሢ ማዓ ዎዶና ዒዚ ዔያቶ ዓውሳያ ማዔሢኬ።

### ማፃአፔላ ዲማ ዲማ ዓርቂ ባኮ

- ዒያሱ ሃይቃንዳያ ሄላንዳኦና ማዲንቴ ባኮ (1:1—2:10)
- ዲብራዔኤሌ ዓሶኮ ሱኡጎ (2:11—16:31)
- ዲማ ዲማ ማዲንቴ ባኮ (17:1—21:25)

### ዪሁዳንታ ሲሞኦኔንታ ፃጳ ዓድኒቤዜቂ ዲዒ ዔኬሢ

1 ዒያሱ ሃይቂሰካፓ ዲብራዔኤሌ ዳራ፡- «ካኦናን ዓሶ ያላኒ ኦኡኮ ፃጳ ፃጳ ማኦርይዳፓ ቤርታ ኬሰካንዳ ዓሳ ያናንሢዳይ?» ጌይ ናንገና ናንጋ ጎዳ ያኦጩኔ።

2 ናንገና ናንጋ ጎዳ ዔያቶም፡- «ዪሁዳ ፃጳ ቤርታዲ ኬሰኪ ያሎን፤ ዓጩሎ ታ ዔያቶም ዓኣሢ ዒንጋንዳኔ» ጌዔኔ።

3 ዒማና ዪሁዳ ፃጳ ዔያቶ ዒጊኖ ማዔ፣ ሲሞኦኔ ፃጳ ኮይላ፡- «ኦም ዒንገንቴ ዓጩሎ ዴንዲ ካኦናን ዓሶ ያላኒ ኦ ዎላ ዴንደም፤ ዬካፓ ዒንሢም ዒንገንቴ ዓጩዎ ኦ ዒንሢና ዎላ ዴንዲ ያላንዳኔ» ጋዓዛ፣ ሲሞኦኔ ፃጳ ዔያቶና ዎላ ዴንዳኔ። 4 ዬያር ዪሁዳ ዳራ ዔያቶና ዎላ ያሎር ዴንዳኔ፤ ናንገና ናንጋ ጎዳኦ ዔያታ ካኦናን ዓሶንታ

ፔርዛ ዓሶ ባሻገዳጉዲ ማሄም ቤዜቄይዳ ታጾ ሺያ ዓሲ ዔያታ ዎዳኔ።<sup>5</sup> ዔያታ ዒኢካ ቤዜቄ ዓጮ ካኣቲ፣ ዓደኒቤዜቄ ዳንቃዎ ዒዛ ያሊ ካኣናኔ ዓሶንታ ፔርዛ ዓሶዎ ባሼኔ።<sup>6</sup> ዒማና ዓደኒቤዜቄ ዔያቶ ቤርታፓ ጳሽኬኔ፤ ጋዓንቲ ዔያታ ዒዛ ዳውሲ ዓርቂ ኩጮና ቶኮናኮ ደኦም ኬኤሎንሢ ኬኤሎንሢ ቲቄኔ፤<sup>7</sup> ዬያሮ ዓደኒቤዜቄ፡ «ኩጮና ቶኮናኮ ደኦም ኬኤሎ ኬኤሎ ታ ቲቄም ታ ማኣሮይዳ ጎንጎ ዳማ ደኢኢ ካሦ ማንፃ ሙዓ፣ ላንካይታም ካኣታ ዓኣኔ፤ ዔያቶይዳ ታ ማዳ ጌኖ ማዳ ናንጊና ናንጋ ጎዳ ታኣም ሺርሺ ዒንጌኔ» ጌዔኔ፤ ዬካፓ ዔያታ ዒዛ ዬሩሳላሜ ዔኪ ዳንዳዛ ዒኢካ ዒ ሃይቄኔ።

**ዪሁዳ ፃጳ ዬሩሳላሜንታ ኬብሮኦኔንታ ያሊ ዓርቂሢ**

<sup>8</sup> ዪሁዳ ዓሳ ዬሩሳላሜ ያሊ ዓርቂ፣ ዓሶዎ ጨንቾ ዓፓሮና ዎዳኔ፤ ካታሚሎዎ ታሚና ሚቹኔ።<sup>9</sup> ዬካፓ ዔያታ ጌሜራዳ ዓጮኮ ደኦሎ ዛሎ ዓጮና ዳውላዳ ዓጮናይዳ ናንጋ ካኣናኔ ዓሶ ያሊኒ ዳንዳኔ።<sup>10</sup> ዔያታ ኬብሮኦኔይዳ ናንጋ ካኣናኔ ዓሶ ያሌኔ፤ ኬብሮኦኔኮ ቤርታኣ ሱንፃ ዓርባዒ ካታም ጌይንታኔ፤ ዒማና ዔያታ ሽሻይኔ፣ ዓሃማኔና ታልማይኔ ጌይንታ ቶኦኮ ያሊ ባሼኔ።

**የቲኒዔኤሌ ዳቢሬ ካታም ያሊ ባሼሢ  
(ዒ.ያ. 15:13-19)**

<sup>11</sup> ዬካፓ ዪሁዳ ዓሳ፡- ዳቢሬ ካታም ያሌኔ፤ ዒዞና ዬኖ ካታሚሎኮ ሱንፃ፡- «ቂሪያት ሴፔሬ» ጌይንታኔ፤<sup>12</sup> ካኣሌቤ ዒማና፡- «ቂሪያት ሴፔሬ ያሊ ባሼ ዓሢም ታናዎ ዓክሳኣኖ ታ ዒንጋንዳኔ» ጌዔኔ፤<sup>13</sup> ካኣሌቤኮ ጌኤዚ ቄናዜ ናኣዚ፣ የቲኒዔኤሌ ዬኖ ካታሚሎ ያሊ ዓርቄኔ፤ ዒዚ ዬያይዳሢሮ ካኣሌቤ ፔኤኮ ናዎ ዒዞም ዒንጌኔ።<sup>14</sup> ዔፖ ዓሶ የቲኒዔኤሌ፡- «ዓክሳኣኔ፣ ሳዳ ኔኤም ጎሽ ዒንጋንዳጉዲ ያኦጭ» ጌይ ዓይሢኔ፤ \* ዬያሮ ዒዛ ካኣሌቤ ዳንቃዎ ዒዛ ቶጊ ዓኣ ሃራፓ ኬዳዛ ካኣሌቤ ዒዞ «ዓይጎ ታ ኔኤም ዒንጋንዳጉዲ ኔ ኮዓይ?» ጌይ ያኦጭኔ።<sup>15</sup> ዒዞ፡- «ኔ ታኣም ዒንጌ ዓጫ ዳውላዳ ቤሲታሢሮ ዋኣሢ ዓልቃ ቤሲ ዳካ ታኣም ኔ ዒንጋንዳጉዲ ታ ሺኢቃኔ» ጋዓዛ፣ ካኣሌቤ ጌሜሮና ቦኦሎናይዳ ዓኣ ዋኣሢ ዓልቃ ቤሲ ዒዞም ዒንጌኔ።

**ቢኢኒያሜንታ ዪሁዳንታ ፃጳ ያሎና ባሼ ባሺዎ**

\* **1:14** 1:14 ዓክሳኣና ያኦጫንዳጉዲ የቲኒዔኤሌ ዓይሢኔ ጋዓዞ፡- ዔብሬ ዓሶ ሙኤጮ ማፃአፖይዳ «ዓክሳኣና የቲኒዔኤሌ ዓይሢኔ» ጋዓኔ።

16 ሙሴኮ ባይሲ፣ ቁና ጎዖ ዓሢኮ ዜርፃ ዪሁዳ ዓሶና ዎላ ቲጭሬ ጌይንታ ሚፃ ዲቢ ዓኣ ዒያርኮ ካታማፓ ዔቂ ዪሁዳይዳ ዓኣ ዓራዴኮ ዶኦሎ ዛላ ዓኣ ዳውሎ ዓጮ ዴንዲ ዒኢካ ዓማሌቂ ዓሶ ባኣካ ዴዔኔ። 17 ዪሁዳ ዓሳ ሲሞኦኔ ዓሶና ዎላ ፔቲ ማዒ ያሊ ፃፓቲ ካታማ ናጎጋ፣ ካኣናኔ ዓሶ ባሼኔ፤ ካታሜሎ ዔያታ ጋፒሲ ባይዜሰካፓ ሱንፆ ዒዞኮ «ሆርማ» (ጋፒሲ ባይዜኔ) ጌይ ጌሣኔ። 18 ዪሁዳ ፃጳ ጋኣዛንታ ዓሰቂሎኔንታ ዓቃሮኔንታ ኮይላ ዓኣ ዓጮዎ ቢያ ዓርቄኔ። 19 ናንጊና ናንጋ ጎዳ ዪሁዳ ዓሶና ዎላ ዓኣሢሮ ጌሚራዳ ዓጮሎ ዔያታ ባሺ ዓርቄኔ፤ ጋዓንቴ ሂርኬ ዶኦጫዳ ቤዘይዳ ናንጋ ዓሶኮ ዓንጊ ሳርጌላ ያይታ ዓኣሢሮ ያሊ ዳውሲ ኬሳኒ ዔያታ ዳንዳዒ ባኣሴ። 20 ሙሴ ዓይሢ ጎይያና ኩብሮኦኔ ካኣሌቤም ዒንገንጎቲኔ፤ ዒዚያ ሃይሣ ዔናኣቄ ቶኦኪ ማዔ ዓሲ ዒኢካፓ ያሊ ኬሴኔ። 21 ቢኢኒያሜ ፃጳ ጋዓንቴ ዬሩሳላሜይዳ ናንጋ ዒያቡሳ ዓሶ ያሊ ኬሲባኣሴ፤ ማማፓ ዓርቃዖ ዒያቡሳ ዓሳ ቢኢኒያሜ ዓሶና ዎላ ሃኖ ሄላኒ ናንጋኔ።

**ዓፕሪኤሜንታ ሚናኣሴንታ ፃጳ ቤኤቴኤሌ ያሊ ዓርቄሢ**

22 ዮሴፔ ዜርፃ ዒማና ቤኤቴኤሌ ያላኒ ዴንዴኔ፣ ናንጊና ናንጋ ጎዳኣ ዔያቶና ዎላ ማዔኔ፤ 23 ዒማና ዔያታ ቤኤቴኤሌ ካታሞ ሙራንዳ ዓሲ ዳኬኔ፤ ዬኖ ካታሜሎኮ ሱንፆ ዬያኮ ቤርታ «ሎኦዛ» ጌይንታኔ። 24 ዬና ሙሮ ዓሳ ካታሜሎፓ ኬሰካ ፔቲ ዓሲ ዴንቃዖ ዬያ ዓሢ ኮይላ፡- «ካታሜሎ ኦ ዎዲ ጌላኒ ዳንዳዳቲያ ኦም ኔ ኬኤዜቴ ኔና ኦ ዔኤቢ ዎኦታዓኬ» ጌዔኔ። 25 ዬያሮ ዒዚ ዔያቶም ካታሞ ጌሎ ካሮ ዳዌኔ፤ ዬያሮ ዔያታ ካታሞ ዓሶ ጨንኛ ዓፓሮና ዎዲ ኩርሴኔ፤ ዬያ ዓሢንታ ዒዛኮ ዒጊኖንታ ጋዓንቴ ዎዲዎ ዔያታ ሃሼኔ። 26 ዬይ ዓሢ ዳካ ጋዓፆ ሂኢታ ዓሶ ዓጮ ዴንዲ ካታማ ማኸዖ ዬኖኮ ሱንፆ «ሎኦዛ» ጌይ ጌሣኔ፤ ሃኖ ሄላንዳኣና ዬና ካታማ ዒማ ሱንፆና ዓኣኔ።

**ዒሰራዔኤሌ ዓሳ ዓጫፓ ዳውሲ ኬሲባኣ ዴሮ**

27 ሚናኣሴ ፃጳ፡- ቤትሻኔ፣ ታዕናኬ፣ ዶኦሬ፣ ዪብልዓሜንታ ማጊዶ ጌይንታ ካታሞና ኮይሎናይዳ ናንጋ ዓሶ ዒኢፓ ዳውሲ ኬሲባኣሴ፤ ዬያሮ ካኣናኔ ዓሳ ዒኢካ ናንጊሢ ዓርቄኔ። 28 ጋዓንቴ ዒሰራዔኤሌ ዓሳ ዎልቄ ዴንቂ ዴንቂ ሙኬሰካፓ ካኣናኔ ዓሶ ናሽኪባኣንቴ ዎልቄና ማዶ ማዲሼኔ፤ ጋዓንቴ ፔቲታዖ ዔያቶ ዒኢፓ ዔያታ ኬሲባኣሴ።

---

1:21 1:21 ዒያ. 15:63፤ 2ሳሙ. 5:6፤ 1ዖኦሲ. ዓሃኬ 11:4። 1:28 1:28 ዒያ. 17:11-13።

29 ይያጉዲ ዔፕሬኤሜ ፃጳኣ ገዜሬይዳ ናጎጎ ካኣናኔ ዓሶዳውሲ ኬሲባኣሴ፤ ይያሮ ካኣናኔ ዓሶ ዲኢካ ዔያቶና ዋላ ናጎጎያ ማዕኔ።

30 ሃሃ ዛብሎኦኔ ፃጳ ቁትሮኔና ናህላኣሌናይዳ ናጎጎ ዴሮ ዲኢካፓ ኬሲባኣሴ፤ ይያሮ ዲኢካ ናጎጎ ካኣናኔ ዓሶ ዔያቶና ዋላ ናጎጎያ ማዕኔ፤ ያዲ ማዕኔያ ዛብሎኦኔ ዓሶም ናሽኪባኣያ ዔያታ ዋልቁና ማዲሾ ማዶ ማዳያ ማዕኔ።

31 ገንሣ ሃሃ ዓሴኤሬ ፃጳ፡- ዓኮይዳ፣ ሲዶናይዳ፣ ዓህላኣቤይዳ፣ ዓክዚቤይዳ፣ ሄልባይዳ፣ ዓፔቁንታ ሬሆቤ ካታሞንታይዳ ናጎጎ ዓሶ ዳውሲ ኬሲባኣሴ። 32 ካኣናኔ ዓሶ ዔያታ ዳውሲ ኬሱዋዎ ሃሺ ዲኢካ ዔያቶና ዋላ ናጎጎኔ።

33 ይያጉዲ ኒፕታኣሌኤሜ ፃጳ ቤትሹሜሽና ቤትዓናቴናይዳ ናጎጎ ዴሮ ዳውሲ ኬሲባኣሴ፤ ይያሮ ኒፕታኣሌኤሜ ዴራ ካኣናኔ ዓሶና ዋላ ዲኢካ ናጎጎሢሣ ዓርቁኔ፤ ያዲ ማዕኔያ ዔያታ ዋልቁ ማዶ ዔያቶም ማዳንዳጉዲ ካኣናኔ ዓሶይዳ ዋልቃዳ።

34 ዓሞራ ፃጳ ዳኣኔ ፃጳ ጌሜራዲ ዓጩሎ ባንሢ ዳውሳሢሮ ቦኣላዲ ገንዖ ዔያታ ኬዳኒ ዳንዳዲባኣሴ፤ 35 ዓሞራ ዓሶ ቤዛፓ ዓገጹዋዎ ሄሬሴ ዲኮይዳ፤ ሃሃ ዓያሎኔንታ ሻዓልቢሜ ጌይንታ ቤዛ ናጎጎኔ፤ ያዲ ማዕኔያ ዔፕሬኤሜንታ ሚናኣሴ ፃጳንታ ፔኤም ዋርቃንዳጉዲ ፔ ዴማ ማሂ ዋልቁ ማዶ ናሽኪባኣንቴ ዔያቶ ማዲሹ። 36 ዓሞራ ዓሶኮ ዛጳ ዓቅራቢሜ ዴንዳ ቶኦሎ ካሮና ጌይ ዴንዳያኮ።

## 2

### ናጎጎና ናጎጎ ጎዳኮ ኪኢታንቻሢ ቦኪሜይዳ ኬኤዜ ባኮ

1 ናጎጎና ናጎጎ ጎዳኮ ኪኢታንቻሢ ጌልጌላይዳፓ ቦኪሜ ዴንዲ ዲሰራዔኤሌ ዓሶም፡- «ታ ዲንሢ ገብፃ ዓጩይዳፓ ኬሲ ዲንሢኮ ቤርታኣ ዓዶንሢም ዲንጎኒ ጩኣቁ ዓጩሎ ዔኪ ሙኩኔ፤ ዲማና ታ ዲንሢም፡- «ዲንሢና ዋላ ታ ጩኣቁ ጩኣቁም ሃሻዓኮ፤ 2 ዲንሢ ሃሮ ዓጩይዳ ናጎጎ ዴሮና ዋላ ዓይጎ ባኣዚያ ማም ጩኣቁፖቴ፤ ዔያቶ ያኦዘም ዔያታ ዲንጎ ባኮ ዲንጎ ቤዛ ዴይሲ ባባይዙዋቴ፤ ጌዔኔ፤ ዲንሢ ጎዓንቴ ታኣም ዓይሢንቲባኣሴ፤ ይያ ዲንሢ ዓይጎ ማዳይ? 3 ይያሮ ሃሢ ዲንሢኮ ቤርታ ዓኣ ዴሮ ዳውሲ ታኣኒ ኬሲንዲዋሢ ታ ዲንሢም ኬኤዛኣኮ፤ ዔያታ ዲንሢኮ ሜቶ ማዓንዳኔ፤ ሃሃ ዔያታ ካኣሽካ፣ ሜሌ ያኦዛ ዲንሢኮ ፒሮ ማዓንዳኔ» ጌዔኔ። 4 ናጎጎና ናጎጎ ጎዳኮ ኪኢታንቻሢ ይያ ኬኤዛዛ ዲሰራዔኤሌ ዴራ ፔኤኮ

1:29 1:29 ዓ.ያ. 16:10። 2:2 2:2 ኬሲ. ማፃ 34:12-13፤ ላሚ. ዋማ 7:2-5።

ዑኡዞ ጰጊዲ ዩኤኮኔ፤ 5 ዩያሮ ዩኖ ቤዜሎኮ ሱንፃ «ዩኤካ ዓሶ»  
ጌይንቴኔ፤ ዒኢካ ዔያታ ናንጊና ናንጋ ጎዳሞ ዒንጎ ባኣዚ ዒንጌኔ።

**ዒያሱኮ ሃይቦ**

6 ዒሰራዔኤሌ ዓሳ ፔ ቤዞ ቤዞ ዳንዳንዳጉዲ ዒያሱ ዓሶ ሳራሢ  
ዳካዛ ዓሳ ፔኤሞ ዒንጎና ዳኖ ዳኖ ዔካጊ ዳንዳኔ። 7 ዒያሱ ናንጌ  
ዎዶይዳ ቢያ፤ ሃሣ ዒዚ ሃይቆሰካፓ ናንጌ ጋርቻ፤ ጌይፃ፡- ናንጊና  
ናንጋ ጎዳ ዒሰራዔኤሌ ዓሶሞ ፔ ዎልቆና ማጄ ዲቃሣ ባኮ ቢያ ፔ  
ዓኣፖና ዛጌ፣ ዩና ዓሳ ናንጌ ዎዶይዳ ቢያ ዒሰራዔኤሌ ዓሳ ናንጊና  
ናንጋ ጎዳ ካኣሽኪያ ሃሺባኣሴ። 8 ናንጊና ናንጋ ጎዳኮ ዓይላሢ፣ ኔዋ  
ናኣዚ፣ ዒያሱ ጃኤታና ታጳ ለዔናይዳ ሃይቄኔ፤ 9 ዒዛ ዳኔ ማዔ  
ቤዘይዳ ዲኡቴኔ፤ ዩና ዒዚ ዲኡኪንቴ ቤዞ ጌሚራዲ ዔፕሬኤሚ  
ዓጮይዳ፣ ጋዓሼ ዲኮኮ ኬዶ ዛሎይዳ ዓኣ «ቲሞናት ሴራሄ»  
ጌይንታያኬ። 10 ዩኖ ዎዶና ዓኣ ዓሳ ጉቤ ሃይቄኔ፤ ናንጊና ናንጋ  
ጎዳንታ ዒዚ ዒሰራዔኤሌ ዓሶሞ ማጄ ኮኸ ባኮዎ ዔራዎ ማሌ ዓሲ  
ዩካፓ ኬሰኬ።

**ዒሰራዔኤሌ ዓሳ ናንጊና ናንጋ ጎዳ ካኣሽኪያ ሃሺሢ**

11 ዩካፓ ዒሰራዔኤሌ ዓሳ ናንጊና ናንጋ ጎዳ ቤርታ ፑርታ  
ማጄ ማጄኔ፤ ባዓኣሌ ጌይንታ ማሌ ያኦሲያ ዔያታ ካኣሽኬኔ፤  
12 ጊብፀ ዓጮፓ ዔያቶ ኬሴ፣ ዔያቶኮ ቤርታኣ ዓድንሢኮ ያኦዛሢ፣  
ናንጊና ናንጋ ጎዳሞ ማጄያ ዔያታ ሃሺ ዔያቶ ኮይላ ዓኣ ዳራ  
ካኣሽካ ጎኔቱዎ ያኦዞ ካኣሽኪ ዩያሞ ማጄሢ ዓርቄኔ፤ ዩያ ያኦዞ  
ዘጊያና ናንጊና ናንጋ ጎዳ ዔያታ ዳጋሴ። 13 ናንጊና ናንጋ ጎዳ  
ካኣሽኪያ ሃሺ፡- «ባዓኣሌና ዓሰታሮቴና» ጌይንታ ማሌ ያኦዞ ዔያታ  
ካኣሽኬኔ፤ 14 ዩያሮ ናንጊና ናንጋ ጎዳ ዒሰራዔኤሌ ዓሶ ዑፃ ሚርጌና  
ዳጋዲ ዔያቶ ቡራንዳ ሱላሞ ዓኣሢ ዒንጌኔ፤ ሃሣ ዔያቶ ኮይላ ዓኣ  
ሞርካ ዔያቶ ባሻንዳጉዲ ዒ ማሄኔ፤ ያዲ ማዔሢር ዒሰራዔኤሌ  
ዓሳ ፔ ሞርኮ ቃዛጊ ዳንዳዒባኣሴ። 15 ዔያታ ያሎር ኬሰካኣና  
ናንጊና ናንጋ ጎዳ ቤርታ ጮኣቂ ኬኤዜ ጎይያና ዔያቶ ዒ ያላያ  
ማዔኔ፤ ዩያሮ ዔያታ ሚርጌ ሚቶይዳ ኬዳኔ።

16 ያዲ ማዔሢኮ ጊንፃ ዩያ ያሊ ሜታሳ ዓሶይዳፓ ዔያቶ  
ዓውሳንዳ ሱኡጌ ናንጊና ናንጋ ጎዳ ዔያቶሞ ኬሴ። 17 ጋዓንቴ  
ዒሰራዔኤሌ ዓሳ ዔያቶኮ ሱኡጎሞ ዓይሢንቴዎያ ማዔኔ፤ ናንጊና  
ናንጋ ጎዳሞ ዔያታ ጉሙርቄንቴ ናንጋ ናንጎ ሃሺ ማሌ ያኦዞ  
ካኣሽኬኔ፤ ዔያቶኮ ዓድንሢ ናንጊና ናንጋ ጎዳኮ ዓይሢያ ቦንቺ  
ናንጌኔ፤ ዔያታ ጋዓንቴ ዩያይዲባኣሴ። 18 ናንጊና ናንጋ ጎዳ ሱኡጌ

2:9 2:9 ዒያ. 19:49-50።

ከሳ ዎደና ዎደና ዬያ ዓሢና ዎላ ማዓኔ፤ ዔያቶኮ ሞርካ ዔያቶ ደውሳኣና ሃሣ ዔያቶ ሜታሳ ዎደና ዔያታ ናንገና ናንጋ ጎዳ ባንሢ ዒላታዛ ዒዚ ዔያቶ ሚጨገታሢር ዬይ ሱኡጋሢ ናንጋ ዎደ ቢያይዳ ዔያቶኮ ሞርኮ ኩጫፓ ናንገና ናንጋ ጎዳ ዔያቶ ዓውሳኔ። 19 ጋንቴ ዬይ ሱኡጋሢ ሃይቃዛ ዓሳ ገንሣ ሜሌ ያኦዞ ካኣሽኪ፣ ዬያም ዘገ ዔያቶኮ ዓደንሢፓ ባሽ ጎሜ ማዳያ ማዓኔ፤ ዔያታ ማዳ ፑርቶ ማዳንታ ዎይዚ ዒዲ ጌኤታዶ ባኮዎ ሃሹዎያ ማዓኔ። 20 ዬያር ናንገና ናንጋ ጎዳ ዒሰራዔኤሌ ዓሶ ዑያይዳ ዳጋዲ፡- «ሃይ ዴራ ዔያቶኮ ዓደንሢና ዎላ ታ ጫኣቁ ጫኣቁሞ ሃሽኔ፤ ታ ዓይሢ ባኮዎ ካፒ ከንሢባኣሴ። 21 ዬያር ዒያሱ ሃይቃኣና ዓጩሎይዳ ዓኣ፣ ዔያቶኮ ሞርኮ ማዔ ዴርፓ ፔቲታያ ዔያቶ ቤርታፓ ታ ደውሲ ከሳዓኪ። 22 ሃኣታ ዒሰራዔኤሌ ዓሳ ዔያቶኮ ቤርታኣ ዓደንሢፓዲ ታና ካኣሽኪ ታኣም ዓይሢንታቲያ ዓይሢንታዎቲያ ታ ዔራንዳሢ ዬያ ዴር ታኣኮ ዓንጋሞ ማሃሢናኪ» ጌዔኔ። 23 ዬያር ዬያ ዴር ናንገና ናንጋ ጎዳ ዒኢካ ዴይሢኔ፤ ዒያሱም ዔያቶ ዓኣሢ ዒንገ ኔጉዎያ ከሲ ደኪ ባይዚባኣሴ።

### 3

#### ያሊ ደውሲ ከሰንጉባኣ ዴር

1 ካኣና ናሶና ዎላ የልቲ ቤቁባኣ ዒሰራዔኤሌ ዓሳ ዎይታቲያ ዘጋኒ ናንገና ናንጋ ጎዳ ዓጩሎይዳ ሃሽ ዴራ ሃካፓ ዴማ ፓይዲንታ ዓሶኪ። 2 ዬያ ዒ ማዳሢ ቤርታ የልዚ የሊ ቤቁባኣ ዒሰራዔኤሌ ዓሳ ዔያቶና የልቲ የልቲ የልዚ ዛላ ዔራንዳጉዲ ሌሊኪ፤ 3 ዓጩሎይዳ ዓቲ ዓሳ ፒሊሰፃኤሜ ዓሶንታ ዔያቶኮ ደንጎ ሱኡጋ፣ ካኣና ዓሳ ጉቤሢ፣ ሲደና ካታሞ ዓሶንታ ባዓል ሄርሞኔ ዲካፓ ዓርቃያ ዴንዲ ሃማቲ ሄላንዳኣና ሊባኖኦሴ ዲኮይዳ ናንጋ፣ ሄዎዌ ዓሶንታኪ። 4 ናንገና ናንጋ ጎዳ ዔያቶኮ ቤርታኣ ዓደንሢም ከኤዛንዳጉዲ ሙሴም ዓይሢ ዓይሢያ ዒሰራዔኤሌ ዓሳ ቦንቺ ካፓቲያ ካፑዎቲያ ዔራኒ ዬና ዓቲ ዓሳ ናንገና ናንጋ ጎዳኮ ዛጎ ዓንጋሞ ማዔኔ። 5 ዬያር ዒሰራዔኤሌ ዓሳ ካኣና ናሶ፣ ሂኢታ ዓሶ፣ ዓሞራ ዓሶ፣ ፔርዛ ዓሶ፣ ሄዎዌ ዓሶንታ ዒያሱሳ ዓሶንታኮ ባኣካ ናንጌኔ። 6 ዒሰራዔኤሌ ዓሳ ዬያቶ ዓሶና ዎላ ዔፒና ሲኢሪንቴ፣ ዔያታ ካኣሽኪ ያኦዞዎ ካኣሽኪኔ።

#### ያቲኒዔኤሌ

7 ዒሰራዔኤሌ ዴራ ናንገና ናንጋ ጎዳም ዎይዞ ዒዲ ፑርታ ማዶ ማዴኔ፤ ዔያታ፡- ናንገና ናንጋ ጎዳ ማዔ ዔያቶኮ ያኦዞሢ

ሃሺ ባዓላሌንታ ዓሼራ ጌይንታ ያኦዞባ ካአሽኬኔ። 8 ዩያይዳፓ ዔቁያናናናናና ጎዳ ዒሰራዔኤሌ ዴሮ ዑፃ ዳጋዲ ሜሶፖታሚያ ዓጮ ካአቲ ኩሻንሪሽዓታይሜ ጎሮሂ ዔያቶ ያሊ ባሻንዳጉዲ ማሃሢሮ ዒዚ ዔያቶ ሳሊ ሌዔ ፔ ዴማ ማሂ ዎይሄ። 9 ዩካፓ ዒሰራዔኤሌ ዓሳናናናናና ጎዳ ባንሢ ዒላታዛ ዒዚ ዩያይዳፓ ዔያቶ ዓውሳንዳጉዲ ካአሌቤኮ ጌኤዚ ቁኔዜ ናአዚ፣ ዎቲኒዔኤሌ ዔያቶም ኬሴኔ። 10 ናንገናናናና ጎዳኮ ዓያና ዒዛ ዑፃ ኬይሢሮ ዒዚ ዒሰራዔኤሌ ዓሶኮ ሱኡጌ ማዔኔ፤ ዒዚ ያሎሮ ኬሰካዛ ናንገናናናና ጎዳ ሜሶፖታሚያ ዓጮ ካአቲ፣ ኩሻንሪሽዓታይሜ ባሻንዳጉዲ ዎልቁ ዒዛም ዒንጌሢሮ ዒዚ ዩያ ካአታሢ ያሊ ባሼ። 11 ዩያሮ ዓጨላ ያይዲታሚ ሌዔ ጉይያ ያልዚባአያ ኮሺ ናንጌሰካፓ ቁኔዜ ናአዚ፣ ዎቲኒዔኤሌ ሃይቁ።

**ዔሁዴ**

12 ሃሢ ዒሰራዔኤሌ ዴራ ናንገናናናና ጎዳም ዎይዞ ዒዲ ፑርታ ማዶ ማዶኔ፤ ዩያሮ ናንገናናናና ጎዳ ሞዓአቤ ዓጮ ካአቲ ዔግሎኔ ዒሰራዔኤሌ ዓሶ ባሻንዳጉዲ ዎልቁ ዒንጌ። 13 ዔግሎኔ ዒማና ዓሞኦኔ ዓሶንታ ዓማሌቁ ዓሶዎ ፔኤና ዎላ ማሂ ዒሰራዔኤሌ ዓሶ ያላዎ ቱሚሪ ጌይንታ ሚፃ ሚርጌ ዓአ ዒያርኮ ካታም ባሺ ዓርቁ። 14 ዩካፓ ታጳ ሳሊ ሌዔ ዒሰራዔኤሌ ዓሳ ሞዓአቤ ዓጮ ካአቲ፣ ዔግሎኔ ዴማ ዎርቁ።

15 ዩያሮ ዒሰራዔኤሌ ዓሳ ናንገናናናና ጎዳ ባንሢ ዒላቲም ዒዚ ቢኢኒያሚ ፃጳ ዓሶ ባአካፓ ጌራ ናአዚ፣ ዔሁዴ ዔያቶ ዓውሳንዳጉዲ ኬሴኔ፤ ዩያ ዓሢኮ ኩጫ ሻውላኬ፤ ፔቲ ኬሊ ዒሰራዔኤሌ ዓሳ ገኢራ ዔኪ ዓአዲ ሞዓአቤ ካአቲ፣ ዔግሎኔም ዒንገንዳጉዲ ዔሁዴ ዑፃ ዳኬ። 16 ዔሁዴ ዒማና ፔቲ ዎዳ ማዓንዳጉዴ ያዶሲ ጨንቻ ዓፓሮ ዓጨ ዲይሲ ዔካዎ ሚዛቆ ዛሎ ኬርኖይዳ ዓፒሎ ዴማ ዓአቺ ቱኪ፣ 17 ካአቲ ዔግሎኔም ገኢሮ ዔኪ ዴንዴኔ፤ ዩያ ካአታሢኮ ዑፃ ዓንዲሪ ዴኤፒ ዓሲኬ። 18 ዔሁዴ ካአቲም ገኢሮ ዒንጌሰካፓ ገኢሮ ባኮ ኬዲ ዔኪ ሙኬ ዓሶ ማአሪ ማሂ ዳኬ፤ 19 ዒዚ ጋዓንቲ ጌልጌላይዳ ዓአ ያኦሲ ማሂ ካአሽካኒ ዓርሲ ዶቆና ሹጮ ካራፓ ማዒ ዔግሎኔ ኮይላ ሙካዎ፡- «ካአቲዮ! ታ ኔኤም ሌሊ ኬኤዛንዳ ባአዚ ዓአኔ» ጌዔኔ፤ ካአቲ ዒዛ ኮይላ «ሂዴቶ ጫክ ሂንዳ» ጌዔኔ።

ዩካፓ ካአቲ ማዶ ማዶ ዓሶ «ዳካሮ ዙሎ ኬሰኩዎቲ» ጌዔም ቢያሢ ኬሰኬ። 20 ካአቲ ዒማና ሹጮና ማኩና ማአሮኮ ዑያይዳ ዓአ፣ ከባሪ ዔኮ ጋርሲዳ ፔኤሮ ዴዒ ዓአንቲ ዔሁዴ ዒዛ ባንሢ ሙካዎ፡- «ያኦሲ ኔኤም ዳኬ ኪኢታ ዓአኔ» ጋዓዛ፣ ካአቲ ዴዔ ቤዛፓ

ዔቄኔ። 21-22 ዩማና ዔሁዴ ሚዛቆ ዛላ ዒ ቱኬ ዓፓር ሻውሎ ኩጮና ቱጊ ካኣቲኮ ጎጾይዳ ዓፓርኮ ሹኡካ ዓቱዋንቴ ጎጾ ጋር ጌልዚ ጫርጌም ዓፓራ ዙሎና ሶፔኔ፤ ማላኣ ጩንቾ ዓፓር ማሪ ዓርቄኔ፤ ዒዚ ካኣቲኮ ጎጾፓ ዓፓር ቱጉዋዎ ዩያይዲ ሃሺ ዴንዴኔ።  
 23 ዔሁዴ ዙሎ ኬሰካዎ ካር ካኣቲዳ ማሂ ቁልፖና ቁልፒ ዴንዴኔ።  
 24 ዔሁዴ ዴንዴሰካፓ ካኣቲኮ ማዳ ዓሳ ሙካዎ ካራ ዋዲንቲ ዓኣንቴ ዴንቄኔ፤ ጋዓንቴ ዔያታ፡- «ካኣቲ ካር ዋዲ ጋራ ዓኣ ሹኤኦ ማኣራ ሹኤሺ ሹኤቃያናንዳኔ» ጌይ ማሌኔ፤ 25 ዔያታ ዙላ ኮሺ ኔጌሰካፓ ዘጋንቴ ካራ ቡሊንቲባኣሢር ቁልፖ ዔኪ ካር ቡሌኔ፤ ዒማና ዔያቶኮ ጎዳሢ ሳይይዳ ሃይቂ ላሂ ዓኣንቴ ዔያታ ዴንቄኔ።

26 ዔያታ ካኣቲ ሹኤኦናንዳኣዋይ ጌይ ካፖ ካፓኣና ዔሁዴ ሚርጌ ሃኪ ዴንዴኔ፤ ዒዚ ዒማና ያኣዘ ጌይ ካኣሽኮያ፡ ዓርሲ ደቆና ሹጮ ኮይለና ጌይ ሴዒራ ዴንዴኔ፤ 27 ዒኢካ ዒዚ ጌሚራዳ ዔፕራኔሜ ዓጮ ሄሄላዎ ዒሰራዔኤሌ ዴራ ያልዘም ኬሰካንዳጉዲ ዛዩ ዋርቄኔ፤ ዩያር ዒሰራዔኤሌ ዴራ ዒዛ ጊንዖ ጌሚራፓ ጌሚራፓ ኬዴኔ። 28 ዒዚ ዓሶም፡- «ታ ጊንዖ ሙኩዋቲ! ናንጊና ናንጋ ጎዳ ዒንሢኮ ሞርኮ፡ ሞዓኣቤ ዓሶ ዒንሢ ባሺሴኔ» ጌዔኔ፤ ዩያር ዔያታ ዔሁዴ ጊንዖ ኬዳዎ ሞዓኣቤ ዓሳ ዮርዳኖሴ ዋርና ፒንቃ ካር ቲቁ፡ ፔቴ ዓሲያ ዒኢና ቶሊ ዴንዲዋጉዲ ላኣጌኔ፤ 29 ዩኖ ኬሎ ሌሊ ሞዓኣቤ ዓሶኮ ታጾ ሺያ ማዓ ዔርቲ ያልዚ ዓሲ ዔያታ ዋዲኔ፤ ዔያቶ ባኣካፓ ፔቴታዎ ቶሌ ዓሲ ባኣሴ። 30 ዒማ ኬሎ ዒሰራዔኤሌ ዓሳ ሞዓኣቤ ዓሶ ባሺኔ፤ ዩካፓ ዓጩሎይዳ ሳሊታሚ ለዔ ጉቤ ያልዘባኣያ ኮሺ ዋዴ ማዒ ናንጌኔ።

**ሻምጋኣሪ**

31 ዩካፓ ሃሃ ዒሰራዔኤሌ ዓሶኮ ሱኡጌ ማዒ ኬሰከሢሢ ዓናቲ ናኣዚ፡ ሻምጋኣሪኬ፤ ዒዚ ላሆ ዪኤታ ፒሊሰጻኤሜ ዓሲ ጌማቶ ዲቃሢ ዲቃሢ ጎኩ ጎሽኮ ዓጩ ሚያና ጫርጊ ዋዲ ኩርሲ ዒሰራዔኤሌ ዓሶ ዓውሴኔ።

**4**

**ዲቦራና ባርቄና**

1 ዔሁዴ ሃይቆሰካፓ ዒሰራዔኤሌ ዓሳ ጊንሣ ሃሃ ናንጊና ናንጋ ጎዳም ዋይዘ ዒዲ ፑርታ ማዶ ማዴኔ፤ 2 ዩያር ናንጊና ናንጋ ጎዳ ሃያሪ ካታማ ዴዒ ካኣናኔ ዓጮ ዋይሣ ካኣቲ፡ ያቢኔ ያሊ ባሺ ዒሰራዔኤሌ ዓሶ ዓርቃንዳጉዲ ዓኣሢ ዒዛም ዒንጌኔ፤ ዩያ ካኣታሢኮ ፖኦሊሶ ዓይሣሢ ዒሰራዔኤሌ ዓሶቱዋ ዴር ዓጪ



ማዕዳ፡ ሃርሼቲ ካታሞይዳ ናንጋ ሲሳራ ጎረቤቱ። 3 ካኣቲ ያቢኩ ታዘጸ ጃኤታ ዓንጊ ሳርጌላ ያይታ ዓኣኔ፤ ዒዚ ዒሰራዔኤሌ ዴር ለማታሚ ሌዔ ሚርጌ ሜታሲ ወይሄኔ፤ ዩካፓ ዒሰራዔኤሌ ዓሳ ናንጊና ናንጋ ጎዳ ዔያቶ ማኣዳንዳጉዲ ዒላቲኔ።

4 ዒማና ለፒዶቲ ጎረቤቱ ማቐ «ዲቦራ» ጌይንታ ያኣሲ ማለሢ ከኤዛሰከና ዓኣኔ፤ ዒዛ ዒሰራዔኤሌ ዓሰኮ ሱኡጌ ማዒ ወይሄያኩ። 5 ዩና ያኣሲ ማሊያ ከኤዛዘላ ጌሚራዳ ዔፕሬኤሚ ዓጮይዳ ራኣማና ቤኤቲኤሌ ካታሞናኮ ባኣካ ዓኣ ዲቦራ ቲምር ጌይንታ ሚያ ደማ ደዒ ወጋያታሢር ዒሰራዔኤሌ ዓሳ ፔኤኮ ጌኤዛ ዔኪ ዔኪ ዒዛ ኮይላ ደንዳኔ። 6 ፔቲ ከሊ ዒዛ ኒፕታኣሌኤሚ ዓጮ ማዕ፡ ቃዴሴ ካታማፓ ዓቢዓሜ ናኣዚ ባርቄ ዔኤሊሳዎ፡- «ናንጊና ናንጋ ጎዳ ማዕ ዒሰራዔኤሌ ያኣዛሢ ኔኤም ሂፕታኣሌኤሚና ዛብሎኦኔ ፃጸ ዓሰናይዳፓ ታጸ ሺያ ዓሲ ዶኦሪ ታኣቦሬ ዲኮ ዔኪ ደንዳኔ፤ 7 ካኣቲ ያቢኩ ፖኦሊሶ ዓይሣሢ፡ ሲሳራ ኔኤና ዋላ ፖልታኒ ቂሽኔ ዋር ካር ሙኮም ታዳካንዳኔ፤ ዒዚ ሳርጌሎ ያይቶንታ ፖኦሊሶዋ ዔኪ ሙካንዳኔ፤ ታኣኒ ዒዛ ኔ ባሻንዳጉዲ ኔኤም ዓኣሢ ዒንጋንዳኔ» ጋዓኔ። ጌዔኔ።

8 ባርቄ ጋዓንቲ፡- «ኔ ታኣና ዋላ ዓኣዳቲ ታ ደንዳንዳኔ፤ ታኣና ዋላ ኔ ዴንዳዋያታቲ ታኣኒ ዴንዳዓኩ» ጌዔኔ።

9 ዒዛ ማሃ፡- «ቃራኩ፡ ታ ኔኤና ዋላ ደንዳንዳኔ፤ ጋዓንቲ ናንጊና ናንጋ ጎዳ ሲሳራ ላኣለም ዓኣሢ ዒንጋንዳሢር ባሺፃ ኔና ቦንቸሳያ ማዓዓኩ» ጌዔኔ፤ ዩካፓ ዲቦራ ባርቄና ዋላ ያሎ ያላኒ ቃዴሴ ደንዳኔ። 10 ባርቄ ዒማና ኒፕታኣሌኤሚንታ ዛብሎኦኔንታ ፃጸ ቃዴሴ ሙኮም ዔኤሊሴኔ፤ ዩያር ዒዛ ጊንፆ ታጸ ሺያ ዓሲ ከሰከኔ፤ ዲቦራኣ ዒዛና ዋላ ዓኣዳኔ።

11 ቄና ፃጸሢ ሄቤሬ ሙሴኮ ባይሲ ሆባቤ ናኣቶ፡ ቄና ዓሰይዳፓ ዲማዲ ቃዴሴኮ ዑኩ ጃዕናይሚይዳ ዓኣ ዴኤፖ ሻኣባሢ ኮይላ ዓፒሎና ማዢንታ ማኣር ፔኤኮ ደቄኔ።

12 ዓቢኒያሜ ናኣዚ፡ ባርቄ ታኣቦኦሪ ዲኮ ደንዳሢ ሲሳራም ዓሲ ከኤዘኔ፤ 13 ዒዚ ታዘጸ ጃኤታ ዓንጊ ሳርጌላ ያይታና፤ ሃሣ ዒዛና ዋላ ዓኣ ፖኦሊሶ ፑቤ ዒሰራዔኤሌ ዓሰቲዋ ዓሰ ዓጪ ማዕ፡ ሃርሼቲይዳፓ ቂሶኔ ዋር ካር ዔኪ ዩዒ ቡኩሴኔ።

14 ዒማና ዲቦራ ባርቄም፡- «ዔቂ ደንዳኔ! ናንጊና ናንጋ ጎዳ ኔኤኮ ቤርታ ከሰከኔ፤ ሃና ኔ ሲሳራ ያሊ ባሻንዳጉዲ ዒዚ ኔና ማኣዳንዳኔ» ጋዓዛ፡ ባርቄ ታጸ ሺያ ያልዚ ዓሲ ዔኪ ታኣቦኦሪ ዲካፓ ከዴኔ። 15 ባርቄ ፔ ፖኦሊሶና ዋላ ሲሳራ ያላዛ ናንጊና ናንጋ ጎዳ ሲሳራንታ ዒዛኮ ፖኦሊሶንታይዳ ካራ ባይዛ ዒጊቹም ጌልዜሢር

ሲሳራ ሳርጌሎ ያይታፓ ኬዲ ጳሽኬኔ። 16 ባርቄ ዬያ ሳርጌሎ ያይቶና ያላ ዓሶንታ ሃንጎ ፖኦሊሶዋ ቢያ ዒሰራዔኤሌ ዓሶቱዋ ዓሶ ዓጮ ማዔ። ሃርሼቴ ሄላንዳኣና ዳውሴኔ፤ ሲሳራኮ ፖኦሊሶዋ ቢያ ዒ ጮንቻ ዓፓሮና ዎዲ ኩርሴኔ፤ ፔቲታዎ ዓሲ ዓቲባኣሴ።

17 ሃያሬ ካኣቲ ያቢኔ ሄቤሬ ማኣሮ ዓሶና ዎላ ኮሺ ማዒ ናንጋሢሮ ሲሳራ ዓኣሺንታኒ ቁና ዓሶ ዜርፃሢ ሄቤሬ ማቾ። ያዔላ ኮራ ኬኤዎ ጌሌኔ። 18 ያዔላ ዒማና ጎይሣ ኬሰኪ ሲሳራ ዔካዎ፡- «ታ ጎዳሦ! ሃኒ ታ ጋሮ ጌሌ፤ ፔቲታዎ ዒጊጨፖ» ጌዔኔ፤ ዬያሮ ዒዚ ጋሮ ጌላዛ ዒዛ ዓፒላና ዒዛ ካንቁ ዓኣቼኔ፤ 19 ዬይ ሲሳራ ጎይሣ ዬኖ ዓሴሎ ኮይላ፡- «ታና ዎኣሢ ዴኤቤሢሮ ሃዳራ ታና ዎኣሢ ዑሹቴራ?» ጋዓዛ፣ ዒዛ ዲኣቁ ዓርሦ ሱርባኮ ካሮ ቡሊ ዲኣቁ ዎሂ ዒዛ ዑሻዎ ጊንሣ ዓፒሎና ካንቁ ዓኣቼኔ። 20 ዬካፓ ዒዚ ዒዞ ኮይላ፡- «ኔኤኒ ማኣሮ ካራ ዔቁ፤ ጎይንቲ ዓሲ ሙኪ ላይካ ዓሲ ዓኣ?» ጌይ ኔና ያኦጮቴ <ባኣሴ> ጌዔ» ጌዔኔ።

21 ሲሳራ ዒማና ኮሺ ላቢንቴሢሮ ሃይቁ ዳቢ ጊንዔኔ፤ ሄቤሬ ማቻ፣ ያዔላ ዋቶሼና ፃውናና ዔካዎ ቃኣፂ ሙኪ ዬያ ፃውኖ ዋኖ ጩኡማ ጌሢ ጳርቄኔ፤ ዬያሮ ዬይ ፃውና ሶፒ ሳዓ ፃጳም ሲሳራ ሃይቄኔ። 22 ባርቄ ሲሳራ ኮዒ ኮዒ ሙካንቴ ያዔላ ዒዛ ዔካኒ ጎይሣ ኬሰካዎ፡- «ሃኒ ዬዔ! ኔ ኮዓ ዓሢ ታ ኔና ዳዋንዳኔ» ጌዔኔ። ዒዚ ዒዞና ዎላ ጋሮ ጌላንቴ ፃውና ሲሳራኮ ዋኖ ጩኡማ ጳርቄንቲ ዓኣ ጎይሣ ሌዛ ሳዓ ላሂ ዓኣኔ።

23 ናንጊና ናንጋ ጎዳ ዬኖ ኬሎ ዒሰራዔኤሌ ዓሳ ካኣና ካኣቲ፣ ያቢኔ ያሊ ባሻንዳጉዲ ማሃኔ። 24 ዔያታ ዒዛ ባይዛንዳያ ሄላንዳኣና ዒሰራዔኤሌ ዳራ ካኣቲ ያቢኔ ባሺ ባሺ ዓኣዴኔ።

# 5

## ዲቦራንታ ባርቄንታ ዓይናዴ ዓይኔዋ

1 ዬኖ ኬሎ ዲቦራና ዓቢኢኒያሜ ናኣዚ ባርቄና ሂዚ ጌይ ዓይናዴኔ፡-

2 ናንጊና ናንጋ ጎዳም ጋላታ!

ዒሰራዔኤሌ ዓሳ ያሎ ያላኒ

ጉቤ ዒናፓ ዔቄኔ፤

ዴራኣ ዎዛዲ

ፔ ማለሢና ናሽኪ ዔቄኔ።

3 ዒንሢ ካኣታ ዎዛዲ ዎቲ!

ዒንሢ ዎይሣ ዓሳኣ ዒና ዔኪ ዎይዙዎቲ!

ናንጊና ናንጋ ጎዳ ማዔ ዒሰራዔኤሌ ያኦዛሢ

- ታ ዓይናዳንዳኔ።  
 4 ናንጊና ናንጋ ጎዳሢዮ!  
 ሴዒሬ ዲካፓ ኔ ዔቃኣና  
 ዔደኦሜ ዓጫፓ ኔ ከሰካኣና  
 ሳዓ ዓጊጭኔ፤  
 ጫሪንጫፓ ዒርዚያ ዋርቄኔ።  
 ሂዮ! ዋኣፃ ሻኣሮይዳፓ  
 ለካ ሾኦቲኔ።  
 5 ሲና ዲኮ ጾኦዛሢ ቤርቶይዳ  
 ናንጊና ናንጋ ጎዳ ማዔ ዒሰራዔኤሌ ጾኦዛሢ ቤርቶይዳ  
 ዲካ ዓጊጭኔ።  
 6 ዓናቲ ናኣዚ ሻምጋኣሬንታ ያዔላንታ ዋዶና  
 ሲሳራ ዓጮኮ ኮርሞ ዓሳ  
 ዬኖ ዓጮና ዳንዲዋሴ፤  
 ጎይጾ ዳንዳ ዓሳኣ ዓኣሺንቲ  
 ሸርሻ ጎይሢና ዳንዳኔ።  
 7 ዔናኣሬ ዲቦራ! ዒሰራዔኤሌ ካታማ  
 ዓሲባኣያ ማዔኔ፤  
 ኔኤኒ ዒሰራዔኤሌኮ ዒንደ ማዒ  
 ዔቄ ዋዶ ሄላንዳኣና  
 ዒዛ ባዔ ማዒኬ ዳዔሢ።  
 8 ዒሰራዔኤሌ ዓሳ ቤርታ ዔያታ ዔሩዋ  
 ማሌ ጾኦሲ ደኦሬ ዋዶና  
 ዓጮኦይዳ ጾልዚ ከሰከኔ፤  
 ጾይዲታሞ ሺዮ ዒሰራዔኤሌ ዓሰይዳፓ  
 ጊቲማና ዋርሢና ዓርቄ ከሰከ ዓሲ ፔቲታጾ ባኣሴ!  
 9 ዒና ታኣኮ ዒሰራዔኤሌ ፖኦሊሶ ዓይሣዘንሢናከ፤  
 ዬያጉዲ ዋዘና ናሽኪ ዔቄ ዓሶናከ፤  
 ናንጊና ናንጋ ጎዳሞ ጋላታ!  
 10 ዒንሢ ኮኦሪንቲ ቦኦሬ ሃሮ ቶጋ  
 ኮኦሮ ዑፃ ጌሦና ሚዘጶ ባኮይዳኣ ጊኢጊ ዳዔ ዓሳ፤  
 ሃሣ ጊንሣ ዒንሢ ቶኮና ሃንታ ዓሳ  
 ዬያ ባኮ ከኤከዋቲ።  
 11 ሂንዳ ዋይዙዋቲ!  
 ዋኣጾ ዲዋ ዔቶ ኮይላ ዋይዘንታ  
 ሚርጌ ዓሶኮ ዑኡዛ

5:5 5:5 ከሲ. ማፃ 19:18።

ናንገና ናንጋ ጎዳ የሎና ባሾሢ ዔርዛያኬ፤  
ሃሣ ዒሰራዔኤሌ ዓሶኮዋ ባሺያ ኬኤዛያኬ።

ዬካፓ ናንገና ናንጋ ጎዳኮ ዴራ ፔኤኮ ካታማፓ ካታማፓ ኬሰኪ ካታሞ ጌሎ ካሮ ባንሢ ኬዴኔ።

12 ዲቦራ ዔቆ! ዔቆ!  
ዔቆ! ዔይኑሞዋ ዓይናዴ!  
ዓቢኒዔሜ ናዓሦ፣ ባርቆ ዔቆ!  
ሞርኮ ዲዒኒ ዔቆ ቤርታ ዴንዴ!

13 ዬካፓ ጉሙርቁንታያ ማዔ ዓሳ ቢያ  
ፔኤኮ ሱኡሳ ባንሢ ኬዴኔ፤  
ናንገና ናንጋ ጎዳኮ ዴራ የሎም ጌኢጊንቲ  
ዒዛ ባንሢ ሙኬኔ።

14 ፖኦሊሳ ዔፕሬኤሜፓ፣ ጊንሣ ሃሣ ዓማሌቁፓኦ ሙኬኔ፤  
ሃንጎዋታ ሃሣ ቢኢኒያሜፓ ሙኬኔ።  
ፖኦሊሶ ዓይሣ ዓሳ  
ማኪሬፓ ኬዲ ሙኬኔ፤  
የሎኮ ሱኡጋኦ ዛብሎኦኔፓ ኬዴኔ።

15 ዪሳኮኦሬ ዓሶ ሱኡጋ ዲቦራና ዋላ ሙኬኔ፤  
ሂዮ! ዪሳኮኦሬንታ ባርቁንታ ሙኬኔ፤  
ዶኦጮ ባንሢያ ዔያቶ ጊንያ ዴንዴኔ።  
ጋዓንቲ ሮኦኤኤሌ ዓሳ ላምዖ ቤሲ ፓቁንቲ  
«ዴንዶሞ ሃሾይ?» ጌይ ዔያታ ማሌኔ።

16 ዔያታ ፔ ማራቶና ዋላ ዓይጋ ኔጌይ?  
ማራቶ ጊንቾ ዑኡዞ ዋይዛኒዳ?  
ሂዮ! ሮኦኤኤሌ ዓሳ ላምዖ ፓቁንቲ፤  
«ዴንዶሞ ሃሾይ?» ጌይ ዔያታ ማሌኔ።

17 ጋኦዴ ዓሳ ዮርዳኖሴ ሱካ ዓቲኔ፤  
ዳኦኔ ዓሳኦ ዋኦያ ካኦሚሎ ኮይላ ዓቲኔ፤  
ዓሴኤሬ ዓሳ ባዞ ዓጫ ዓቲኔ፤  
ዋኦያ ካኦሚላ ዔቃ ቤዘይዳ ዴዔኔ።

18 ዛብሎኦኔንታ ኒፕታኦሌኤሜንታ ዴራ ጋዓንቲ  
ፔ ሺምፓሢ ሚጨንቱዋዖ ጌሜርይዳ የልቲኔ።

19 ዋኦያ ዓልቃ ቤዞ ሜጌዶይዳ  
ካኦታ ሙኪ ታዕናኬይዳ የልቲኔ፤  
ሃሣ ካኦናኔ ካኦታኦ የልቲኔ፤  
ሹጮ ቢሮ ዔያታ ዲዒ ዔኪባኦሴ።

20 ጫሪንጮይዳ ዓላ ዠኦጋሢ ሃንታዎ  
ሲሳራና ዋላ ያልቴኔ።

21 ቁሶኔ ዋራ ፒዲ ዔያቶ ዴንዴኔ፤  
ዬይ ሚናኣ ቁሶኔ ዋሮ ዲጳ ዔያቶ ሙዔኔ፤  
ታኣኒ ጫርቂ ቤርቲም ዴንዳንዳኔ!  
22 ያሎ ፓራሢ ሶጎድ ሶጎድ ጌይ ሙኩኔ።

23 ናንጊና ናንጋ ጎዳኮ ኪኢታንቻ ኬኤዛዎ፡-  
«ሜርዜ ጋዳንቁዋቴ!  
ዒኢካ ናንጋ ዓሶ ቢያ ጋዳንቁዋቴ!  
ዔያታ ናንጊና ናንጋ ጎዳ ዛላ ዔቂባኣሴ፤  
ዒዛ ዛሎ ያልታኒያ ኬሰኪባኣሴ» ጌዔኔ።

24 ቁና ዓሢ ሄቤሬ ማቻ ያዔላ  
ላኣሎ ቢያይዳፓ ባሼ ዓንጂንቴያ ማዎም፤  
ዓፒሎና ማዠና ማኣሮይዳ ናንጋ ዓሶፓ  
ቢያ ባሼ ዓንጂንቴያ ማዎም።

25 ሲሳራ፡- «ዋኣሢ ታና ዑሹቴራ?» ጋዓዛ  
ዒዛ ጋዓንቴ ዲኢቁ ዒዛም ዒንጌኔ፤  
ሚዛጳ ዓንዶና ሚጲ ዒዛ ዒንጌኔ።

26 ዬያጉዲ ጊንሣ ፔቴ ኩጫ ፃውኖ  
ሚዛቆ ኩጮና ጊታሢኮ ሞቶሾ ዔኪ  
ሲሳራኮ ቶኦኮ ዒዛ ጳርቂ ዳኣፄኔ፤  
ዋዮ ጨኡሞናኣ ጳርቂ ፃጴኔ።

27 ዒዚ ዒዘኮ ቶኮ ዴማ ባሺንቴ ሎኦሜኔ፤  
ዒኢካ ዒዚ ሎኦሚ ላሄኔ፤  
ሎኦሚ ቤዛ ዒማካ ዒ ሃይቁኔ።

28 ሲሳራኮ ዒንዳ ፔ ማኣሮኮ ፑልቶና ዛጌኔ፤  
ፑልቶ ካሮ ጎኦቦና ባኮኮ ፂኢኖና ሂርጊ ዒዛ ዛጋዎ  
«ታናዎኮ ሳርጌሎ ያይታ ዎይቲ ኔጌይ?  
ፓራሢኮ ሹቁሎ ካኣና ዎይቲ ባይቁይ?» ጌይ ዒዛ ያኦጮኔ።

29 ዔሮ ላኣላ ዒዛም ማሂ ኬኤዜኔ፤  
ዒዛ ጋዓንቴ ሂዚ ጌይ ማሌኔ፡-

30 «ዔያታ ሄኤዶ ዲዒ ዔኮና ባኮ ጊሽታኣናንዳኔ፤  
ፖኦሊሶፓ ፔቴ ዓሲም ፔቴ ሃንጎ ላምዎ  
ዉዲር ናይ ዔያታ ዒንጋያ ናንዳኔ፤  
ሲሳራም ዔያታ ሚዛጲ ማኣዎ ዒንጋንዳኔ፤  
ሃሣ ታኣማኣ ዔያታ ባቃና ታ ማይንታንዳ  
ማይሊ ኮሾና ማኣዎ ዔኪ ሙካንዳኔ።»

31 ናንጊና ናንጋ ጎዳሢዮ!  
 ኔኤኮ ሞርኮ ቢያ ዬያይዲ ባይዜ፤  
 ኔና ናሽካ ዓሳ ጋዓንቴ  
 ፆፆርቃ ዓቢጉዲ ፖፖንጎ።

ዬካፓ ዓጩላ ያይዲታሚ ሌዔ ያልዚባኣያ ኮሺ ዴዔ።።

# 6

## ጌዲዎኔ

1 ዒሰራዔኤሌ ዴራ ላሚ ሃሣ ናንጊና ናንጋ ጎዳም ዋይዞ ዒዲ ፑርታ ማዶ ማዳኔ፤ ዬያሮ ናንጊና ናንጋ ጎዳ ዔያቶ ሚዲያሚ ዓሶ ኩጩ ዓኣሢ ዒንጌም ሚዲያሚ ዓሳ ዔያቶ ላንካይ ለዔ ጉቤ ፔ ዴማ ማሂ ዋይሢ። 2 ሚዲያሚ ዓሳ ዒሰራዔኤሌ ዓሶይዳፓ ባሺ ደዳሢሮ ዒሰራዔኤሌ ዓሳ ፑኒንቶንዶ ቤሲ፤ ጌይፆ፡ ዴኔ ዔቴንታ ዋርዲያ ቤሲንታ ኮሺ። 3 ዒሰራዔኤሌ ዓሳ ጎዡ ጎሽካ ዎደማና ሚዲያሚ ዓሶንታ ዓማሌቄ ዓሶንታ ዓባ ኬሰካ ዛላ ዓኣ ዓሶንታ ሙኪ ሙኪ ዔያቶ ያላ። 4 ዒኢካ ዔያቶ ዓጩይዳ ዴንኪ ዴዒ፣ ጋኣዛ ኮይላ ዓኣ ቤዞ ሂላንዳኣና ዓጩይዳ ዓኣ ሃኣኮ ቢያ ባይዛ፤ ማራቶንታ ባኣቶንታ ሃሮንታ ዒሺ ዒሺ ፔቴታዎ ዓይሱዎዎ ዔኪ ዴንዴ። 5 ዬና ዓሳ ፔኤኮ ባኣቶንታ ዓፒሎና ማዡ ማኣሮንታ ዔኪ ሙካኣና ዲቡማ ዓቢሢ ማላ፤ ዔያቶንታ ዔያቶኮ ጋኣላሢንታ ፓይዳኒ ዳንዳዒንቱዋያ ኮሺ ዲቢታሢሮ ሙካዎ ዓጩሎ ዔያታ ባባይዛ። 6 ዬያይዲ ሚዲያሚ ዓሳ ዒሰራዔኤሌ ዓሶ ሜቶይዳ ዓጌ፤ ዬያሮ ናንጊና ናንጋ ጎዳ ዔያቶ ማኣዳንዳጉዲ ዒሰራዔኤሌ ዓሳ ዒላቴ።።

7 ሚዲያሚ ዓሶይዳፓ ናንጊና ናንጋ ጎዳ ዔያቶ ዓውሳንዳጉዲ ዒዛ ባንሢ ዒሰራዔኤሌ ዓሳ ዒላታዛ፤ 8 ናንጊና ናንጋ ጎዳ ፔቴ ዒዛ ማለሢ ኬኤዛ ዓሲ ዒሰራዔኤሌ ዓሶም ዴኬ፤ ዬይ ዓሢ ናንጊና ናንጋ ጎዳ ማዔ ዒሰራዔኤሌ ያኣዛሢዳፓ ዔኪ ሙኤ ኪኢታ፡- «ዒንሢ ዓይላቶና ናንጌ፣ ጌብፄ ዓጩፓ ታ ዒንሢ ኬሴ፤ 9 ጌብፄ ዓጩ ዓሶንታ ሃሮ ዓጩይዳ ዒንሢ ሜታሳ ዓሶንታይዳፓ ቢያ ታ ዒንሢ ዓውሴ፤ ዒንሢኮ ቤርታፓ ሃሮ ዓጩ ዓሶ ዳውሲ ታኣኒ ኬሲ ዔያቶኮ ዓጩ ዒንሢም ታ ዒንጌ። 10 ታኣኒ ናንጊና ናንጋ ጎዳ ማዔ ዒንሢኮ ያኣዛሢ ማዔሢንታ ሃሢ ዒንሢ ዔያቶኮ ዓጩ ዔኪ ናንጋ፣ ዓሞራ ዓሶ ያኣዛ ዒንሢ ካኣሽኩዋጉዲ ታ ዒንሢም ኬኤዜንቴ ዒንሢ ታኣም ዋይዚባኣሴ» ሂዚ ጋዓያኤ።

11 ናንጊና ናንጋ ጎዳኮ ከኢታንቻሢ:- «ፆፕራ» ጌይንታ ጉርዳሰኬና ሙኪ ዓቢዔዜሬ ቶኦካሢ፣ ዒዮዓሴ ሻኦሶ ደማ ደዔኔ፤ ዒዮዓሴ ናኦዚ፣ ጌዲዎን ዒማና ሚዲያሚ ዓሶፓ ዓኦሺንቲ ዎይና ጩኦጾ ቤሲዳ ዛርጌ ሺርካኔ፤ 12 ዬና ዒ ሺርካ ቤዘይዳ ዓኦንቲ ናንጊና ናንጋ ጎዳኮ ከኢታንቻሢ ዒዛሞ ጴዳዮ:- «ኔኤኒ ሃይ ዎልቆና ደዳሦ! ናንጊና ናንጋ ጎዳ ኔኤና ዎላኬ» ጌዔኔ።

13 ጌዲዎን ማሃዮ:- «ታ ጎዳ! ያዲታቲ ሃይ ቢያ ሜታሢ ዎይቲ ኑና ሄሌይ? ኑ ዓድንሢ ኑሞ ኬኤዜ፣ ናንጊና ናንጋ ጎዳ ፔ ዎልቆና ማዳዲቃሢ ባካ ሃና ዎካዳይ? ጊብፂፓ ዔያቶ ዒ ዎዲ ኬሴቲያ ኑሞ ዔያታ ኬኤዜኔ፤ ጋዓንቲ ሃና ናንጊና ናንጋ ጎዳ ኑና ሃሺ ዔያታ ኮዔ ጎይሢ ማዳንዳፐዲ ሚዲያሚ ዓሶ ኩጫ ዓኦሢ ኑና ዒንጌንቲሞ» ጌዔኔ።

14 ናንጊና ናንጋ ጎዳ ዒማና ዒዛ ባንሢ ሺራዮ:- «ዴንዴ፤ ሃያ ኔኤኮ ዓኦ ደደ ዎልቆና ዒሰራዔኤሌ ዓሶ ሚዲያሚ ዓሶይዳፓ ዓውሴ፤ ታ ኔና ዳከኔ» ጌይ ዓይሢኔ።

15 ጌዲዎን:- «ታኦኒ ዎዲ ዒሰራዔኤሌ ዓሶ ዓውሳኒ ዳንዳዓይ? ታ ፃጸ ሚናኦሴ ፃጸ ዓሶ ባኦካፓ ሚርጌ ዎልቁባኦያ፣ ላቤያከ፤ ታኦኒያ ታ ማኦር ዓሶ ባኦካፓ ኮሺ ላኦፓ ዓሲኬ» ጌዔኔ።

16 ናንጊና ናንጋ ጎዳ ዒዛሞ:- «ታ ኔና ማኦዳንዳሢር ኔ ዬያይዳኒ ዳንዳዓኔ፤ ሚዲያሚ ዓሶ ፔቲ ዓሲ ማሂ ኔ ጋኦጫንዳኔ» ጌዔኔ።

17 ጌዲዎን:- «ኔኤኒ ዓሲኬ ታና ጌዔያታቲ ሂንዳ ጎኔና ኔኤኒ ናንጊና ናንጋ ጎዳ ማዔሢ ዔርዛ ማላታ ታና ዳዌ፤ 18 ታ ኔኤሞ ሙኡዚ ማዓ ካሢ ዒንጎ ባኦዚ ማሂ ዔኪ ሙካንዳኦና ሃይሚፓ ዴንዲፖ» ጌዔኔ።

ናንጊና ናንጋ ጎዳ ዒዛሞ:- «ኔ ማዒ ሙካንዳኦና ታ ካፓንዳኔ» ጌዔኔ።

19 ዬያር ጌዲዎን ፔ ማኦሪ ዴንዳዮ ዎናናይ ሹኪ፣ ታጾ ከሎ ማዓንዳ ዲኢሊ ዔኪ ሙኡቃ ፃኦዛ ዎሁዎ ላኦዳ ላኦዴኔ፤ ዬካፓ ዓሻኮ ሌኤ ማቴይዳ፣ ዓሻኮ ዎኦፓ ሺልዔይዳ ሻኦሶ ደማ ዓኦ ናንጊና ናንጋ ጎዳኮ ከኢታንቻሢሞ ዔኪ ሙኡከኔ። 20 ከኢታንቻሢ ዒዛ:- «ዓሻኮንታ ካሦንታ ሃያ ላሎይዳ ጌሢጋፓ ጊዳ ዓሻኮ ዎኦፓ ዎሄ» ጌይ ዓይሢኔ፤ ጌዲዎን ዒ ዓይሢ ጎይያማ ማዳኔ። 21 ዒማና ናንጊና ናንጋ ጎዳኮ ከኢታንቻሢ ባንሢ ደጫዮ ዓሻኮንታ ካሦንታ ዒዚ ኩጫ ዓርቁ ኮኦሎኮ ቤርቶና ካኦማዛ ታሚ ላላፓ ኬሰኪ ዓሻኮና ካሦና ሙዔኔ፤ ዬካፓ ከኢታንቻሢ ዒዛ ዓኦፓፓ ዓኦሺንቲ ባይቁኔ።

22 ጌዲዎኔ ዛጌህ ናንጊና ናንጋ ጎዳኮ ከኢታንቸታህ ሲ ዔራዎ:- «ናንጊና ናንጋ ጎዳ ማዔ ያኦሲዮ! ኔ ከኢታንቸቶ ሳኦፕ ካሮ ቤርታ ዔቂታ ዛጌህሮ ማይ ታ ጋፔኔ» ጌዔኔ።

23 ናንጊና ናንጋ ጎዳ ጋዓንቴ:- «ዒጊጨፖ፤ ኔ ሃይቃዓኩ» ጌዔኔ።  
24 ጌዲዎኔያ ዒኢካ ናንጊና ናንጋ ጎዳም ዒንጎ ባኦዚ ዒንጎ ቤሲ ኮሺ:- «ናንጊና ናንጋ ጎዳ ኮሹሞ ዔኪ ዩዓ ያኦሲኩ» ጌይ ዩኖ ዒንጎ ቤዘኮ ሱንህ ጌህኔ፤ ዩና ዒንጎ ባኮ ዒንጎ ቤዜላ ሃኖ ሄላንዳኦና ዓብዔዜሬ ቶኦካህ ሲጨ ማዔ፣ ያፕራይዳ ዓኦኔ።

25 ዩኖ ዋንቴሎ ናንጊና ናንጋ ጎዳ ጌዲዎኔም:- «ኔ ዓደኮ ፔቴ ጌመይና ላንካይ ለዔ ማዔ ዋፓናና ዔኬ፤ ሃህ ኔ ዓዴ ባዓኦሌ ጌይንታ ያኦዛህም ኮሺ፣ ዒንጎ ባኮ ዒንጎ ቤዘ ሻሂ ደይሴ፤ ጊንሃ ሃህ ዩያኮ ኮይላ ዓኦ ሳሺራ» ጌይንታ ላኦ ያኦዜሎኮ ማላቶ ማንህ ከኤሬ፤ 26 ዩና ኔ ሻሂ ደይሴሂኮ ኩለንቴህ ዑፃ ናንጊና ናንጋ ጎዳ ማዔ ኔ ያኦዛህም ዒንጎ ባኮ ዒንጎንደ ቤሲ ሚዛጲ ኮሺ፤ ለምዓሳ ጌማዓህ ዔኪጋፓ ማንህ ኔ ከኤሬ ዓሺራ ማላቶኮ ማቂያ ሚያ ዔኤህ፣ ጉቤ ሚቺ ዒንጎ ባኦዚ ማሂ ጌመ ሹኪ ዓሸኮ ሚቺ» ጌዔኔ። 27 ጌዲዎኔ ዒማና ዒዛም ማዳ ዓሶይዳፓ ታጾ ዓሲ ዔኪ ዴንዲ ናንጊና ናንጋ ጎዳ ዓይህ ጎይያ ማዴኔ፤ ዒዛኮ ማኦር ዓሶንታ ካታማ ናንጋ ዓሶዋ ዒዚ ዒጊጨህሂሮ ዩያ ዒ ማዳህ ሮኦራቴዋንቴ ዋንታኩ።

28 ዚሮ ጉቴሎ ካታም ዓሳ ጉቴ ዔቃንቴ ባዓኦሌም ኮሺንቴ ዒንጎ ባኮ ዒንጎ ቤዛ ደዒ፣ ዓሺራኮዋ ማላታ ማቂ ደዒ ዓኦህ ዓሳ ዴንቄኔ፤ ሃህ ዓኪ ኮሺንቴ፣ ያኦሲም ዒንጎ ባኮ ዒንጎ ቤዘይዳ ለምዓሳ ጌመ ሹኪንቴ ሚቺ ዒንጎ ዒንጊህ ማዒ ዒንጎናያ ዔያታ ዴንቄኔ። 29 ዩያሮ ዔያታ ዋሊ ኮይላ:- «ሃያ ያ ማዴይ?» ጌይ ያኦጨኔ፤ ሚርጌ ዔያታ ዩያይዲ ያኦጨሰካፓ ዩያ ማዴህ ዒዮዓሴ ናኦዚ ጌዲዎኔ ማዔህ ዔሬኔ። 30 ዩካፓ ዔያታ ዒዮዓሴ ኮይላ:- «ባዓኦሌም ዒንጎ ባኮ ዒንጎ ቤዘ ሻሂ ደይሴ፣ ኮይላ ዓኦ ዓሺራኮ ማላቶ ማንህ ሲ ከኤሬሂሮ ኔኤኮ ናኦዚ ከሲ ዒንጌ፣ ኑ ዒዛ ዋዳንዳኔ!» ጌዔኔ።

31 ዒዮዓሴ ጋዓንቴ ዳጋዲ ዒዛ ኮይላ ሙኩ ዓሶ ቢያህም:- «ዒንህ ሃህ ሞኦታህ ባዓኦሌ ዛሎዳ? ዒዛ ዒንህ ዓውሳኒ ኮዓ? ዒዛ ዛሎ ሞኦታ ዓሲ ዚሮ ጉቴ ሄላንዳኦና ቢያ ሃይቆም! ዒዚ ያኦሲ ማዔቴ ዒዛም ዒንጎ ቤዘ ሻሂ ዓህና ዋላ ፔኤሮ ዒ ሞኦቲንቶንጎ» ጌዒ፣ 32 ጌዲዎኔኮ ሱንዮ:- «ዩሩባዓኦሌ» ጌይ ጌህኔ፤ ዩኖ ሱንጃሎኮ ቡሊፃ «ሻሂ ደይሶናህ ባዓኦሌም ዒንጎ ባኮ ዒንጎ ቤዘታሂሮ ሂንዳ ዒዚ ዳንዳዓቴ ፔኤሮ ሞኦቶንጎ» ጋዓያኩ።



33 ዩካፓ ሚዲያሜ ዓሶንታ ዓማሌቄ ዓሶንታ ዓባ ኬሰካ ዛሎ ዓሶንታ ፔቲይዳ ዮርዳኖሴ ዋርና ፒንቂ ዒይዘራዔኤሌ ዶኦጮይዳ ዲንኪ ዴዔኔ። 34 ዒማና ናንገና ናንጋ ጎዳኮ ዓያና ጌዲዎኔ ዑፃ ኬዴኔ፤ ዩያሮ ዒዚ ዓቢዔዜሬ ቶኦኮ ቢያሢ ዒዛ ገንፆ ኬሰካንዳጉዲ ዔኤሊሢ ዛዬ ዋርቄኔ፤ 35 ሃሣ ዒዚ ሚናኦሴ ፃፅ ቢያሢሚኦኦ ኪኢታ ዳኪ ዒዛ ገንፆ ሙካንዳጉዲ ዔኤሊሴኔ፤ ዩያጉዲ ዓሴኤሬንታ ዛብሎኦኔንታ ኒፕታኦኤኤሜ ፃፅማኦ ኪኢታ ዳኪም ዔያታ ሃንጎ ዓሶና ዋላ ያሎሮ ኬሰኬኔ።

36 ዩካፓ ጌዲዎኔ ናንገና ናንጋ ጎዳ ኮይላ፡- «ኔ ታኦም ኬኤዜ ጎይፆ ዒሰራዔኤሌ ዓሶ ታኦና ማዒ ኔ ዓውሳንዳያታቲ፤ 37 ሂንዳ ታኦኒ ዛርጎ ሺርካ ቆይደይዳ ማራይ ጋፓኔ ቡኩሲ ጌሣንዳኔ፤ ዚር ጉቲ ኮይላ ዓኦ ሳዓ ቢያ ፃኦዲ ማዓዛ ጋፓና ሌሊ ያልካዳቲ ኔ ኬኤዜሢ ጎይፆ ዒሰራዔኤሌ ዓሶ ዓውሳኒ ኔ ታና ዶኦጮያታሢ ታ ዔራንዳኔ» ጌዔኔ። 38 ዒዚ ጌዔሢጉዲ ማዔኔ፤ ጌዲዎኔ ዚር ጉቲሎ ሚኢሪ ዔቃፆ ዒ ቡኩሲ ጌሢ ማራቶ ጋፓኖ ዲምዓዛ ፔቲ ዓንዳ ኩማንዳ ዋኦሢ ኬሰኬኔ። 39 ሃሣ ዒዚ ናንገና ናንጋ ጎዳ ኮይላ፡- «ሃዳራ ታና ጎሪፖ፤ ፔቲ ባኦዚ ሃሣ ታ ኔኤም ኬኤዘም፤ ዩና ዓይጎዳይ ጌዔቲ ዩና ጋፓኖይዳ ሜሌ ማላታ ጴዳንዳጉዲ ታ ያኦጮኔ፤ ጌይፆ፡- ማራቶ ጋፓኖ ፃኦዲ ሃሺጋፓ ኮይላ ዓኦ ሳፆ ታኦም ዋዒሴ» ጌዔኔ። 40 ዩና ዋንቴሎ ናንገና ናንጋ ጎዳ ዩያ ማዴኔ፤ ዚር ጉቲ ማራቶ ጋፓና ፃኦዲ ማዓዛ ኮይላ ዓኦ ሳዓ ያልካዳያ ማዔኔ።

# 7

## ጌዲዎኔ ሚዲያሜ ዓሶ ያሎና ባሽሢ

1 ዩሩባዓኦ ጌይንቴሢ ጌዲዎኔና ዒዛና ዋላ ዓኦ ዓሳ ቢያ ጉቲ ሚኢሪ ዔቂ ዴንዲ ሃርዴ ጌይንታ ዋኦፃ ዓልቃ ቤዛ ዲንኪ ዴዔኔ፤ ዒማና ሚዲያሜ ዓሳ ዲንኪ ዴዔሢ ዔያቶኮ ኬዶ ዛላ፣ ሞኦሪ ጌሜሮ ኮይላ ዓኦ ዶኦጮይዳኬ።

2 ናንገና ናንጋ ጎዳ ጌዲዎኔም፡- «ሚዲያሜ ዓሶ ያሎና ዒንሢ ባሻንዳጉዲ ዋልቄታ ዒንሢም ዒንጉዋጉዲ ሃሢ ኔኤና ዋላ ዓኦ ዓሳ ሚርጊ ታኦም ጴዳኔ፤ ዔያታ ፔ ዋልቆና ባሽያ ዔያቶም ማላንዳሢሮ ታና ዔያታ ቦንቻዓኬ፤ 3 ዩያሮ ዴሮም፡- <ዒንሢ ባኦካፓ ዒጊጫ ዓሲ ዓኦቲ ፔ ማኦሪ ማዒ ዴንዶንጎ፤ ኦኦኒ ሃካ ጌሌዓዴ ዲኮይዳ ዴዓንዳኔ» ጌይ ኬኤዜ» ጌዔኔ። ዩያ ጌይንቴሢሮ ላማታሚ ላምፆ ሺያ ዓሲ ማዒ ዴንዳዛ ታጶ ሺያ ዓሲ ሌሊ ዓቲኔ።

---

7:3 7:3 ላሚ. ዋማ 20:8።

4 ናንገና ናንጋ ጎዳ ጌዲዎኔም፡- «ሃሢያ ኔኤኮ የሎ ዓሳ ሚርጌ ዓኣ ጎይሣኪ፤ ዔያቶ ዋርዚ ዔኪ ዳንዳ፤ ታ ዔያቶ ዒኢካ ኔኤም ዲማሳንዳኔ፤ <ኔኤና ዋላ ዓኣድንጎ> ታ ጋዓ ዓሢ ዳንድንጎ፤ <ዓቶንጎ> ታ ጋዓ ዓሢ ማዒ ዳንድንጎ» ጌዔኔ። 5 ዩያሮ ጌዲዎኔ ዓሶ ዋርዚ ዔኪ ኬዳኔ፤ ዒማና ናንገና ናንጋ ጎዳ ዒዛም፡- «ጉምዓቲ ዋኣፆ ዑሽካ ዓሶ ባኣካፓ ካኒ ዒንዲርሳ ጳጪ ዑሽካ ጎይፆ ኩጮና ዑሽካ ዓሶ ዲማሴ!» ጌዔኔ። 6 ዒማና ዋኣፆ ኩቻ ዲይ ዲይ ዑሽኬ ዓሶኮ ፓይዳ ሃይሃ ጃኤታ ማዔኔ፤ ሃንጎ ዓቲ ዓሳ ጋዓንቴ ቢያ ጉምዓቲ ዑሽኬኔ። 7 ናንገና ናንጋ ጎዳ ጌዲዎኔም፡- «ኩጮና ዋኣፆ ዲይ ዲይ ዑሽኬ ሃንሢ ሃይሃ ጃኤቶ ዓሶንሢና ማዒ ታ ዒንሢ ዓውሳንዳኔ፤ ሚዲያሜ ዓሶዋ ታ ዒንሢ ባሺሳንዳኔ፤ ሃንጎ ዓቲ ዓሶም ጋዓንቴ ፔ ማኣሪ ማዒ ዳንዳንዳጉዲ ኬኤዜ» ጌዔኔ። 8 ዩያሮ ጌዲዎኔ ሃንጎ ዓሳ ፔ ማኣሪ ዓኣዳንዳጉዲ ዳኪ፡ ሃይሃ ጃኤቶ ዓሶንሢ ዓይሴኔ፤ ዬና ዓቲ ዓሳ ዳንዳ ዓሶኮ ጋሎንታ ዛያሢንታ ዔኬኔ።

ሚዲያሜ ዓሶኮ ጉርዳ ዔያታ ዓኣ ቤዛፓ ሊካ ዶኦቹዳ ጳዳያኬ። 9 ዩኖ ዋንቴሎ ናንገና ናንጋ ጎዳ ጌዲዎኔም፡- «ታ ኔና ሚዲያሜ ዓሶ ባሺሳንዳሢሮ ዳንዲ ዔያታ ዲንኪ ዳዔ ቤዛ ዓኣንቴ ዔያቶ የሌ። 10 ኔና ዳንዲ የሊፆ ባረቻቹቲ ኔኤም ማዳያ፡ ፕራ ጎያሢና ዋላ ዔያታ ዓኣ ቤዛ ኬዳ፤ 11 ዔያታ ጋዓ ባኮ ኔ ዋይዛንዳኔ፤ ዬካፓ ኔ ዔያቶ የላኒ ጫርቃንዳኔ» ጋዓዛ፡ ጌዲዎኔና ዒዛም ማዳ ፕራና ዔያቶኮ ሞርካ ዲንኪ ዳዔ ቤዛኮ ኮይሎ ኬዳኔ፤ 12 ሚርጌጉማ ዓቢሢጉዲ ማዔ፤ ሚዲያሜ ዓሶንታ ዓማሌቄ ዓሶንታ ዓባ ኬሰካ ዛላ ዓኣ ዓሶንታ ዶኦይዳ ዲንኪ ዳዒ ዓኣኔ፤ ዒማና ዔያቶ ጋኣላሢኮ ሚርጌጉማ ባዚ ዓቸ ማኣሻላጉዲ ፓይዲንቴዋያኬ።

13 ጌዲዎኔ ዒኢካ ሃላፆ ፔቲ ዓሲ ዓውቲ ዓውታዳያ ፔ ላጋሢም ኬኤዛንቴ ዋይዜኔ፤ ዒ ኬኤዛ ዓውታ፡- «ፔቲ ዔልሳ ላኣዳ ኮላዲ ኬዲ ኑ ዲንኪ ዳዔ ቤዛ ዓኣ ዓፒሎና ማዦና ማኣሮ ዲዓዛ ማኣራ ሳየይዳ ጉፓኖ ሎኦሜኔ» ጋዓያኬ።

14 ዩያ ዓሢኮ ላጋሢ ዩያ ዓሢም፡- «ዩይ፤ ዒሰራዔኤሌ ዓሢ፡ ዒዮዓሴ ናኣዚ ጌዲዎኔ የሎኬ! ፔቲታፆ ሜሌ ባኣዚ ማዓኒ ዳንዳዑዋሴ፤ የኦሲ ሚዲያሜ ዓሶንታ የላ ዓሶ ቢያሢንታ ጌዲዎኔ ባሻንዳጉዲ ጌዲዎኔም ዋልቄ ዒንጌኔ ጌይሢኬ!» ጌይ ዓውቶ ቡሌኔ።

15 ጌዲዎኔ ዒማና ዓሢኮ ዓውቶና ዓውቶኮ ቡሊፆዋ ዋይዛፆ ጉምዓቲ የኦሲም ዚኔኔ፤ ዬካፓ ዒሰራዔኤሌ ዓሳ ዓኣ ቤዛ ማዒ ዳንዲ፡- «ዔቄዋቲ! ናንገና ናንጋ ጎዳ ሚዲያሜ ዓሶ ዒንሢ ባሺሳኒኬ!» ጌዔኔ። 16 ዬካፓ ሃይሃ ጃኤቶ ዓሶ ሃይሃ ቤሲ ፓቄ፡

ፔቴ ፔቴ ዓሰም ዛዬንታ ጋራ ኩሻ ዓኣ ያቲንታ ዒንጋዖ፡ 17 ዒያቶም፡- «ታኣኒ ሞርካ ዲንኪ ዴዔ ቤዞ ሄላዖ ማዲንዳ ባኮማ ኮሺ ዛገጋጋጋ ዒንሢያ ዒማይዲዎቴ። 18 ታናንታ ታኣና ዎላ ዓኣ ዓሰንታ ዛያሢ ኑ ዋርቃኣና ዒንሢያ ዒንሢሢ ዛያሢ ጉርዶ ዙሎይዳ ዋርቂ ዋርቂ ሩንገና ሩንጋ ጎዳንታ ጌዲዎኔንታም ያልቱዎቴ!» ጌይ ዒላቱዎቴ» ጌዔ።

19 ዒማና ሳዓ ገዲሚሽ ማዓንዳሢኮ ዳካ ቤርታ፡ ሚዲያሚ ዓሰኮ ዋርዲዮ ካፓ ዓሳ ዎሊ ዓኣሄሰካፓ ጌዲዎኔንታ ዒዛና ዎላ ማሆና ጌኤቶ ዓሰንታ ሚዲያሚ ዓሳ ዲንኪ ዴዔ ቤዞ ሙካዖ ዛያሢ ፔኤኮ ዋርቂ፡ ዒያታ ዒኪ ዓኣ ያቶዎ ጳዲሲ ዎዴ። 20 ዒያታ ዩያይዳኣና ሜሌ ዛሎይዳ ላምዖ ፓቂንቲ ዓኣ ዓሳ ዒማይዴ፤ ዒያታ ቢያሢ ታሞና ዓይሢንቲ ዓኣ ኩሽ ሻውሎ ኩጫ፤ ዛያሢ ሚዛቆ ኩጫ ዒኪ፡- «ሩንገና ሩንጋ ጎዳንታ ጌዲዎኔንታም ኑ ያልታንዳ፤!» ጌይ ዒላቱ። 21 ዩያይዳዖ ፔቴ ፔቴ ዓሳ ሚዲያሚ ዓሳ ዲንኪ ዴዔ ቤዞኮ ዙሎ ማንገሊ ዒቃዛ፡ ዒያቶኮ ሞርካ ጉቤሢ፡- «ዉኡዉይ!» ጌይ ዒላቲ ዒላቲ ጳሽኬ፤ 22 ዒማና ሃይሃ ጌዲዎኔ ዓሳ ፔኤኮ ዛያሢ ዋርቃዛ ሩንገና ሩንጋ ጎዳ ፔቴ ፔቴ ሞርኮኮ ያሎ ዓሳ ዎሊ ጩንቸ ዓፓሮና ኩርሳንዳጉዲ ማሄ፤ ዓቲ ዓሳ ዲሬራ ዛሎና ጌዒ ቤትሺፃ ሄላዖ ዩይና ሃሣ ፃባቲ ኮይላ ዓኣ ዓቤልሚሆላ ሄላንዳኣና ጳሽኪ ዴንዴ።

23 ዩካፓ ኒፕታኣሌኤሚንታ ዓቤኤሬንታ ሚናኣሌንታ ፃጳኣ ቢያ ዒኤሊንቲ ሙኪ ሚዲያሚ ዓሰ ዳውሴ፤ 24 ጌዲዎኔ ዒማና ጌሜራዳ ዒፕሬኤሚ ዓጮይዳ ዓኣ ዓሰም ቢያ ኪኢታ ዓሲ፡- «ኩዲ ሚዲያሚ ዓሰ ያሉዎቴ፤ ዒያታ ዮርዳኖሴ ዎሮና ፒንቂ ቶሊ ዴንዲዎጉዲ፡ ዮርዳኖሴ ዎሮና ዮርዳኖሴ ዎሮይዳ ጌላ ዎሮኮ ካሮ ካሮ ዴንዲ ቤትባራ ሄላንዳኣና ቲቂ ዛገ ካፑዎቴ» ሂዚ ጌይ ዳኬ፤ ዩያሮ ዒፕሬኤሚ ዓሳ ዎሊ ዒኤሊ ዒኪ ዮርዳኖሴ ዎሮና ዒኢካ ጌላ ዎሮናኮ ካሮ ካሮ ዴንዲ ቤትባራ ሄላንዳኣና ቲቂ ዒቂ። 25 ዒማና ዒያታ ያሬቤና ዜዔቤ ጌይንታ ላምዖ ሚዲያሚ ዓሰኮ ሱኡጌሰከንሢ ዲዒ ዒኪ፡ ያሬቤ፡- «ያሬቤ ላሎ» ጌይንታ ቤዛ፤ ዜዔቤ፡- «ዜዔቤኮ ዎይና ጩኡጳ ቤዞ» ጌይንታ ቤዛ ዎዴ። ዩካፓ ዒያታ ሃንጎ ሚዲያሚ ዓሰ ዳውሴ፡ ያሬቤና ዜዔቤናኮ ቶኦኮ ቲቂ ጌዲዎኔም ዒኪ ሙኪ፤ ዒማና ጌዲዎኔ ዮርዳኖሴ ዎሮኮ ዓባ ኬሰካ ዛላ ዓኣ።

# 8

ሚዲያሚ ዓሰኮ ጋፒንሢ ባሺንቲዖ

1 ዩካፓ ዔፕሬኤሜ ዓሳ ጌዲዎኔ ኮራ፡- «ኔኔኒ ሚዲያሚ ዓሳ ያላኒ ዴንዳዎ ኑና ዓይጋ ዔኤሊባኣይ? ዎይታዛ ኔ ዩያይዴይ?» ጌይ ዒናፓ ዳጋዲ ያኦጩኔ።

2 ዒዚ ዔያቶዎ ማሃዎ፡- «ታ ማዳ ባኮና ዒንሢ ማዳሢና ዎላ ካንሢ ዛጎዛ ታኦሲ ዔኤሊባኣ ባኣዚ ማዓኔ፤ ታ ዓሳ ቢያሢ ማዳ ባኮይዳፓ ዔፕሬኤሜ ዓሳ፡ ዒንሢ ማዳ ዳኮ ባካ ባሻያከ። ዩይያ፡- ዔፕሬኤሜ ዎይኖኮ ቃኣሉዎ ማንጻሢ ዒብዔዜሬ ካዎ ማንጻ ዎይናፓ ባሼኔ ጌይሢከ። 3 ዒንሢ ናንጊና ናንጋ ጎዳ ዒንሢ ማኣዴዎ ላምዎ ሚዲያሚ ዓሳ ሱኡጎ ያሬቤና ዜዔቤና ዎዳኔ፤ ዓካሪ ታኣኒ ዩያጉዴያ ዓይጎ ማዳ ባኣዚ ዓኣይ?» ጋዓዛ፡ ዳጋ ዔያቶኮ ማዓኔ።

4 ዒማና ጌዲዎኔንታ ዒዛና ዎላ ዓኣ ሃይሃ ጼኤቶ ዓሶንታ ዮርዳኖሴ ዎር ሙኪ ፒንቄኔ፤ ዎዚ ዔያታ ላቤያ ማዔቴያ ሞርኮ ዳውሲያ ሃሺባኣሴ። 5 ዩካፓ ሱኮቴ ካታዎ ዔያታ ሄሌኔ፤ ጌዲዎኔ ዩኖ ካታዎ ዓሶ ኮራ፡- «ታ ዓሶዎ ካሣ ዒንጉዎቴራ፤ ዔያታ ሚርጌ ላቤኔ፤ ታኣኒ ሃሢ፡- ዜባሄና ፃልሙናዔ ጌይንታ ሚዲያሚ ዓሳ ካኣቶንሢ ዳውሳኔ» ጌዔኔ።

6 ሱኮቴ ካታዎ ሱኡጋ ጋዓንቴ፡- «ኔኔኮ ፖኦሊሶዎ ካሃ ኑ ዒንጋሢ ዓይጎርዳይ? ኔኔኒ ዜባሄና ፃልሙናዔና ዓርቁባኣንቴዎ» ጌዔኔ።

7 ጌዲዎኔ ዔያቶዎ፡- «ቃራከ! ናንጊና ናንጋ ጎዳ ታና ማኣዴዎ ዜባሄና ፃልሙናዔና ታ ባሼሰካፓ ዳውሎ ዓንጊዎና፤ ሃሣ ጋውዲና ታ ዒንሢ ጳርቃንዳኔ!» ጌዔኔ። 8 ዩካፓ ጌዲዎኔ ዴንዳዎ ዒኢካ ናንጋ ዓሶ ኮይላ ዒማ ጌይ ያኦጩኔ፤ ሃሣ ዩና ዓሳኣ ዒማ ጌይ ዒዛዎ ማሄኔ። 9 ዩያር ጌዲዎኔ ዔያቶ ኮይላ፡- «ያሎና ታኣኒ ባሺ ኮሺ ማዓንዳኔ፤ ዒማና ታኣኒ ዒንሢኮ ሃያ ካታዎ ከኤሎ ዲዎኮ ዴጌ፤ ዴይ ካፖ ካፖ ቤዞ ዳይሳንዳኔ» ጌዔኔ።

10 ዒማና ዜባሄና ፃልሙናዔና ታጳ ዶንጎ ሺያ ያልዚ ዓሲና ዎላ ቃርቆሬ ጌይንታ ቤዛ ዓኣኔ፤ ዩና ያሎ ዓሳ ዓባ ኬሰካ ዛሎ ፖኦሊሶይዳፓ ዶኦሪንቴ ኬሰከ፤ ጼኤታና ላምታሚ ሺያ ዓሲዳፓ ሃይቁዎ ዓቴ ዓሶከ። 11 ዩያር ጌዲዎኔ ዓሲ ናንጉዎ ዳውሎ ጎይያና ጌዒ ኖባሄና ዮግቤሃ ጌይንታ ቤዞኮ ዓባ ኬሰካ ዛሎና ሙካዎ ዩይ ያሎ ዓሳ ዔሪባኣንቴ ዔያቶይዳ ያልዚ ቡሌኔ። 12 ዒማና ላምዎ ሚዲያሚ ካኣቶንሢ፡- ዜባሄና ፃልሙናዔና ጳሽኬኔ፤ ጋዓንቴ ጌዲዎኔ ዔያቶ ዳውሲ ዓርቄኔ፤ ዔያቶኮ ያላ ዓሳኣ ዲቃቴ ካራ ባይዛንዳጉዲ ዒ ማዳኔ።

13 ዲዮባሴ ናኣዚ ጌዲዎን ሄሪሴ ጌሜሮና ጌይ ያላፓ ማዒ ደንዲቤቃ፡ 14 ሱኡጎቲ ዓሲ ማዕያ፡ ፔቴ ጳጌሰኬያ ዓርቁ ያኡጩን፤ ዩይ ጳጌህ ሱኡጎቲ ካታሞ ዓሶኮ ሱኡጎና ካታሞኮ ጨሞ ማዕያ፡ ለንካይታሚ ለንካይ ዓሲኮ ሱንዖ ፃኣፒ ዒዛሞ ዒንጌን። 15 ዩካፓ ጌዲዎን ሱኡጎቲ ዓሶ ኮይላ ሙኪ፡- « ዙባሄና ፃልሙናዔና ሃጊ ኔ ዓርቁባኣሴ፤ ሂዳዖ ሃህሂ ናዮና ላቤ፡ ኔኤኮ ፖኦሊሶም ካሃ ኑ ዓይጎሮ ዒንጋንዳይ? ጌይ ታና ዒንህሂ ቦሂ ሚኢጩን፤ ሃህሂ ሃይሾ! ዙባሄና ፃልሙናዔና» ጌዔሰካፓ፡ 16 ደውሎ ዓንጊዖና ጋውደና ዔኪ ሱኡኮቲ ዓሶ ሱኡጎ ጳርቄን። 17 ሃህሂ ጸኢኒዔኤሌ ካታሞኮ ከኤሎ ዲዖ ጳጌህ፡ ዳይ ካፖ ካፖ ቤዘ ደይሴን፤ ካታሞይዳ ናንጋ ዓቲንቆሞ ቢያ ዎዳን። 18 ዩካፓ ጌዲዎን፡- «ታኣቦኦጌይዳ ዒንህሂ ዎዳ ዓሳ ዎዘጉዳ ዓሲዳይ?» ጌዒ ዙባሄና ፃልሙናዔና ኮይላ ያኡጩን።

ዔያታ ማሃዮ፡- «ኔ ጉዳያኬ፤ ዔያታ ፔቴ ፔቴህ ካኣቲ ናይ ማላኔ» ጌዔን።

19 ጌዲዎን ዒማና፡- «ዔያታ ታ ዒንዶ ናይ ማዕያ ታኣኮ ጌርሲንህሂከ፤ ዒንህሂ ዎንዳ ዔያቶ ዎዲባኣያታቲ ታኣኒያ ዒንህሂ ዎዲዎዎ ሃሻኒ ጎኔና ጫኣቃንዳያታንቴኬ» ጌዔን። 20 ዩካፓ ጌዲዎን ፔኤኮ ቶይዶ ናዓህ ዩቴሪሞ፡- «ዔኤዛይ! ዔቁ ሃኖ ዓሶ ዎዳ!» ጌይ ዓይህዛ፡ ናዓህ ጋዓንቴ ፔኤኮ ጩንቾ ዓፓሮ ቱጊባኣሴ፤ ዒ ናይታህረ ዒጊጪ ሃሾን።

21 ዒማና ዙባሄንታ ፃልሙናዔንታ ጌዲዎን ኮይላ፡- «ዔኤዛ ኔ ኑና ኔኤሮ ዎዳቴሪ፤ ዓቲንቁ ማዶ ማዳኒ ዓቲንቁ ኮይሳያቲ!» ጋዓዛ፡ ጌዲዎን ዔያቶ ዎዲ ዔያቶ ጋኣላህኮ ሆላ ማይሶና ፓልማህ ጉቤ ዔኬን።

22 ዩያይዳሰካፓ ዒሰራዔኤሌ ዓሳ ጌዲዎን ኮይላ፡- «ኔኤኒ ሚዲያሚ ዓሶይዳፓ ኑና ዓውሴህረ ኔናንታ ኔ ናኣቶንታ ዩያጉዲ ናኣቶኮ ናኣታ ኑኡኮ ሱኡጌ ማዖንጎ» ጌዔን።

23 ጌዲዎን ዒማና፡- «ታና ማዕቴያ ታ ናኣታ ዒንህሂኮ ኑ ሱኡጌ ማዓዓ፤ ናንጊና ናንጋ ጎዳ ፔኤሮ ዒንህሂኮ ሱኡጋህሂከ» ዔያቶም ጌዔን። 24 ሃህሂ ዒዚ፡- «ታ ዒንህሂ ፔቴ ባኣዚ ሺኢቃን፤ ዩና ዓይጎዳይ ጌዔቴ ዒንህሂ ፔቴ ፔቴህ ዲዒ ዔኬ ዎዮ ዎርቆ ዒንጋንዳጉዲኬ» ጌዔን፤ ዔያታ ቢያህሂ ዒሰማዔኤሌ ዓሲ ማዕህረ ዎይዚዳ ዎርቁ ዓኣሃያከ።

25 ዳራ ማሃዮ፡- «ቃራኬ ኑ ዒንጋንዳን» ጌዒ፡ ሳይይዳ ዓፒላ ሂኣህዖ ፔቴ ፔቴ ዓሳ ዔኬ ዎዮ ዎርቆ ዒኢካ ጌህን። 26 ጌዲዎን ዔያቶይዳፓ ዔኬ ዎዮ ዎርቆኮ ዳኤሁማ ላማታሚ ኪሎ ማዓያኬ፤ ዩይ ሜሌ ፓልማህ ጌይ፡- ባቃና ማይንቶ ቁንቶንታ ሚዲያሚ ካኣታ ማይንታ ሚዛጰ ማኣዓህንታ፤ ዩያጉዲ ዔያቶኮ ጋኣላህ ሆላ

ዓላ ፓልማሣ ቃሱዋንጥኑ። 27 ጌዲዎን ዬያ ዎርቆና ካኣሸኮ ባኣዚ ኮሺ ዒ ሾይንቴ ካታዎ፣ ያፕራይዳ ጌሣይ፤ ዬያሮ ዒሰራዔኤሌ ዓሳ ጉቤ ናንገና ናንጋ ጎዳ ሃሺ ዬያ ካኣሸከሣ ዓርቄይ፤ ዬይ ባካ ጌዲዎንና ዒዛኮ ማእሮ ዓሰናዎ ደቢሻ ፐሮ ማዔይ።

28 ዬያይዲ ሚዲያሜ ዓሶ ዒሰራዔኤሌ ዓሳ ባሾይ፤ ላሚ ዒሰራዔኤሌ ዓሶ ዔያታ ሂርገሻያ ማዒባኣሴ፤ ጌዲዎን ሃይቃንዲያ ሄላንዳኣና ዓጨላ ያይዲታሚ ሌዔ ጉቤ ኮሺ ናንጌይ።

**ጌዲዎንኮ ሃይቦ**

29 ዒዮዓሴ ናኣዚ ጌዲዎን፡- ዒ ሾይንቴ ቤዛ ዴንዲ ዒኣካ ናንጌይ፤ 30 ሚርጌ ላኣሊ ዒ ዔኬያታሢሮ ላንካይታሚ ዓቲንቄ ናይ ዒዛኮ ዓኣይ፤ 31 ሃሣ ሴኬሜይዳ ናንጋ፣ ገንሣ ላኣሊሰኬና ዓቲንቄ ናይ ሾዔዎ ዒዚ ዬያኮ ሱንዖ ዓቤሜሌኬ ጌይ ጌሣይ። 32 ዒዮዓሴ ናኣዚ ጌዲዎን ሚርጌ ናንገ ጋርቺ ሃይቄ፣ ዓዴ ዲኡቴ ቤዛ ዲኡቴይ፤ ዬይ ዲኡፓ ዓቢዔኬሬ ቶኣኮ ካታዎ ማዔ፣ ያፕራይዳ ዓኣይ።

33 ጌዲዎን ሃይቄሰካፓ ዒሰራዔኤሌ ዴራ ላሚ ገንሣ ጎዳዎ ጉሙርቄንጥ፣ ሃሺ፣ ቤዓሌ ጌይንታ ሜሌ ያኦዚ ካኣሸኬይ፤ ባዓልቤሪቴ ጌይንታ ባኮዎ ፔ ያኦሲ ማሂ ዚጌይ። 34 ዒሰራዔኤሌ ናኣታ ዔያቶ ኮይላ ዓኣ ሞርኮይዳፓ ቢያ ዔያቶ ዓውሴ ናንገና ናንጋ ጎዳ ማዔ ዔያቶኮ ያኣዛሣ ዋሌይ። 35 ጌዲዎን ዒሰራዔኤሌ ዓሰዎ ማዴ ኮዡ ባኮ ቢያ ጳቂሡዎያ ዔያታ ማዔሢሮ ጌዲዎን ማእሮ ዓሰዎ ዔያታ ማሂ ኮሺ ማዴ ባኣዚ ባኣሴ።

**9**

**ዓቤሜሌኬ**

1 ጌዲዎን ናኣዚ ዓቤሜሌኬ ዒንደ ዒገና ዒዛኮ ናንጋ፣ ሴኬሜ ካታዎ ዴንዲ ዒንደ ዒገናዎ ቢያ፡- 2 «ሴኬሜ ዓሰዎ ሂዚ ጎዑዎቴ፤ ጌዲዎንኮ ላንካይታዎ ናኣታ ዒንሣ ዎይሣቴ ቃራዎ ፔቴ ዓሲ ሌሊ ዎይሣቴ ቃራዳይ? ታኣኒ ዒንሣ ማእሪ ዓሲ ማዔሢ ዋሊፖቴ » ጌዔይ። 3 ዒዛኮ ዒንደ ዒገና ዒዚ ጌሰታያ ማሂ ዬያ ሴኬሜ ዓሰዎ ኬኤዛዛ፣ ሴኬሜ ዓሳ፡- «ዒዚ ኦኡኮ ጌርሲ ማዓያኬ» ጌዒ ዓቤሜሌኬ ካኣታሳኒ ኮዔይ። 4 ባዓልቤሪቴ ጌይንታ ያኦዚ ዔያታ ካኣሸካ ማእሮይዳፓ ላንካይታሚ ሳቂሌ ማዓ ሹቺ ቢራ ዔኪ ዒዛዎ ዒንጋዛ፣ ዓቤሜሌኬ ዬያ ቢሮና ዓሲ ባኣዚ ማንፂ ማንፂ ሙዓ ዓሲ ሻንቄ ፔ ዓሲ ማሂ ዔኪ ኬሰኬይ። 5 ዬካፓ ዒዚ ፔ ዓዶ ማእሪ ያፕራ ዴንዲ ዒዛ ዓዶኮ ላንካይታዎ ናኣቶ ፔቴ ሹቺዳ ቲቂ ቲቂ ዎዴይ፤ ጋዓንቴ ጌዲዎንኮ ጋፐንዖ ናዓሢ፣ ዒዮዓታሜ ዓኣሺንጥ

ሃይቁዋዎ ቶሊ ዓቴኔ፤ 6 ዬካፓ ሴኬሜና ቤትሚሎናይዳ ናንጋ ዓሳ ቢያ ሴኬሜይዳ ዓኣ ካኣዠሮ ዲማሶና ሻኣሶ ዴሞ ዴንዲ፣ ዒኢካ ዓቤሜሌኬ ካኣታሄኔ።

7 ዒዮዓታሜ ዬያ ዋይዛዎ ጌሪዛኔ ዲኮ ዑቻ ኬሰኪ ሂዚ ጌይ ዒላቴኔ፡- «ዒንሢ ሴኬሜ ዓሳ! ታ ጋዓሢ ዒንሢ ዋይዜቴ ያኦሲ ዒንሢሞ ዋይዛንዳኔ። 8 ፔቴ ኬሊ ሚሢ ቡከንገቴ ካኣቴ ካኣታሳኒ ዴንዲዎ ዛይቶ ሪሚቶ ሚያ ኮይላ፡- «ኦኡኮ ካኣቴ ማዔ» ጋዓዛ፣ 9 ዛይቶ ሪሚቶ ሚያ፡- «ያኦዘንታ ዓሶንታሞ ኮይሳያ ማዔ ዛይቶ ታገዲፓ ዓሳ ዔካሢ ሃሺ ሚሢኮ ታ ካኣቴ ማዎንደ?» ጌዔኔ። 10 ዬካፓ ሚያ ጊንሣ ቤሌሴ ሚያ ኮይላ፡- «ሙኪ ኦኡኮ ካኣቴ ማዔ» ጋዓዛ፣ 11 ቤሌሶ ሚያ ጋዓንቴ፡- «ዓኣሢ፤ ሃሣ ኮሺ ማዔ ዓኣፖ ዓኣፒያ ሃሺ ሚሢኮ ታ ዴንዲ ካኣቴ ማዎንደ?» ጌዔኔ። 12 ጊንሣ ሃሣ ሚያ ዋይኔ ኮይላ፡- «ሙኪ ኦኡኮ ካኣቴ ማዔ» ጋዓዛ፣ 13 ዋይኔ ጋዓንቴ፡- «ያኦዘንታ ዓሶንታሞ ዋዛሳያ ማዔ፣ ዋይኖ ዑዠ ታ ዓኣፓፓ ዔኪ ኮሸሢ ሃሺ ሚሢኮ ታ ዴንዲ ካኣቴ ማዎንደ?» ጌዔኔ። 14 ዬያሮ ሃሣ ሚያ ዓንገሢ ዓኣ ሚሢ ኮይላ፡- «ሙኪ ኦኡኮ ካኣቴ ማዔ» ጋዓዛ፣ 15 ዓንገሪያ ሚያ፡- «ጎኔ ዒንሢ ታና ካኣታሳኒ ኮዔቴ ሃኒ ዬዒ ታ ሺሶ ዴማ ዴዑዋቴ፤ ዒንሢ ዬያይዲባኣቴ ታኣኮ ዓንገሪያ ካኣፖይዲፓ ታሚ ኬሰኪ ሊባሮኦሴ ሚያ ሙዓንዳኔ» ጌዔኔ።»

16 ዒዮዓታሜ ቃሲ ኬኤዛዎ፡- «ዒንሢ ዓቤሜሌኬ ካኣታሴሢ ፒዜ፤ ሃሣ ኮይሳያ ማዔ ጎይሢናዳ? ጌዲዎኔ ዒንሢሞ ማዴ ባኮ ጳቂሢ ዒዛ ማኣሮ ዓሶ ዒንሢ ማኣዴያ ማላ? 17 ታኣኮ ዓዴ ዒንሢ ዛሎ ያልቴ፣ ሚዲያሚ ዓሶይዲፓ ዒንሢ ዓውሳኒ ፔሺሞፓሢ ዒንጌያ ማሢ ሃሺሢ ማሊ ጳቂሡዋቴ፤ 18 ሃሮ ጋዓንቴ ዒንሢ ታ ዓዶ ማኣሮ ዓሶ ዑዎ ሞርኬ ማዒ ዔቁ፣ ላንካይታሞ ናኣቶ ፔቴ ሹቺዳ ቴቁ ዋዴኔ፤ ዬያ ዒንሢ ማዴሢ ታኣኮ ዓዴ ጊንፃኣ ማቾፓ ሾዔ፣ ዓቤሜሌኬ ዒንሢኮ ዒጊኒ ማዔሢሮኬ፤ ዒዛ ዒንሢ ሴኬሜይዳ ካኣታሴኔ። 19 ዓካሪ ሃሮ ዒንሢ ጌዲዎኔና ዒዛኮ ማኣሮ ዓሶና ሞ ማዴ ባካ ፒዜ፤ ሃሣ ኮይሳ ጎይሢና ማዔያታቴ ዓቤሜሌኬና ዋላ ዋዛዲዋቴ፤ ዒዚያ ዒንሢና ዋላ ዋዛዲንጎ። 20 ያዲ ማዒባኣቴ ዓቤሜሌኬይዲፓ ታሚ ኬሰኪ ሴኬሜና ቤትሚሎ ዓሶ ሙዮንጎ፤ ዬያጉዲ ሃሣ ሴኬሜና ቤትሚሎናፓ ታሚ ኬሰኪ ዓቤሜሌኬ ሙዮንጎ» ጌዔኔ። 21 ዒዮዓታሜ ዬያ ጌዔሰካፓ ዒዛኮ ጌርሲ፣ ዓቤሜሌኬ ዒዚ ዒጊጨሢሢሮ ቤዔሬ ዴንዲ ዒኢካ ናንጌኔ።

22 ዓቤሜሌኬ ዒማና ዒሰራዔኤሌይዳ ሃይሃ ለዔ ካኣታዴኔ፤ 23 ዬካፓ ያኦሲ ዓቤሜሌኬና ሴኬሜ ዓሶናኮ ባኣኮ ፑርታ ዓያና ዲኬኔ፤ ዬያሮ ሴኬሜ ዓሳ ዓቤሜሌኬሞ ጉሙርቂንቴዋኣያ

ማዕኔ።።። 24 ያኦሲ ዩያይዳሢ ዓቤሜሌኬ ፔኤኮ ለንካይታዎ ገርሲንሢ ዎዳሢ። ሃሣ ዩያቶ ዒ ዎዳንዳጉዲ ዒዛ ዔቁሱ። ሴኬሜ ዓሳ ማዳ ገሮ ማዳ ዛሎሮ ኮዎ ዔካኒኬ። 25 ሴኬሜይዳ ናንጋ ዓሳ ዓቤሜሌኬ ዑፃ ዎርኬ ማዒ ዔቁ ዔያቶ ባኣካፓ ዳካ ዓሲ ዶኦራ ዳኮ ዳኮይዳ ካቲሲ ዳይሢ፤ ዩያይዳ ዩይና ጎይፆና ዳንዳ ዓሶ ቢያ ቡሬኔ፤ ዩያ ዓቤሜሌኬ ዎይዜኔ። 26 ዩካፓ ዔቤዴ ናኣዚ፤ ጋዓሌ ፔኤኮ ገርሲንሢ ዎላ ሴኬሜ ሙካዛ ሴኬሜይዳ ናንጋ ዓሳ ዒዛ ጉሙርቄ። 27 ዩያሮ ቢያሢ ዎይሮ ቱኮ ጎዡ ጎዡ ዳንዲ ዎይሮ ማንፃ ዓኬ ዑሺ ኮሻፆ ዳኤፒ ቦንቾ ኬሊ ገሢ ቦንቼ፤ ሃሣ ዔያታ ካኣሽካ ያኦዞ ማኣሪያ ዳንዲ ሙፆ ሙዒ ዑዡዎ ዑሽኪ ዑሽኪ ዓቤሜሌኬ ጫሽኬ። 28 ዒማና ዒሮቤዴ ናኣዚ፤ ጋዓሌ፡- «ዓቤሜሌኬ ዎያዳይ? ኦኤኒ ሴኬሜ ዓሳ ዒዛ ዳማ ዎርቃሢ ዓይጎሮዳይ? ጌዲዎኔ ናኣዚንታ ዒዛኮ ፖኦሊሶ ዓይሢ ዜቡሬንታ ሃዎሬኮ ዓዶ፤ ሴኬሜዎ ዓይሌ ማዒ ማዳያቱዎዳይ? ዒዛዎ ኦ ዓይጋ ዓይሢንቲ ዎርቃይ? ዩያይዳፓ ዒንሢኮ ዳዳሢ፤ ሴኬሜ ዓዶ፤ ሃዎሬዎ ጉሙርቁንታፆ ማዑዎቱ። 29 ሃያ ዳሮ ዎንዴ ታ ዎይሢ ነፆቲ! ዓቤሜሌኬ ታ ባይዛንዳንቲ፤ ሃሣ ታኣኒ፡- «ኔኤኮ ፖኦሊሶ ገኢጊሺ ዓኬ ኬሲ ታኣና ያልቲ!» ጋዓንዳያታንቲ» ገዓኔ።

30 ዔቤዴ ናኣዚ፤ ጋዓሌ ገዔሢ ካታሜሎ ዎይሣ ዜቡሌ ዎይዛፆ ሚርገና ዳጎዳ፤ 31 ዩካፓ ዓረማይዳ ዓኣ ዓቤሜሌኬዎ ስኢታ ዓሲ ሂዚ ገይ ኬኤዛንዳጉዲ ዳኬ።- «ዔቤዴ ናኣዚ፤ ጋዓሌ ፔ ገርሲንሢ ዎላ ሴኬሜ ሙኪ ካታዎ ዓሳ ኔና ዒፃንዳጉዲ ዓሶ ዘሪ ፑርቲሴ። 32 ዩያሮ ኔኤና ኔ ዓሶና ዳማ ዔቁጋፓ ቦኦሎይዳ ካቲ ዳዑዎቱ፤ 33 ዚሮ ጉቲ ዓባፆርቃማና ዔቁ ካታሜሎ ዔሪባኣንቲ ያሎዎቱ፤ ጋዓሌና ዒዛ ዓሶና ዒንሢ ያላኒ ኬሰካዛ ዒንሢዎ ዳንዳዒንቲ ጎይፆ ዛጊ ዔያቶ ዎዳዎቱ።»

34 ዩያሮ ዓቤሜሌኬና ዒዛ ዓሶና ቢያ ዳማ ዔቁ ሴኬሜ ካታዎ ዙላ ያይዶ ቤሲ ፓቁንቲ ዳዔኔ፤ 35 ዩካፓ ዓቤሜሌኬና ዒዛ ዓሶና ዔቤዴ ናኣዚ፤ ጋዓሌ ኬሰኪ ካታሜሎኮ ገሎ ካራ ዔቁሢ ዛጋፆ ካቲ ዳዔ ቤዛፓ ኬሰኬ፤ 36 ጋዓሌ ዒማና ዔያቶ ዳንፆፆ ዜቡሌ ኮይላ፡- «ዛገ! ዳቢ ዓሲ ዳካፓ ኬዳኔ!» ገዓኔ።

ዜቡሌ ዒዛዎ፡- «ዩይ ዳኮኮ ሺቦኬ፤ ዓሲቱዎሴ» ገዓኔ።

37 ሃሣ ጋዓሌ፡- «ዛገ! ዳኮ ጎኦባፓ ዓሳ ሊካ ኬዳሢ፤ ዛሎ ዓሳ ማርሾ ዓሶ ሻኣሶ ካሮና ሃይሾ ሙካኔ!» ገዓኔ።

38 ዩካፓ ዜቡሌ ዒዛ ኮይላ፡- «ዩይ ቢያ ሄርሺንታ ኔኤኮ ዎኒ ዳንዳይ? <ዓቤሜሌኬ ጎሃሢዎ ኦ ዓይጋ ማዳይ?> ገይ ያኦጩሢ ኔናቱዎዳይ? ኔ ቦሢ ገሰቲ ሺሬ ዓሳ ሃይሾ፤ ዓካሪ ሂንዳ ኬሰኪ



ዔያቶ ያሌ» ጌዔኔ። 39 ዒማና ጋዓሌ ሴኬሜ ዓሶ ዔኪ ኬሰኪ ዓቤሜሌኬ ያሌኔ፤ 40 ዒማና ጋዓሌ ባሽጎቲ ጳሽካዛ፥ ዓቤሜሌኬ ዒዛ ደውሴኔ፤ ዴንዲ ካታሞኮ ጌሎ ካሮ ሄላንዳና ሚርጌ ዓሲ ዲኪንቴኔ፤ 41 ዓቤሜሌኬ ዒማና ዓሩማይዳና ጎጌኔ፤ ዜቡሌ ጋዓንቴ ጋዓሌና ዒዛኮ ጌርሰንሢና ሴኬሜይዳፓ ደውሴ ደውሴ ኬሴኔ፤ ዬያሮ ዔያታ ዒኢካና ጎጋኒ ዳንዳዒባኣሴ።

42 ዚሮ ጉቴሎ ሴኬሜ ዴራ ፔ ጎዡ ጎዡ ዴንደሢ ዓቤሜሌኬ ዋይዜኔ፤ 43 ዬያሮ ዒዚ ዒዛ ዓሶ ዔኪ ሃይሃ ቤሲ ፓቂ ቦኦሎይዳ ካሮ ካሮ ካቲሴኔ፤ ዬና ዓሳ ሴኬሜ ዓሳ ካታማፓ ኬሰካሢ ዴንቃዖ ካቲ ቤዛፓ ኬሰኪ ዔያቶ ዋዴኔ፤ 44 ዓቤሜሌኬንታ ዒዛና ዋላ ማሂ ፓቆና ዓሶንታ ካታሜሎኮ ጌሎ ካሮ ካታኒ ፀካዲ ዴንዲ ጌሎ ካራ ዔቁኔ፤ ሃንጎ ላምዖ ቤሲ ፓቂንቴ ዓሳ ቦኦሎይዳ ዔያታ ዴንቁ ዓሶ ያሌ ያሌ ዋዴ ፓፒሴኔ። 45 ዬኖ ኬሎ ዔያታ ያሌ ጎይሣ ፔኤቁኔ፤ ዓቤሜሌኬ ካታሜሎ ፔ ዴማማሂ ዓርቂ ዓሶታ ቢያ ዋዴኔ፤ ካታሞዋ ደይሲ ባይዜኔ፤ ዬኖ ጎዔሎይዳ ዒዚ ሶኦኔ ዜርቂ ሃሽኔ።

46 ሴኬሜ ካታሞ ኬኤሎ ዲያይዳና ጎጋ ዓሳ ዬያ ዋይዛዖ ባዓልቤሪቴ ጌይንታ ያኦዛ ካኣሽኪንታ ማኣሮይዳ ዓኣ ዋርዲኖ ጌሌኔ። 47 ዓቤሜሌኬ ዔያታ ዬካ ጌሊ ቡኪንቴሢ ዋይዜኔ። 48 ዬያሮ ዒዚ ዒዛ ዓሶና ዋላ ፃልሞኔ ዲኮ ኬሰካዖ ሃንጻሌ ማዓንዳ ሚሢ ሄርጋና ቲቂ ዔኪ ጌኤታ ኬዴኔ፤ ዒዛና ዋላ ዓኣ ዓሳኣ ፀኩና ዒ ማዳማ ጎይዖ ማዳንዳጉዲ ዓይሢኔ። 49 ዬያሮ ዬይ ፔቴ ፔቴ ዓሳ ሚዖ ቲቂ ዔኪ ዓቤሜሌኬ ገንዖ ዴንዳዖ ዬያ ሚዖ ዋርዲኖ ቤዛ ሄሊሲ ጌሢ ኩሌኔ፤ ዬካፓ ጋራ ዓሳ ዓኣ ጎይሣ ዓኣንቴ ታሚ ዓጋዛ፥ ዬያ ዋርዲኖ ጋራ ዓኣ ዓሳ ቢያ ኩዴኔ፤ ዬያ ሃይቁ ዓቲንቆንታ ላኣሎንታኮ ፓይዳ ፔቴ ሺያ ማዓያኬ።

50 ዬካፓ ዓቤሜሌኬ ቶቤፄ ዴንዲ ካታሜሎ ማንጊ ዓርቁኔ፤ 51 ዬኖ ካታሜሎይዳ፡- ፔቴ ዴኤፒ፥ ካታሜሎ ዒኢካ ዴዒ ካፖ ሹቺ ኬኤሌ ዓኣሢሮ ካታሜሎኮ ሱኡጋ ዓቲዋዖ ዓቲንቆንታ ላኣሎንታ ጳሽኪ ዒኢካ ጌሌሰካፓ ካሮ ዋዳዖ ኬኤሎ ፀዖ ኬሰኬኔ፤ 52 ዓቤሜሌኬ ዬኖ ቤዜሎ ሄላዖ ዒዘይዳ ታሚ ዓጋኒ ካሮ ባንሢ ሎዒኔ። 53 ጋዓንቴ ፔቴ ላኣሊሰኬና ዋንሢ ቡሞባልሲ ቶኦኮ ዒዛኮ ዲኡሴኔ። 54 ዒዚ ዬማና ያልዚ ዓንጋሞ ዔኪ ዓኣ ፔቴ ዴንሰኬያ ዔኤላዖ፡- «ኔኤኮ ጨንቾ ዓፓሮና ታና ዋዴ፤ ላኣሊ ዒዛ ዋዴኔ» ጌይንታኒ ታኮዋሴ» ጌዒ ዓይሢኔ። ዬያሮ ዬይ ዴንሢ ዒዛ ዋዴኔ። 55 ዒሰራዔኤሌ ዓሳ ዓቤሜሌኬ ሃይቁሢ ዛጋዖ ቢያሢ ፔ ማኣሪ ማኣሪ ዴንዴኔ።

56 ዓቢሜሌኬ ላንካይታሞ ፔ ጌርሲንሢ ወዲያና ዓደም ዒ ማዳ ጌና ማደኮ ኮሞ ያኦሲ ዬያይዲ ማሄኔ። 57 ሴኬሜ ዓሳኣ ማዳ ፑርቶ ማዳ ዛሎ ያኦሲ ዔያቶይዳ ዬያይዲ ሜቶ ዓገኔ፤ ያዲ ማዔም ጌዲዎኔ ናኣዚ፣ ዒዮዓታሜ ዔያቶ ጋዳንቃዎ ጌዔ ባካ ቢያ ዔያቶ ሄሌኔ።

# 10

## ቶላዔ

1 ዓቢሜሌኬ ሃይቄሰካፓ ደዶ ጌይንታሢኮ ናኣዚ ናይ፣ ፑዓ ናኣዚ፣ ቶላዔ ዒሰራዔኤሌ ዓሶ ዓውሳኒ ኬሰኬኔ፤ ዒዚ ዪሳኮኦሬ ፃጳፓ ማዓዛ፣ ዒ ናንጋሢ ጌሜራ ሚርጌ ዓኣ ዔፕሬኤሜ ዓጮኮ ሻሚሬ ጌይንታ ቤዛኬ። 2 ዒዚ ላማታሚ ሃይሃ ሌዔ ዒሰራዔኤሌ ዓሶኮ ሱኡጌ ማዒ ወይሄሰካፓ ሃይቄ ዒኢካ ሻሚሬይዳ ደኡቴኔ።

## ያዒሬ

3 ቶላዔፓ ሄሊሳዎ ጌሌዓዴ ዓሲ ማዔ፣ ያዒሬ ኬሰኪ ላማታሚ ላምዎ ሌዔ ዒሰራዔኤሌ ዓሶኮ ሱኡጌ ማዒ ወይሄኔ። 4 ዒዛኮ ሃይሢታሚ ሃሬ ቶጊ ሃንታ ሃይሢታሚ ዓቲንቄ ናይ ዓኣኔ፤ ዔያቶኮ ጌሌዓዴ ዓጮይዳ ሃይሢታሚ ካታማ ዓኣኔ፤ ዬንሢ ካታማ ሃኖ ሄላንዳኣና ያዒሬ ጉርዶ ጌይንታኔ። 5 ዬካፓ ያዒሬ ሃይቄ፣ ቃሞንሜይዳ ደኡቴኔ።

## ዮፕታሄ

6 ዒሰራዔኤሌ ዓሳ ሃሃ ጊንሃ ባዓኣሌና ዓሰታሮቴ ጌይንታ ሜሌ ያኦዘ፤ ዬያጉዲ ሶኦሪያ፣ ሲዶና፣ ሞዓኣቤ፣ ዓሞኦኔንታ ፒሊሰጻኤሜ ዓሶንታ ካኣሽካ ያኦዘ ካኣሽኪ ናንጊና ናንጋ ጎዳ ዓይሢባኣ ባኣዚ ማዲ ዳቢንቴኔ፤ ዒዛ ካኣሽኪዎ ዔያታ ሃሼኔ፤ 7 ዬያሮ ናንጊና ናንጋ ጎዳ ዒሰራዔኤሌ ዓሶ ዑፃ ዳጋዲ ፒሊሰጻኤሜ ዓሶና ዓሞኦኔ ዓሶና ያሊ ዔያቶ ዓርቃንዳጉዲ ዓኣሢ ዒንጌኔ። 8 ዓሞኦኔ ዓሶና ፒሊሰጻኤሜ ዓሶና ዮርዳኖሴ ወርኮ ዓባ ኬሰካ ዛላ ዓኣ ዓሞራ ዓሶ ዓጮኮ ጌሌዓዴይዳ ናንጋ፣ ዒሰራዔኤሌ ዓሶ ታጶ ሳሊ ሌዔ ሜታሲ ፔ ዴማ ወይሄኔ። 9 ዓሞኦኔ ዓሳ ዪሁዳ ፃጳንታ ቢኢኒያሜ ፃጳንታ ዔፕሬኤሜ ፃጳዎ ያላኒ ዮርዳኖሴ ወርና ፒንቄሢር ዒሰራዔኤሌ ዓሳ ዎኦቶንዶ ካራ ባይዚ ሜታዳኔ።

10 ዬካፓ ዒሰራዔኤሌ ዓሳ፡ «ኔና፣ ኑ ያኦዛሢ ኑ ሃሺ ባዓኣሌ ጌይንታ ሜሌ ያኦዘ ካኣሽኪዎና ኑ ዳቤኔ» ጌዒ ናንጊና ናንጋ ጎዳ ባንሢ ዒላቴኔ።

11 ናንጊና ናንጋ ጎዳ ዲማና ዔያቶም፡- «ጊብጭ፣ ዓሞራ፣ ዓሞኦኔ፣ ፒሊስጫጫ፣ 12 ሲደና፣ ዓማሌቄንታ ማኦያ ዓሶንታ ሃያኮ ቤርታ ፔ ዴማ ማሂ ዲንሢ ሜታሲ ዋይሢ ዋዶና ዲንሢ ታ ባንሢ ዲላቲም ታኣኒ ዲንሢ ዔያቶ ኩጫፓ ዓውሲባኣዓዳ? 13 ዲንሢ ጋዓንቴ ሃኖ ሃላንዳኣና ታና ሃሺ ማሌ ያኦዞም ዚጋኔ፤ ዬያር ታ ዲንሢ ማይ ላሚ ማኣዳዓኬ፤ 14 ዓኣዲቶቲ፣ ዲንሢ ናሽኬ ያኦዞ ባንሢ ዲላቲቶቲ፤ ሜታሢ ዲንሢ ሃላ ዋዶና ሂንዳ ዔያታ ዲንሢ ዓውሶንጎ» ጌዔኔ።

15 ዲማና ዲሰራዔኤሌ ዴራ ናንጊና ናንጋ ጎዳም፡- «ጎኔ ኑ ዳቤኔ፤ ኔ ናሽኬ ባኣዚ ኑጊዳ ማማዳ፤ ሃኖ ሌሊ ሃዳራ ኑና ዓውሶ» ጌዔኔ።

16 ዬካፓ ዔያታ ማሌ ካኣሽካ ያኦዞ ባይዚ ናንጊና ናንጋ ጎዳ ካኣሽኬኔ፤ ናንጊና ናንጋ ጎዳኣ ዲሰራዔኤሌ ዓሳ ሜታዳ ሜቶ ዛጊ ጊባኒ ዳንዳዒባኣሴ።

17 ዬካፓ ዓሞኦኔ ዓሶኮ ያሎ ዓሳ ያሎር ጌዒ ጌሌዓዴይዳ ሙኪ ዲንኬኔ፤ ሃሃ ዲሰራዔኤሌ ዓሳኣ ፔቲይዳ ቡኪ ጌሌዓዴኮ ሚደጳ ጌይንታ ቤዛ ዲንኬኔ፤ 18 ጌሌዓዴይዳ ዓኣ ዴሮንታ ዲሰራዔኤሌ ዓሶኮ ሱኡጎንታ ቢያ፡- «ዓሞኦኔ ዓሶ ኑ ያላ ዋዶና ኑኡኮ ሱኡጌ ማዒ ኑና ያሊሳንዳሢ ያናዳይ? ዬያይዲ ኑና ዔኪ ኬሰኪ ያሊሴ ዓሢ ጌሌዓዴይዳ ናንጋ ዓሶኮ ቢያ ሱኡጌ ማዓንዳኔ» ጌይ ዋላ ጌሶቲኔ።

# 11

1 ጌሌዓዴ ዜርሢ ማዔያ ዮፕታኣሃ ጎሮሢ ዓኒባኣ፣ ፔቲ ዘኣሰካ ኮኣማ ላኣሊሰኬና ሸዔያ ያልዚናኣ ዔርቲ ዓሲኬ፤ ዒዛኮ ዓዴ ጌሌዓዴ ጌይንታ። 2 ዒዛኮ ዓዴ፣ ጌሌዓዴ ቤርታ ላኣሊ ዔኪ ሸዔ ማሌ ዓቲንቁ ናይ ዓኣኔ፤ ዔያታ ዲጩሰካፓ ዔያቶኮ ገርሲ ዮፕታኣሃ ኮይላ፡- «ኔኡኮ ዲንዳ ማሌታሢር ኑ ዓዶ ባኮይዳፓ ፔቲ ባኣዚታዖ ኔ ዳካላንዳያ ኮይሱቦሴ» ጌዒ ማኣራፓ ኬሲ ዲዛ ዔያታ ዳኬያኬ። 3 ዮፕታኣሃ ዲማና ገርሲንሢፓ ዓኣሸንቴ ዴንዲ ያኦቤ ጌይንታ ዓጪዳ ናንጌኔ፤ ዲኢካ ዲዚ ዓሲ ባኣዚ ማንዲ ሙዓ፣ ዳካ ዓሲ ፔ ኮይላ ቡኩሲ ዔኪ ሃንታኔ።

4 ዳካ ዴዔሰካፓ ዓሞኦኔ ዓሳ ዲሰራዔኤሌ ዓሳ ያላኒ ዔቁኔ። 5 ዬያር ጌሌዓዴ ዓሶኮ ሱኡጋ ያኦቤይዳፓ ዮፕታኣሃ ማሂ ዔኪ ሙካኒ ዴንዳይ፡- 6 ዮፕታኣሃ ኮይላ፣ «ዓሞኦኔ ዓሶ ኑ ያላንዳጉዲ ሙኪ ሱኡጌ ማዒ ኑና ያሊሴ» ጌዔኔ።

7 ዮፕታኣሃ ጋዓንቴ፡- «ታና ዒዲ፣ ታ ዓዶ ማኣራፓ ታና ዳውሶ ዓሳ ዲንሢቲቦዓዳ? ዓካሪ ዲንሢ ሜታሢ ሃላዛ ዓይጋ ታ ኮይላ ሙኬያ» ጌዔኔ።

8 ዔያታ ዮፕታኣሄም፡- «ሃሢ ኑ ማይ ኔ ባንሢ ማዔኔ፤ ኑኡና ዋላ ኔ ኬሰኪ ዓሞኦኔ ዓሶ ያላንዳጉዲ፤ ሃሢ ጌሌዓዴ ዓሶኮዋ ቢያ ኔ ሱኡጌ ማዓንዳጉዲ ኑ ኮዓኔ» ጌዔኔ።

9 ዮፕታኣሄ ጌሌዓዴ ጨሞ ኮይላ፡- «ማኣሪ ዒንሢ ታና ማሃ ዔኪ ዴንዴሰካፓ ናንጊና ናንጋ ጎዳ ዓሞኦኔ ዓሶ ታና ባሺሲሴቴ ዒንሢ ታና ሱኡጌ ማሃንዳያቱዋይ?» ጌዔኔ።

10 ዔያታ ማሃ፡- «ናንጊና ናንጋ ጎዳ ኑኡኮ ማርካኬ፤ ኔ ጌዔሢ ጎይዖ ኑ ማዳንዳኔ» ጌዔኔ። 11 ዬያር ዮፕታኣሄ ጌሌዓዴ ዓሶ ሱኡጎና ዋላ ዴንዴኔ። ዒማና ዴራ ዔያቶ ዋይሃንዳ ሱኡጌ ማሃ ዒዛ ደኦሬኔ፤ ዮፕታኣሄያ ሚጎጳይዳ ዬያ ዔኤዒ ዔኬያ ማዒያ ናንጊና ናንጋ ጎዳ ቤርታ ፔጋሲ ዔርዘኔ።

12 ዬካፓ ዮፕታኣሄ ዓሞኦኔ ካኣቲም፡- «ኔ ኑኡና ዋላ ፑርቴሢ ዓይጎርዳይ? ባጮ ኑኡኮ ኔ ዓርቃኒ ጌሌሢያኣ ዓይጎርዳይ?» ጌይ ያኡጫንዳጉዲ ኪኢታ ዓሲ ዳኬኔ።

13 ዮፕታኣሄ ዳኬ ኪኢቶ ዓሶም ዓሞኦኔ ዓጮ ካኣቲ፡- «ዒሰራዔኤሌ ዓሳ ጊብፂ ዓጮፓ ኬሰካዖ ዓርኖኦኔ ዋራፓ ዴንዲ ያኣቦቁ ዋር ሄላንዳኣና ዓኣ ታ ዓጮንታ ዮርዳኖሴ ዋርዋ ዔኬኔ፤ ሃሢ ጋዓንቴ ኮሺና ዒንሢ ዬያ ታኣም ማሃንዳያ ኮይሳኔ» ጌዔኔ።

14 ዬያር ዮፕታኣሄ ኪኢቶ ዓሶ ጊንሣ ዓሞኦኔ ካኣቲ ኮይላ፡ 15 ሃዚ ጌይ ኬኤዘንዳጉዲ ዳኬኔ፡- «ዒሰራዔኤሌ ዓሳ ሞዓኣቤኮዋ ማም ሞዓኦኔኮ ዓጪ ዔኪባኣሴ፤ 16 ጋዓንቴ ዒሰራዔኤሌ ዓሳ ጊብፂፓ ኬሰካዖ ዓሲ ናንጉዋ ዳውሎ ጊዴና ጌዒ ዘቁ ባዞ ሄሌኔ፤ ዬይና ጋዓዖ ሃሢ ቃዴሴ ዴንዴኔ፤ 17 ዬካፓ ዔዶኦሚ ዓጮይዴና ዳካንዳጉዲ ዔዶኦሚ ካኣቲ ኮራ ያኡጮም ኪኢታ ዓሲ ዔያታ ዳኬኔ፤ ጋዓንቴ ዔዶኦሚ ዓጮ ካኣቲ ዔያታ ዬይና ዓኣዳንዳጉዲ ኮዒባኣሴ፤ ዬያጉዲ ሃሢ ዔያታ ሞዓኣቤ ካኣቲ ኮይላኣ ዒዞ ጎይዖ ያኡጮም ዬይያ ፔ ዓጮና ዴንዲዋጉዲ ዔያቶ ላኣጌኔ፤ ዬያር ዒሰራዔኤሌ ዓሳ ቃዴሴይዳ ዴዔኔ፤ 18 ሃሢ ዬካፓ ዔያታ ዓሲ ናንጉዋ ዳውሎ ጊዴና ጌዒ ዔዶኦሚና ሞዓኣቤ ዓጮናኮ ዙሎ ሺሪ ሞዓኣቤ ዓጮኮ ዓባ ኬሰካ ዘላ፤ ሃሢ ዓርኖኦኔ ዋርኮ ሱካ ዓኣ ቤዛ ሙኪ ዴንኪ ዴዔኔ፤ ጋዓንቴ ዓርኖኦኔ ዋራ ሞዓኣቤ ዓሶኮ ዘጳ ማዔሢር ዬያይዴና ዔያታ ፒንቁባኣሴ። 19 ዬያጉዲ ሃሢ ዒሰራዔኤሌ ዓሳ ሃሴቦኦኔይዳ ዴዒ ዋይሃ፡ ዓሞራ ዓሶ ካኣቲ፤ ሲሆኔም ዒዞ ዓጮይዴና ዳካንዳጉዲ ያኡጮም ኪኢታ ዓሲ ዳኬኔ፤ 20 ዒማና ሲሆኔ ዒሰራዔኤሌ ዓሳ ዒዞ ዓጮይዴና ዴንዳጉዲ ኮዒባኣሴ፤ ሃሢ ዒዚ ፔኤኮ ፖኦሊሶ ቡኩሲ ያሃፄ ዔኪ ሙኪ

11:17 11:17 ገይ. ማፃ 20:14-21። 11:18 11:18 ገይ. ማፃ 21:4።

ዲንኪሲ ዳይሢ ዲሰራዔኤሌ ዓሶ ያሌ። 21 ጋዓንቴ ናንገና ናንጋ ጎዳ ማዔ ዲሰራዔኤሌ ያኦዛሢ ዲሰራዔኤሌ ዓሶ ዲዛኮ ፖኦሊሶ ባሻንዳጉዲ ማሄ። ዩያይዲ ዲሰራዔኤሌ ዓሶ፡- ዒኢካ ናንጋ ዓሞራ ዓሶ ዓጮ ቢያ ፔ ዓጪ ማሃ ዔኬ፤ 22 ደኦሎ ዛሎና ዓርኖኦኔ ዎራፓ ዓርቃዎ ኬዶ ዛሎና ዳንዲ ያኦቦቄ ዎሮ ሄላንዳኦና፤ ዩያጉዲ ዓባ ኬሰካ ዛሎና ቦኦሎ ጉራፓ ዔቃዎ ዓባ ጌላ ዛሎና ዮርዳኖሴ ዎሮ ሄላንዳኦና ዓኦ ዓሞራ ዓሶ ዓጮ ጉቤ ዓርቁ፤ 23 ዩያሮ ፔ ዳሮ ዲሰራዔኤሌ ዓሶሮ ጌዒ ዓሞራ ዓሶ ዳውሲ ኬሴሢ ናንገና ናንጋ ጎዳ ማዔ ዲሰራዔኤሌ ያኦዛሢ። ዒ ፔኤሮ ዩያ ማዳ፤ ሂዳዎ ሃሢ ኔ ዩያ ማሃ ዔካ፤ ማላ? 24 ኔኤ፤- ኔ ያኦሲ፡ ኬሞሼ ኔኤሞ ዒንጌ ዓጮ ማዔ ዓርቁ ዚቲ ጌይ ኔ ዳዑዎዳዳ? ኦኡኒ ናንገና ናንጋ ጎዳ ማዔ ኦ ያኦዛሢ ኦሞ ዒንጌ ዓጮ ዔኪ ናንጋንዳ። 25 ኔኤ፤ ሞዓኦበ ዓጮ ካኦቲ ዓፖሪ ናኦዚ ባኦኦኦይይፓ ባሻንዳ? ዒዚታዎ ዲሰራዔኤሌ ዓሶ ፔቲታዎ ቃዛኒ ዳንዳዒባኦ፤ ሃሃ ዒዚ ኦና ያላ፤ ጫርቁ ኬሰከባኦ። 26 ዩያሮ ዲሰራዔኤሌ ዓሶ ሃይሃ ያኤታ ለዔ ጉቤ ሃሴቦኦኦና ኮይሎይዳ ዓኦ ጉርዶ፤ ዓርዔኤራንታ ኮይሎይዳ ዓኦ ጉርዶ፤ ዩያጉዲ ዓርኖኦኔ ዎሮ ዓጫ ዓኦ ካታሞ ቢያ፡ ዔኪ ዒኢካ ናንጌ፤ ሂዳዎ ያዲ ማዒ ናንጌ ዎዶና ዓይጋ ዒንሢ ማሃ ዔኩዎዎ ሃሼይ? 27 ታ ኔኤሞ ፔቲታዎ ፑርቲሴ ባኦዚ ባኦ፤ ታና ያላ፤ ሃሃ ፑርታ ማዶ ታኦ ማዳኒ ዔቁሢ ኔና፤ ዩያሮ ሃሢ ፑርታሢ ያናታቴያ ዎጋንዳሢ ናንገና ናንጋ ጎዳ፤ ዒዚ ሃኖ ዲሰራዔኤሌ ዓሶና ዓሞኦኔ ዓሶና ባኦካ ዓኦ ጌኤዘ ቲቃሢ ማዓንዳ።» 28 ዓሞኦኔ ዓጮ ካኦቲ ጋዓንቴ ዮፕታኦሃ ዳኬ፡ ከኢቶ ዔኤቢኬ ጌይባኦ።

29 ናንገና ናንጋ ጎዳኮ ዓያና ዒማና ዮፕታኦሃይዳ ኬዳ፤ ዩያሮ ዮፕታኦሃ ጌሌዳዳና ሚናኦኦ ዓጮ ጌዳና ጌይ ዳንዳ፤ ዩይና ጌይ ሃሃ ጌሌዳዳይዳ ዓኦ ሚዳጳ ዳንዳ፤ ዩካፓ ሃሃ ዓሞኦኔ ዳንዳ።

30 ዒዚ ናንገና ናንጋ ጎዳሞ፡- «ዓሞኦኔ ዓሶ ኔ ታና ባሻሲሴ፤

31 ታኦኒ ያሎና ባሻ ማኦሪ ማዒ ኮሻና ሙካኦና ማኦራፓ ታና ጎይሃ ዔካ፤ ኬሰከ ዓሶማ ኔኤሞ ማዓንዳ፤ ዩማ ዓሶማ ኔኤሞ ሚቶ ዒንጎ ዒንገሢ ማሃ ታ ሹኪ ዒንጋንዳ።» ጌይ ናኦ።

32 ዩካፓ ዮፕታኦሃ ዓሞኦኔ ዓሶ ያላ፤ ዳንዳዛ ናንገና ናንጋ ጎዳ ያሎና ዒዛ ባሻሲሴ። 33 ዓርዔኤራይዳፓ ዓርቃዎ ሚኒቲ ኮይሎይዳ ዓኦ ቤዘ ሄላንዳኦና ጉቤ ላማታሚ ካታማ፤ ዩያጉዲ ሃሃ ዳንዲ ዓኦኤላኬራሚማ ሄላንዳኦና ዓኦ ዓሶ ቢያ ዎዲ ባይዜ፤ ዩያይዲ ዲሰራዔኤሌ ዓሶ ዓሞኦኔ ዓሶ ያሎና ባሻ።

---

11:22 11:22 ፓይ. ማፃ 21:21-24። 11:25 11:25 ፓይ. ማፃ 22:1-6።

**ዮፕታኣሄ ናዎ**

34 ዮፕታኣሄ ሚጊጳይ ዓኣ ፔ ማኣሪ ማዒ ሙካኣና ዒዛኮ ናኣ ካራቤ ዔኪ ባዒ ዓይናዒ ዓይናዒ ዒዛ ዔካኒ ጎይሣ ኬሰኬኔ፤ ዒዛይዳፓ ዓታዛ ሜሌ ዒዛኮ ዓቲጎቁታቲያ ዉዲሮ ናይያ ባኣሴ።

35 ዒዛ ዒ ዴጎቃዎ ያዪ ፔኤኮ ማኣዓሢ ዳርዚ፡- «ታ ናዔሌ ዎኦ! ታና ኔ ዎዴኔ! ዴኤፒ ሜቶይዳ ኔ ታና ዓገኔ፤ ናጎገና ናጎጎ ጎዳም ታ ናኣቤሢሮ ናኣሶ ታ ሃሻኒ ዳጎዳዑዎሴ!» ጌዔኔ።

36 ዒዛ፡- «ዓዴ! ናጎገና ናጎጎ ጎዳም ኔ ናኣቤያ ማዔቴ ዒዚ ኔኤኮ ሞርኮ ዓሞኣኔ ዓሶ ያሊ ባሽሢሮ ታና ኔ ማዳኒ ማሊ ናጎገና ናጎጎ ጎዳም ናኣቤ ባኮ ኩኩጎሢ!» ጌዔኔ። 37 ጎዓጎቴ ዓዶ ኮይላ ዒዛ፡-

«ታ ኔና ፔቴ ባኣዚ ሸኢቃኔ፤ ዬና ዓይጎዳይ ጌዔቴ ሃገ ታ ኩሙሢ ዉዲሮ ናይ ዓኣዎ ሃይቃሢሮ ታ ላጎና ዎላ ዴኮ ኬሰኪ ሃጎቲ ሃጎቲ ዬያ ዛሎ ላምዎ ዓገኒ ታ ዒኢካ ዬኤኮም» ጌዔኔ። 38 ዒዚያ ዒዛ ላምዎ ዓገኒ ዒኢካ ዴዓጎዳጉዲ ሰራሢ ዳካዛ ዒዛ ፔ ላጎና ዎላ ዴኮ ኬሰኪ፣ ሌዒ ናይ ዒዛ ሹውዎዎ ዓታሢሮ ዬኤኬኔ። 39 ላምዎ ዓገኒኮ ገንፃፓ ዓዶ ማኣሪ ማዒ ዒዛ ሙካዛ፣ ናጎገና ናጎጎ ጎዳም ጫኣቁሢ

ዓዴ ዒዛና ኩጎሢ፤ ዒዛ ዒማና ኩሙሢ ዉዲሮ ናይኬ። ዬማፓ ሳርቃዎ፣ 40 ዒሰራዔኤሌ ዓሶኮ ዉዲሮ ናኣታ ሌዓ ሌዓ ያይዶ ኬሊ ማዓጎዳያ ማኣራፓ ሃኪ ዴጎዲ ዴጎዲ ጌሌዓዴ ዓሢ፣ ዮፕታኣሄ ናዎ ዛሎ ማሊ ያዪ ዬኤካሢ ዳምቤ ማዔኔ።

# 12

**ዮፕታኣሄና ዔፕሬኤሜ ዓሶና**

1 ዔፕሬኤሜ ዓሳ ያሎም ገኢገነቲ ዮርዳኖሴ ዎሮና ፒንቁ ፃፖኔ ሄላዎ ዮፕታኣሄ ኮይላ፡- «ዓሞኣኔ ዓሶ ያሊ ኔ ኮይሊና ኔ ዴጎዳዎ ኑና ኔ ዓይጎሮ ዔኤሊባኣይ? ሃሢ ኔኤኒ ኔኤኮ ማኣሮይዳ ዓኣጎቴ ታሚ ኑ ኔገዳ ዓጎጎዳኔ!» ጌዔኔ።

2 ዮፕታኣሄ ዔያቶ ኮይላ፡- «ታናጎታ ታ ዴሮጎታ ዓሞኣኔ ዓሶ ዓርቂ ኑ ዎሊ ያሊኣና ዒጎሢ ታ ዔኤሌኔ፤ ዒጎሢ ጎዓጎቴ ዬያቶ ዓሶይዳፓ ታና ዓውሲባኣሴ፤ 3 ዒጎሢ ታና ማኣዳኒ ኮዒባኣሢ ታ ዴጎቁ፣ ታ ሸምፓሢ ሚጨጎቱዎዎ ዔያቶ ያሊኒ ዛጳና ፒንቁ ታ ዴጎዳዛ ናጎገና ናጎጎ ጎዳ ያሎና ዔያቶ ታና ባሽሲሴኔ። ሂዳዎ ሃሢ ዒጎሢ ታና ያሊኒ ዔቁሢ ዓይጎሮዳይ?» ጌዔኔ። 4 ዬካፓ ዮፕታኣሄ ጌሊዓዴ ዓሶ ኩኩሲ ዔኪ ዴጎዲ ዔፕሬኤሜ ዓሶ ያሊ ባሽኔ፤ ዓይጎሮ ጌዔቴ ዔፕሬኤሜ ዓሳ ዔያቶ፡- «ዒጎሢ ዔፕሬኤሜና ሚናኣሴ ዓጮናይዳ ናጎጎ ጌሊዓዴ ዓሳ ዔፕሬኤሜ ዓጮ ዒዲ ቤቲ ሙኩ ዓሲኬ!» ጎዓሢሮኬ። 5 ዬያሮ

11:35 11:35 ፓይ. ማፃ 30:2።

ዌፕሬኤሜ ዓሳ ቶሎዋጉዲ ጌሌዓዴ ዓሳ ዮርዳኖሴ ዋሮና ፒንቆ ካሮ ካሮ ቲቄኔ፤ ጌሺ ቶላኒ ጋዓ ዌፕሬኤሜ ዓጪ ዓሲ ፒንቃኒ ምሌ ዋዶና ጌሌዓዴ ዓሳ፡- «ኔኤኒ ዌፕሬኤሜ ዓጪ ዓሲዳ?» ጌይ ምሌዛ፡- «ዌይዔ» ጌዌቴ፥ 6 ሂንዳ፡- «ሺቦሌቴ» ጌዌ ጋዓኔ፤ ዌይ ዓሂ «ሺ» ጋዓ ፒዳኣሌሎ ፒዚሲ ዌኤሎዋኣሂሮ «ሺቦሌቴ» ጋዓኔ፤ ያዲ ጌዌቴ ዌያታ ዌያ ዓሂ ዌኪ ዮርዳኖሴ ዋሮና ፒንቆ ካሮኮ ፔቴዘይዳ ሺኢሺ ዋዋዳኔ፤ ዌኖና ያይዲታሚ ላምዎ ሺያ ዓሲ ዌፕሬኤሜ ዓሳፓ ሃይቄ፡፡

7 ዮፕታኣሂ ላሆ ለዌ ጉቤ ዒሰራዌኤሌ ዓሳኮ ሱኡጌ ማዌሰካፓ ሃይቄ፡ ዒዚ ሾይንቴ ጌሌዓዴኮ ፔቴ ካታማሰከኖይዳ ዲኡቴ፡፡

**ዒብፃኔንታ ዌሎኔንታ ዓብደኔንታ**

8 ዮፕታኣሂፓ ሂሊሳዎ ቤኤቴሌሂሜይዳ ሾይንቴ፡ ዒብፃኔ ዒሰራዌኤሌ ዓሳኮ ሱኡጌ ማዌ፤ 9 ዒዛኮ ሃይሂታሚ ዓቲንቄ ናይና ሃይሂታሚ ዉዴሮ ናይ ዓኣኔ፤ ዌያ ዉዴሮ ናኣቶ ዒዛ ቶኣኪ ማዒባኣ ዓሰም ዒዚ ዒንጌኔ፤ ዌያጉዲ ሃሃ ዒዛ ቶኣኪ ማዒባኣ ዉዴሮ ናኣቶ ዌኪ ሙኪ ዒዛኮ ዓቲንቄ ናኣቶም ዒንጌኔ፤ ዒዚ ላንካይ ለዌ ዒሰራዌኤሌ ዓሳኮ ሱኡጌ ማዌ፡፡ 10 ዌካፓ ዒ ሃይቄ ቤኤቴሌሂሜይዳ ዲኡቴ፡፡

11 ዒብፃኔፓ ሂሊሳዎ ዛብሎኦኔ ፃጺ ማዌ ዌሎኔ ታጾ ለዌ ዒሰራዌኤሌ ዓሳኮ ሱኡጌ ማዒ ዋይሂኔ፡፡ 12 ዌካፓ ዒ ሃይቄ፡ ዛብሎኦኔ ዓጮይዳ ዓኣ ዓያሎኔ ዓጮ ዲኡቴ፡፡

13 ዌሎኔፓኣ ሂሊሳዎ ፒርዓቶኔ ዓጪ ሾይንቴ ማዌ፡ ሂሌሌ ናኣዚ ዓብደኔ ዒሰራዌኤሌ ዓሳኮ ሱኡጌ ማዌ፤ 14 ዓብደኔኮ ላንካይታሚ ሃሬ ቶጌ ሃንታ ያይዲታሚ ዓቲንቄ ናይና ሃይሂታሚ ናኣዚ ናይና ዓኣኔ፤ ዓብደኔ ሳሊ ለዌ ዒሰራዌኤሌ ዓሳኮ ሱኡጌ ማዒ ዋይሂኔ፡፡ 15 ዌካፓ ዒ ሃይቄ ጌሜራ ሚርጌ ዓኣ፡ ዓማሌቄ ዓሳ ዓጮ ጋራ ዌፕሬኤሜ ዓጪ ፒርዓቶኔይዳ ዲኡቴ፡፡

**13**

**ሶምሶሜኮ ሾይንቶ**

1 ዒሰራዌኤሌ ዓሳ ሃሃ ጌንሃ ጎዳም ዋይዘ ዒዲ ፑርታማዶ ማዲ ዳቤኔ፤ ዌያሮ ናንጌና ናንጋ ጎዳ ፒሊሰፄኤሜ ዓሳ ዌያቶ ያይዲታሚ ለዌ ጉቤ ፔ ዳማ ማሂ ዋይሂንዳጉዲ ዓኣሂ ዒንጌኔ፡፡

2 ዌኖ ዋዶና ያርዓ ጌይንታ ካታማይዳ ናንጋ፡ ማኑሂ ጎዎ ፔቴ ዓሲሰኬይ ዓኣኔ፤ ዒዚ ሾይንቴሂ ዳኣኔ ፃጳፓኬ፤ ማቻ ዒዛኮ ዘኣኮታሂሮ ናይ ሾይባኣሴ፡፡ 3 ዒዛም ናንጌና ናንጋ ጎዳኮ ኪኢታንቻ

ጴዳዮ፡- «ኔኤኒ ዘኦኮኮ፤ ናይ ኔኤኮ ባኣሴ፤ ጋባንቴ ሃሢ ኔ ዑኩ ዋዴዳ ጎጲ ዔኪ ባተንቄ ናይ ሾባንዳኔ፤ 4 ዋይና ዑኩ ማዕቲያ ዩያጉዲ ባይጎዋ ማሃ ዑሺ ኔ ዑሽኩዋጉዲ፤ ያኦሲኮ ዋጋ ላኣጋ ሙኡዚያ ኔ ሙዑዋጉዲ ኔና ዔሬ። 5 ጎኔ ኔ ጎጲ ዔኪ ባተንቄ ናይ ሾባንዳኔ፤ ዬይ ናባሢ ሾይንቴማፓ ባርቃዖ ያኦሲም ዲማዴያ ናዝራ ባሲ \* ማባንዳሢሮ ቶኦኮ ባዛኮ ፔቴታዖ ጉኡሊፖ፤ ባዚ ባሲራዔኤሌ ባሶ ፒሊሰጂኤማ ባሶ ኩጫፓ ባውሳያ ማባ ኬሰካንዳኔ» ጌዔኔ።

6 ዬካፓ ላኣሌላ ዳንዲ ፔኤኮ ባኒም፡- «ያኦሲ ባሲ ማዔ ፔቴ ባሲሰኬይ ታ ኮይላ ሙኩኔ፤ ባዛኮ ባውካራ ያኦሲ ከኢታንቸጉዲ ባሊቻያኩ፤ ባዚ ባንካፓ ሙኩቴያ ታ ባዛ ያኦጪባኣሴ፤ ባዚያ ፔ ሱንዖ ታኣም ኬኤዚባኣሴ፤ 7 ጋባንቴ ባዚ፡- «ኔ ጎጲ ዔኪ ባተንቄ ናይ ሾባንዳኔ» ጌይ ታኣም ኬኤዘኔ፤ ሃሢ ባዚ ኬኤዛዮ፡- «ዬይ ሾይንታንዳ ናባሢ ሾይንቴማፓ ዳንዲ ሃይቃንዳያ ሃላንዳኣና ናዝራ ባሲ ማባ ያኦሲም ዲማዴያ ማባንዳሢሮ ዋይና ዑኩታቴያ ዩያጉዲ ማሃ ባይጎ ዑሺያ ኔ ዑሽኩዋጉዲ፤ ያኦሲኮ ዋጋ ላኣጋ ሙኡዚያ ሙይፖ» ጌይ ላቴኔ» ጌዔኔ።

8 ባማና ማኑሄ፡- «ናንገና ናንጋ ጎዳሢዮ! ናባሢ ሾይንታዛ ኑ ዋዋዳንዳቴያ ኑም ኬኤዛንዳጉዲ ዬያ ኔኤኒ ዳኩ፤ ኔ ባሢ ሃሃ ኑ ኮይላ ዳኩ» ጌይ ሺኢቄኔ።

9 ያኦሲ ማኑሃኮ ሺኢጲዖ ዋይዘሢሮ ያኦሲኮ ከኢታንቸሢ ለማ ሙኪ ላኣሌሎ ኮይላ ባዛ ጎሺዳ ዴባ ባኣንቴ ጴዴኔ፤ ባማና ባዛኮ ባኒ ማኑሄ ባዚ ኮራ ባኣሴ፤ 10 ዬያሮ ባዛ ዑኩና ጸሽኪ ባኒ ኮይላ ዴንዳዮ፡- «ዬይ ቢሪ ታ ኮይላ ሙኩ ባሢ ሃናዋ ሃሃ ታኣም ጴዴኔ!» ጌዔኔ።

11 ባማና ማኑሄ ዴዔ ቤዛፓ ዔቄ ማቸ ጊንዖ ዳንዲ ባሢ ኮይላ፡- «ታ ማኣሮይንዶና ዋላ ጌሰቴሢ ኔናዳ?» ጌይ ያኦጪኦኔ።

ባሢያ፡- «ሂዮ ታናኩ» ጌዔኔ።

12 ማኑሄ ሃሃ፡- «ኔ ጌዔ ባካ ጎኔ ማባ ኩማኣና ሾይንታንዳ ናባሢ ዋዚም ናንጋንዳያ ኮይሳይ? ባዛም ባይጎ ማዶንዳያ ኮይሳይ?» ጌይ ያኦጪኦኔ።

13 ከኢታንቸሢ ማሃዮ፡- «ኔ ማቻ ታ ባዛም ኬኤዘ ባኮ ቢያ ዛጊ ማዲ ኩንሃንዳያ ኮይሳኔ። 14 ዋይና ባኣፖና ኮሾ ዑሺ ማዔቲያ ዩያይዳፓ ጊኢጊሾ ሙዋ ባኣዚያ ፔቴታዖ ባዛ ካኣምፓ፤ ዋይኔ ዑሺ

\* 13:5 13:5 ናዝራ ባሲ ጌይዮ፡- ያኦሲም ዲማዴያ ጌይሢኬ። 13:5 13:5 ፓይ. ማፃ 6:1-5።



ማዕቴያ ዬያጉዲ ሃሣ ማሣ ዑሺያ ዑሸኮፓ፤ ሃሣ ያኦሲኮ ዋጋ ላኣጋ ሙዖዋ ሙዖፓ፤ ታ ዒዛሞ ኬኤዜ ባኮ ቢያ ማዲ ዒዛ ኩንሣንዲያ ኮይሳኔ» ጌዔኔ።

15 ማኑሄ ናንጊና ናንጋ ጎዳኮ ከኢታንቻሢ ኮይላ፡- «ፔቴ ዋናይ ታ ኔኤም ሹኪ ገኢጊሻንዳኣና ሃዳራ ዴንዲፖ!» ጋዓዛ፤ 16 ናንጊና ናንጋ ጎዳኮ ከኢታንቻሢ፡- «ኔ ታና ሃካ ዴይሣቴያ ሙዖ ታ ኔኤኮ ሙዒንዲዋሴ፤ ኔኤኒ ናንጊና ናንጋ ጎዳሞ ሚቹ ዒንጎ ዒንገሢሢ ዒንጋኒ ኮዔቴ ዒዛሞ ገኢጊሽ ዒንጌ» ጌዔኔ። ማኑሄ ዒማና ዬይ ናንጊና ናንጋ ጎዳኮ ከኢታንቻሢ ዔሪባኣሴ።

17 ማኑሄ ሃሣ ዒዛ ኮይላ፡- «ኔ ጌዔ ባካ ጎኔ ማዒ ኩማኣና ኔኤም ኑጋላታንዳጉዲ ሱንፆ ኔኤኮ ኬኤዜ» ጌዔኔ።

18 ከኢታንቻሢ ዒዛ ኮይላ፡- «ሱንፆ ኔ ታኣኮ ዔራኒ ኮዓሢ ዓይጎርዳይ? ሱንፆ ታኣኮ ዲቃሢ ሄርሺሳኬ» ጌዔኔ።

19 ዬካፓ ማኑሄ ዋናናዓሢና ሃኣኮ ዒንገሢሢና ዋላ ዔኪ ላሌ ሹቹዳ ናንጊና ናንጋ ጎዳሞ ዒንጎ ቤሲ ማሂ ዒኣካ ሸኢሸኔ፤ ዒማና ማኑሄንታ ማቸንታ ዛጋንቴ ናንጊና ናንጋ ጎዳ ዲቃሢ ሄርሺሳ ባኣዚ ማዴ። 20 ዋዋዴይ ጌዔቴ ናንጊና ናንጋ ጎዳሞ ዒንጎ ባኮ ዒንጎና ቤዛፓ ታሚ ሌካ ዔኤቲ ኬሰካዖ ማኑሄና ማቸና ዛጋ ጎይሣ ዓኣንቴ ናንጊና ናንጋ ጎዳኮ ከኢታንቻሢ ዬያ ታሞኮ ባኣካ ዋላ ሌካ ጫሪንጮ ዴንዴ፤ ዒማና ማኑሄና ማቸና ባሊቲና ሳዓ ላሄኔ። 21 ናንጊና ናንጋ ጎዳኮ ከኢታንቻሢ ላሚ ዔያቶም ጴዲባኣሴ፤ ዬካፓ ማኑሄ ዬይ ናንጊና ናንጋ ጎዳኮ ከኢታንቻሢ ማዔሢ ዔራሬ።

22 ማኑሄ ማቸ ኮይላ፡- «ናንጊና ናንጋ ጎዳኮ ከኢታንቻ ኑዛጌሢር ማይ ኑ ሃይቄኔ!» ጌዔኔ።

23 ጋዓንቴ ማቻ፡- «ናንጊና ናንጋ ጎዳ ኑና ዋዳኒ ኮዔቴ ኑ ሸኢሸ ሚቹ ዒንጌ ዒንገይንታ ሃኣኮ ዒንገይዋ ዔካዓታንቴኬ፤ ሃሣ ሃያ ባኮ ቢያ ኑም ዳዊ ዬያ ባኮዋ ኑም ኬኤዚንዲዋሴ» ጌዔኔ።

24 ዬካፓ ላኣሌላ ዓቲንቄናይ ሾዒ ሱንፆ «ሶምሶሜ» ጌይ ጌሣኔ፤ ናዓሢ ዲጩኔ፤ ናንጊና ናንጋ ጎዳኣ ዒዛ ዒንጃኔ፤ 25 ዒዚ ፆርዓና ዔሸታዖሌ ጌይንታ ካታሞ ባኣካ ዓኣ ዳኣኔ ጉርዲይዳ ዓኣንቴ ናንጊና ናንጋ ጎዳኮ ዓያና ሙኪ ዒዛ ዶዲሺሢሢ ዓርቄ።

# 14

## ሶምሶሜኮ ዔፖ

13:18 13:18 ማኸ. ማፃ 32:29።

1 ፔቴ ከሌ ሰምሶሜ ተሚና ዓጮ ከዲ፣ ዒኢካ ፔቴ ፒሊሰጻኤሜ ዓሲ ማዔ ወዲሮ ናይሰከኖ ዴንቄኔ፤ 2 ዩካፓ ማኦሪ ማዔ ሙካዖ ዓደና ዒንደና ኮይላ፡- «ተሚናይዳ ፔቴ ፒሊሰጻኤሜ ዓሲ ማዔ፣ ወዲሮ ናይሰከኖ ታ ዴንቄኔ፤ ዬያሮ ዒዞ ታኣም ማኸሲ ዒንጉዋቴ» ጌዔኔ።

3 ዒዞኮ ዓደና ዒንደና ጋዓንቴ፡- «ዓተንቶ ቤርቶ ተቁንቲዖ ካኣኸ ካሸተባኣ ፒሊሰጻኤሜ ዓሶ ዓጮ ላኣሊ ዔካኒ ኔ ዴንዳሢ ዓይጎሮዳይ? ኑ ፃጰ ማዔ ዓሶ ባኣካ ወዲሮ ናይ ባይቄምዳ?» ጌይ ዒዞ ዖኦጩኔ።

ሰምሶሜ ዓደ ኮይላ፡- «ታ ዒዞ ዒናፓ ናሽከሢሮ ዒዞ ዔኪ ሙኪ ታኣም ዒንጌ» ጌዔኔ።

4 ሰምሶሜ ዬያይዳንዳጉዲ ናንገና ናንጋ ጎዳ ማዳሢ ሸዔ ዓሳ ዔሪባኣሴ፤ ዬኖ ዋደና ፒሊሰጻኤሜ ዓሳ ዒሰራዔኤሌ ዓሶ ፔ ዴማ ማሂ ዋይሣሢሮ ዔያቶ ባኣካ ሜታ ማኸንታንዳጉዲ ዔሬዖ ናንገና ናንጋ ጎዳ ዬያ ማዳኔ።

5 ዩካፓ ሰምሶሜ ዒዞኮ ዓደንታ ዒንደንታ ዋላ ተሚና ከዴኔ፤ ዒኢካ ዋይኔ ጎሺ ገዴና ዔያታ ዴንዳንቴ ፔቴ ሃጊ ዔቃ ዓዴ ዘቢ ጉዲ ጉዲ ዒዞይዳ ሙከኔ፤ 6 ዒማና ሰምሶሜ ዔሪባኣንቴ ናንገና ናንጋ ጎዳኮ ዓያና ዒዞ ደዲሼም ዘባሢ ዋናይጉዲ ኩቻ ዓርቄ ሸኦሌኔ፤ ዬያ ማዳሢ ዒንደና ዓደናም ዒ ከኤዚባኣሴ።

7 ዩካፓ ዒዚ ናዔሎ ኮይላ ዴንዲ ዒዞና ጌሰቴኔ፤ ዒዞ ዒ ናሽከኔ፤ 8 ፔ ዓጫ ዴንዲ ዒ ዳካ ኔጋዖ ዒዞ ዔካኒ ገንሣ ተሚና ዴንዲቤቃ ዒዚ ቤርታ ዋዳ ዘባሢ ዛጋኒ ጎይፃፓ ካዮ ጌሌኔ፤ ዒማና ሃይቄ ዘባሢኮ ሜጌዖ ጋራ ማሢ ጌሊ ቁንዲ ዔኤሲ ዓኣንቴ ዒዚ ዴንቄኔ፤ 9 ዬያ ዔኤዞ ዒ ኩቻ ዔኪ ሙይ ሙይ ጎይዖ ዴንዳዖ ዓደና ዒንደና ኮይላ ሙከሰካፓ ዔኤዞ ዒንጌም ዓደንሢ ሙዔኔ፤ ጋዓንቴ ሰምሶሜ ዬያ ዔኤዞ ሃይቄ ዘባሢኮ ሜጌዖ ጋራፓ ዔከሢ ዔያቶም ከኤዚባኣሴ።

10 ዒዞኮ ዓዴ ናዔሎ ማኦሪ ዴንዴኔ፤ ሰምሶሜያኣ ዒኢካ ሙኡዚ ገኢጊሼኔ፤ ዬያይዲ ሙዖ ገኢጊሼዓ ዔፖ ዔካ ዴንሢ ገኢጊሻ ዳምቤከ። 11 ፒሊሰጻኤሜ ዓሳ ዒዞ ዴንቃዖ ዒዞና ዋላ ዴዓንዳንዳጉዲ ሃይሢታሚ ጳሾሪ ዒዞ ኮይላ ደኦሪ ዳከኔ። 12 ዒማና ሰምሶሜ ዔያቶ ኮይላ፡- «ሂንዳ ዒንሢ ዔራንዳቴ ዓኣቸሢ ታ ዓኣቸም፤ ዬኖ ዓኣቸዔሎኮ ቡሊዖ ላንካዎ ዔፖ ሙዖ ከሎንሢዳ ታኣም ዒንሢ ከኤዚቴ ሃይሢታሚ ሚዛጰ ዓፒላ፣ ሃሣ ሃይሢታሚ ላኣሚ ላኣሚ ማኣዓንዳ ማኣዖ ታ ዒንሢም ዒንጋንዳኔ፤ 13 ቡሊዖ

ዲንሢ ኬኤዚባኣቲ ዲንሢ ታኣም ሃይሢታም ሚዘጰ ዓፒሎንታ ለኣሚ ለኣሚ ማኣዖ ማኣዓሢንታ ዲንጋንዳኔ» ጌዔኔ።

ዔያታ ዒዛም፡- «ሂንዳ ዓኣቲዖ ኔኤኮ ኬኤዜ፤ ኮ ዋይዘም» ጌዔኔ።

14 ዒዚ ዔያቶ ኮይላ፡-

«ሙዓያይዳፓ ሙኡዚ ጰዴኔ፤

ደዲፓ ዓኣሢ ባኣዚ ኬሰኬኔ» ጌዔኔ።

ዔያቶም ዬይ ሃይሢ ኬሊ ሄላንዳኣና ዔርቶ ዒፃኔ።

15 ዬያር ዖይዳሳ ኬሎና ዔያታ ሶምሶሜ ማቾ ኮይላ፡- «ዓኒ ኔኤኮ ጌሺ ዓኣቲዖኮ ቡሊዖ ኦም ኬኤዚሴ፤ ኔ ዬያይዲባኣቲ ኔ ዓደ ማኣሮይዳ ታሚ ዓጊ ኔናንታ ኦ ዎላ ሚቻንዳኔ፤ ሃይሹ፡ ዲንሢ ላምዓሢ ሙዖር ኦና ዔኤሌሢ ቡቡራኒኬ!» ጌዔኔ።

16 ያዲ ዔያታ ጌዔሢር ሶምሶሜኮ ማቻ ዒዛ ኮይላ ዬኤኪ ዬኤኪ ሙካዖ፡- «ሃይሹ፡ ኔ ታና ናሽኩዋኣሴ! ኔ ታና ዒናፓ ዒፃኔ ጌይሢኬ! ዎይቲ ጌዔቲ ታ ዓጮ ናኣቶም ዓኣቲዖ ኔ ዓኣቻዖ ቡሊዖ ኔ ታኣም ኬኤዚባኣንቱም» ጌዔኔ።

ዒዚ ዒዛ ኮይላ፡- «ዋይዜ! ዬያ ታኣኒ ታ ዓደንታ ታ ዲንደንታምታዖ ኬኤዚባኣሴ፤ ኔኤም ታና ዓይጌ ኬኤዚሳይ?» ጌዔኔ። 17 ዬያር ዔፖ ሙዖ ኬላ ጋፓንዳ ኬሎ ሄላንዳኣና ጉቤ ዒዛ ዬኤፒ ሌሊ ዬኤኪ ሚርጌና ሚታሴሢር ላንካሳ ኬሎና ዓኣቲዖኮ ቡሊዖ ሶምሶሜ ዒዛም ኬኤዛዛ፤ ዒዛ ዬያ ዳንዲ ፒሊሰፃኤሚ ዓሶም ኬኤዜኔ። 18 ዬያር ላንካሳ ኬሎ፡ ዓባ ጌሎዋንቲ ካታም ዓሳ ሶምሶሜ ኮይላ ሙኪ፡-

«ዔኤሲዳፓ ባሽ ዓኣሢ

ዘቢዳፓ ባሽ ዶዲ ዓይጌ ዓኣይ?»

ጌዲ ዓኣቲፃሎኮ ቡሊዖ ኬኤዜኔ።

ዒዚ ዔያቶም፡-

«ታ ማሬሎና ዲንሢ ጎሽኪባኣያታቲ

ቡሊዖ ዲንሢ ዔሪንዲዋያታዖኬ» ጌዔኔ።

19 ዒማና ናንጊና ናንጋ ጎዳኮ ዓያና ዎልቄ ዒዛም ዲንጋዛ፡ ሶምሶሜ ዓሰቄሎኔ ኬዲ ሃይሢታሚ ዓሲ ዎዴኔ፤ ዬያ ዓሶኮ ሚዘጰ ማኣዓሢ ቢያ ጉሲ ዔኪ ሙኪ ዓኣቲዖ ዔሬ ዓሶም ዲንጌኔ። ዬያር ዒ ሚርጌና ዳጋዲ ፔ ማኣሪ ማዒ ዴንዴኔ፤ 20 ዒዛኮ ማቼላ ዒማና ዒዛኮ ዔፖር ዒዛ ኮይላ ሙኬ፡ ዒዛኮ ላጌሰኬያም ዲንጊንቲኔ።

# 15

1 ዳካ ጌዔስካፓ ዛርጋሢ ጮኦር ዋዳ ሄላዛ ሶሞሶሜ ፔኤኮ ማቾ ዛጋኒ ፔቲ ዋናናይ ዔኪ ዴንዲ ናዔሎኮ ሳዶ ኮይላ፡- «ታኣኮ ላኣሌላ ዓኣ ኬኤዖ ታ ጌላንዳኔ» ጌዔኔ፤

ዓዴ ጋዓንቲ ዒዛ ላኣጌኔ፤ 2 ዒዚ ሶሞሶሜም፡- «ኔ ዒዛ ዒዳያ ታኣም ማሌሢር ኔኤኮ ዔፖር ኔ ኮይላ ሙኬ ዓሶፓ ፔቲያም ታ ዒንጌኔ፤ ያዲ ማዔቲያ ዒዛኮ ጌኤዳ ዒዛፓ ባሼ ሚዛጸያታሢር ጌኤዶ ዔኬ» ጌዔኔ።

3 ሶሞሶሜ ዒማና፡- «ማይ ዓካሪ ፒሊስጻኤሜ ዓሶይዳ ፑርታ ባኣዚ ታ ማዳቲ ታና ዔኤቢ ጌይፖቲ!» ጌዔኔ። 4 ዩካፓ ዒ ዴንዲ ሃይሃ ጻኤታ ዉኡኮ ኬሚ ዓርቂ ላምዖ ላምዖ ማሂ ዑንኮ ዋላ ካንሢ ካንሢ ቱኬኔ፤ ሃሃ ኩሻ ዔኪ ሙካዖ ዑንኮ ባኣካ ቱኬኔ። 5 ዩያይዳስካፓ ኩሻ ታሚና ዓይሢ ፒሊስጻኤሜ ዓሶኮ ጮኦሪንቲባኣ ዛርጋሢ ባኣኮ ዉኡካሢ ዳካዛ ጮኦሪ ናቶናሢ ለለቱዋንቲ ሃጊ ጮኦሪንቲባኣ ዛርጋሢንታ ዛይቶ ሪሚቶ ሚዖንታ ዋይኖዋ ዓይሱዋ ታማ ሙዔኔ። 6 ዩያር ፒሊስጻኤሜ ዓሳ፡- «ሃያ ዓይጎ ዓሲ ማዳይ?» ጌይ ዖኣጫዖ ሶሞሶሜታሢ ዔሬኔ፤ ቲሚና ዓጪ ዓሲ ማዔ፣ ዒዛኮ ባይሲ ሶሞሶሜኮ ማቾ ዒዛኮ ዔፖር ሙኬ ዓሲም ዒንጌሢር ፒሊስጻኤሜ ዓሳ ዴንዲ ዬኖ ላኣሌሎንታ ዓዶንታ ታሚና ሚቹኔ።

7 ሶሞሶሜ ዒማና፡- «ዒንሢ ሃያይዳኔ፤ ቃራኬ፣ ታኣኒ ሃሃ ኮዋ ዔኩዋዖ ሃሻዓኬ!» ጌይ ጫኣቄኔ። 8 ዩካፓ ዒ ኔፐዋዖ ዔያቶ ዖሊ ሚርጌ ዓሲ ዋዳኔ፤ ዩያይዳስካፓ ዴንዲ ዔፃሚ ጌይንታ ቤስካ ፔቲ ዴኔ ዔቲይዳ ጌሊ ዴዔኔ።

## ሶሞሶሜኮ ፒሊስጻኤሜ ዓሶ ዖሊ ባሺዖ

9 ዩካፓ ፒሊስጻኤሜ ዓሳ ዪሁዳይዳ ዴንኪ ዴዓዖ ሌሂ ጌይንታ ካታዋ ዖሊ ዓርቄኔ፤ 10 ዩያር ዪሁዳ ዓሳ፡- «ኑና ዒንሢ ዓይጎር ዖሊዖ?» ጌይ ዔያቶ ዖኣጩኔ።

ዔያታ ማሃዖ፡- «ኑ ሙኬሢ ሶሞሶሜ ዓርቄ ቱኪ ዔኪ ኑም ዒ ማዳማ ጎይዖ ዒዛኣ ማዳኒኬ» ጌዔኔ። 11 ያዲ ዔያታ ጌዔሢር ሃይሃ ሺያ ማዓ ዪሁዳ ዓሲ ዔጻሚይዳ ዓኣ ዴኖ ዔቲሎ ዴንዲ ሶሞሶሜ ኮይላ፡- «ፒሊስጻኤሜ ዓሳ ኑና ዋይሃያታሢ ኔ ዔሩዋዓዳ? ሂዳዖ ሃይ ኔ ኑም ዓይጎ ባኣዚ ማዳይ?» ጌይ ዖኣጩኔ።

ዒዚ፡- «ታኣኒ ዔያቶም ማዳሢ ዔያታ ታኣም ማዳማ ጎይዖኬ» ጌዔኔ።

12 ዔያታ ዒዛ ኮይላ፡- «ኑ ሃሢ ሃይካ ሙኬሢ ኔና ቱኪ ዔኪ ዔያቶም ዒንጋኒኬ» ጌዔኔ።

ሶምሶሜ ዔያቶ ኮይላ፡- «ዒንሢ ዒንሢሮ ኑ ኔና ዎዲንዲዎሴ»  
ጌይ ታኣም ጫኣቁዋቴ» ጌዔኔ።

13 ዔያታ ማሃዎ፡- «ቃራኩ፤ ኑኡኒ ኔና ሱሲና ቱኪ ዔኪ ዔያቶም  
ዒዒንጋንዳኔ፤ ዎዲንዲዎሴ» ጌዔሰካፓ፡ ላምዎ ዓኪ ሱሲና ዒዛ ቱኪ  
ዒ ዓኣ ዔታፓ ከሲ ዔኪ ዳንዳኔ።

14 ሶምሶሜ ዔያታ ዔኪ ሌሂ ሙካዛ፡ ፒሊሰጭኤሜ ዓሳ ዎዛና  
ኮኦሚ ኮኦሚ ዒዛ ኮይላ ሙኩኔ፤ ዒማና ናንጊና ናንጋ ጎዳኮ ዔያና  
ዒዛ ደዲሻዛ ዒዛኮ ቃሶ ቱኮና ሱዛ ታሚ ሙይ ዲኡዛ ፓቲሌፕዲ  
ዲጲ ከዳኔ። 15 ዩካፓ ዒዚ ዑኩ ሃይቁ ሃሪኮ ባንጋላ ዳንቁ ሂርኪ  
ጌይ ዔካዎ ፔቲ ሺያ ዓሲ ሃሮ ባንጋሎማና ዎዳኔ።

16 ሶምሶሜ ዒማና፡-  
«ሃሪ ባንጋላና ሺያ ዓሲ ዎዳዮ!  
ሃያ ሃሮ ባንጋሎና

ሌሲዳ ሌሲ ኩላዮ!» ጌዒ ሜርቴኔ።

17 ዩካፓ ዩኖ ሃሮ ባንጋሌሎ ዒዚ ዠቤኔ፤ ዩያ ዒ ማዳ ቤዜሎኮ  
ሱንፃ፡- «ባንጋላ ጌሜሪ» ጌይንቴኔ።

18 ዒማና ሶምሶሜ ዎኣሢ ኮሺ ዳኤቤሢሮ፡- «ሃያጉዳ ዳኤፒ  
ባሺሢ ኔ ታኣም ዒንጌኔ፤ ሂደዎ ሃሢ ዎኣሢ ዳኤቤና ሃይቆንደ?  
ዓቲንቶ ቤርቶ ተቀንተባኣ ዓሶ ኩጫ ሃሃይቆንደ?» ጌይ ናንጊና  
ናንጋ ጎዳ ሺኣቁኔ። 19 ዩካፓ ናንጊና ናንጋ ጎዳ ሌሂዳ ፔቴ ላሌ  
ጳሌም ዒኢፓ ዎኣሢ ከሰከኔ፤ ዒዚ ዑሽካዛ ሺምፓሢ ዒዛኮ  
ማዔም ዒ ደዳኔ፤ ዩያሮ ዩና ዎኣጻላ «ዔኤሌሢ ዎኣፃ» ጌይንቴኔ፤  
ሃኖ ሄላንዳኣና ዩይ ዎኣፃ ሌሂዳ ዓኣኔ።

20 ሶምሶሜ ላማታሚ ሌዔ ዒሰራዔኤሌኮ ሱኡጌ ማዒ ዎይሣኔ፤  
ዩያ ዎድና ቢያ ዒሰራዔኤሌ ዓሳ ፒሊሰጭኤሜ ዓሶ ዳማ ዎርቃኔ።

# 16

## ሶምሶሜ ጋኣዛይዳ

1 ፔቲ ከሊ ሶምሶሜ ፒሊሰጭኤሜ ዓሲ ካታማ ማዔ፡ ጋኣዛ ጎዎዘ  
ዳንዲ ዒኢካ ፔቲ ዘኦሰካ ኮኦማ ላኣሊሰኬኖ ዳንቃዎ ዒዛና ዎርቃኒ  
ዒዘ ኮይላ ጌሌኔ፤ 2 ጋኣዛ ካታም ዓሳ ሶምሶሜ ዒኢካ ዓኣሢ ዎይዚ  
ዩኖ ቤዜሎ ማንጋዎ ካታሜሎኮ ጌሎ ካሮ ዩኖ ዎንቶ ካፔ ጎይሣ  
ዎርቁኔ፤ ዔያታ ዒማና፡- «ሳዓ ዳንዲ ካራንዳኣና ዒዛ ኑ ዎዳንዳኔ»  
ጌይ ማሊ ዩኖ ዎንቶ ዒኢካ ካቴኔ፤ 3 ጋዓንቴ ሶምሶሜ ላኣሌሎና  
ዎላ ሳዎኮ ጊዲሚሺ ሄላንዳኣና ሌሊ ላሄኔ፤ ዩካፓ ዔቁ ካታሜሎ  
ጌሎ ካሮ ዎድና ካሮንታ ካሮ ዓይሢ ደቆናሢንታ ጋጋርቁ ቁልፖና

ባኮንታ ቢያ ቱጊ ጌኤታ ኩዲ ኩብርኦኔኮ ቤርቶ ዛላ ዓኣ ጌሚር ዔኪ ኬሰኬኔ።

**ሶምሶሚና ዴሊላ ጎዖዞና**

4 ዩካፓ ሶምሶሚ ሶሪቄ ዶኦጮይዳ ናንጋ፥ ዴሊላ ጌይንታ ፔቴ ለኣሊሰኬና ናሽኬኔ፤ 5 ፒሊሰጻኤሚ ዓጮ ፓቂ ፓቂ ዎይሣ ዶንጎ ዓሲ ዒዞ ኮይላ ሙኪ፡- «ሶምሶሚ ጌሺ፥ ዩያ ዎልቆ ዒ ዓንካፓ ዴንቁቴያ፤ ሃሣ ዎዲ ኑ ዒዞ ዓርቂ ቱኪ፥ ኑ ኩጮ ጋር ጌልዛንዳቴያ ኑም ዖኦጮ፤ ኑ ፔቴ ፔቴሣ ኔኤም ታጾ ሃይሣ ኪሎ ዓንጊ ቢራ ቢራ ዒንጋንዳኔ» ጌዔኔ።

6 ዬያር ዴሊላ ሶምሶሚ ኮይላ፡- «ሃያይዲ ኔና ዶዲሻሣ ዓይጎታቴያ ሃዳራ ታኣም ኬኤዜ፤ ሃሣ ዓሲ ኔና ዎዲ ቱኪ ላቢሳኒ ዳንዳዓቴያ ታኣም ኬኤዜ» ጌዔኔ።

7 ሶምሶሚ ዒዞም፡- «ላንካይ ዓኪ ሻሺና ታና ቱኮናቴ ሜሌ ዓሲጉዲ ዎልቁባኣያ ታ ማዓንዳኔ» ጌይ ኬኤዜኔ።

8 ዬያር ፒሊሰጻኤሚ ዓሶ ዎይሣ ዓሳ ላንካይ ዓኪ ሻሺ ዴሊላም ዔኪ ሙካዛ ዒዞ ሶምሶሚ ቱኬኔ። 9 ዒማና ሜሌ ቆልዓይዳ ዴዒ ካፓ ዓቲንቁ ዓኣሣሮ ዴሊላ፡- «ሶምሶሚ! ፒሊሰጻኤሚ ዓሳ ሙኬኔ!» ጌይ ዒላታዛ፥ ዒዚ፡- ፓቲሌ ታሚ ሙዒ ዴኡዛሣጉዲ ሻዦ ዩያ ዴኡዜኔ፤ ዬያር ዒዞ ዶዲሻሣ ዓይጎታቴያ ዓሳ ዔራኒ ዳንዳዒባኣሴ።

10 ዴሊላ ሶምሶሚ ኮይላ፡- «ሃይሾ ኔ ጎኔ ኬኤዚባኣሴ፥ ታና ጌጌሼኔ፤ ሂንዳ ዎዲ ኔና ቱኮንዶቴያ ሃዳራ ታኣም ኬኤዜቴራ!» ጌዔኔ።

11 ዒዚ ዒዞም፡- «ዔኤቢ ማዲቦኦ ዓኪ ዎዳራና ታና ቱኮናቴ ሜሌ ዓሲጉዲ ዎልቁባኣያ ታ ማዓንዳኔ» ጌዔኔ።

12 ዬያር ዴሊላ ዒ ጌዔ ጎይዖ ዓኪ ሱሲ ዔኪ ዒዞ ቱኬኔ፤ ሃሣ ሜሌ ቆልዓይዳ ዴዒ ካፓ ዓቲንቁ ዓኣሣሮ ዒዞ፡- «ሶምሶሚ! ፒሊሰጻኤሚ ዓሳ ሙኬኔ!» ጌይ ዒላታዛ፥ ዒዚ ዒዞኮ ቃሶ ቱኮና ሱዞ ሻሎጉዲ ዴኡዜኔ።

13 ጊንሣ ሃሣ ዴሊላ ሶምሶሚ ኮይላ፡- «ሃይሾ ኔ ታና ዔኤዩሴኔ፤ ጎኔ ኔ ታኣም ኬኤዚባኣሴ፤ ሃዳራ ዎዲ ኔና ቱኮንዶቴያ ታኣም ኬኤዜቴራ» ጌዔኔ።

ዒዚ ዒዞም፡- «ታኣኮ ላንካይ ፓቂ ማዦና ቶኣኮ ጋፓኖ ቃጪናና ዎላ ማዦና ፃውናና ሳዓ ኔ ጳርቂ ዓይሣቴ ሜሌ ዓሲጉዲ ዎልቁ ባኣያ ታ ማዓንዳኔ» ጌዔኔ።

14 ዩካፓ ሶምሶሚ ጊንዓዛ ዒዞኮ ላንካይ ፓቂ ማዦና ቶኣኮ ጋፓኖ ቃጪናና ዎላ ማዦና ፃውናና ሳዓ ዒዞ ጳርቂ ፃጸዖ፡- «ሶምሶሚ!

ፒሊሰጃኤሜ ዓሳ ሙኬኔ!» ጌይ ዒላቴኔ፤ ዒዚ ጋዓንቴ ጊንዓሰካፓ ቶኦኮ ጋፓኖና ማዢ ፃጶና ባኮ ቢያ ቱጊ ዔኪ ዔቄኔ።

15 ዬያር ዒዛ፡- «ዒና ኔኤኮ ታኦናቴዋንቴ ኔ ታና ጉሪ <ሸካኔ> ጋዓኔ! ሃይሾ፣ ሃይሢ ማይንቴ ኔ ታና ጌሼኔ፤ ሃይማ ሄላንዳኦና ዬያ ዋልቆ ቢያ ዓንካፓ ኔ ዴንቃቴያ ታኦም ኔ ኬኤዚባኦ» ጌዔኔ። 16 ዬያ ቢያ ኬሊ ዒዛ ጌዒ ጌዒ፡- «ሃያይዳፓ ሃይቆያታቴ ዓይጎ!» ዒዚ ጋዓንዳያ ሄላንዳኦና ሜታሳኔ፤ 17 ጋፒንጆይዳ ዒ፡- «ታ ሸይንቴማፓ ዓርቃያ ናዝራ ዓሲ ማዒ፣ ጆኦሲም ታ ዲማዴያታሢሮ ቶኦካ ታኦኮ ጉኡሊንቴ ቤቁባኦ፤ ቶኦካ ታኦኮ ጉኡሊንቴቴ ዋልቃ ታኦኮ ላቤም ሜሌ ዓሲጉዲ ዋልቁባኦያ ታኦኒ ማዓንዳኔ» ጌይ ጎኑም ጋፒ ኬኤዜኔ።

18 ዬካፓ ዴሊላ ዓካሪ ጎኔ ዒ ኬኤዜሢ ዔራዖ፡- «ጎኔ ታኦም ዒ ኬኤዜሢ ፔቴና ሂንዳ ማዒ ሙኩዋቴ» ጌዒ ፒሊሰጃኤሜ ዓሳ ዋይሣ ዓሶም ከኢታ ዳካዛ ዔያታ ሚኢሾ ዔኪ ሙኬኔ።

19 ዒማና ዴሊላ ሶምሶሜ ፔኤኮ ጉባዛ ላይሢ ዑጾ ሊኢማሲ ሊኢማሲ ጊንዒሼኔ፤ ዬካፓ ፔቴ ዓሲ ዔኤሊ ላንካይ ፓቂ ማኮና ቶኦኮ ዒዛኮ ጉኡሊሴም ዋልቃ ዒዛይዳፓ ዲማዴሢሮ ዋልቆ ባይዚ ሶምሶሜ ዒዛ ላቢሴ፤ 20 ዬካፓ ዒዛ፡- «ሶምሶሜ! ፒሊሰጃኤሜ ዓሳ ሙኬኔ!» ጋዓዛ፣ ዒዚ ጊንዓሰካፓ ዔቃያ፡- «ቤርታኦሲ ጎይያ ማዳንዳኔ» ጌዒ ማሊኔ፤ ጋዓንቴ ጎዳ ዒዛይዳፓ ዲማዴሢ ዒዚ ዔሪባኦ። 21 ዬያር ፒሊሰጃኤሜ ዓሳ ዒዛ ፔ ኩጮ ጋራ ጌልዛያ ላምዖ ዓኦፖ ዒዛኮ ዋቂ ኬሲ፣ ጋኦዛ ካታም ዔኪ ዴንዲ፣ ካኒ ቢራታና ቴኬኔ፤ ዒኢካ ቴኬ ቤዛ ዋንሢ ዒዛ ዔያታ ዋዲሺሴ፤ 22 ዬካፓ ቶኦኮ ጋፓና ዒዛኮ ጊንሣ ኬሰኪሢ ዓርቄኔ።

**ሶምሶሜኮ ሃይቦ**

23 ዒማና ፒሊሰጃኤሜ ዓሳ ዋይሣ ዓሳ፡- «ኦኡኮ ሞርካሢ ማዒ ሶምሶሜ ኦ ጆኦዛሢ፣ ዳኦጎኔ ኦ ኩጮ ጋራ ጌልዜኔ» ጌዒ ዋዛዲ ዔያቶ ጆኦዛሢ ዳኦጎኔም ዴኤፒ ዒንጎ ባኦዚ ዒንጎጊ ቡኬኔ። 24 ዒዛ ዔያታ ዴንቃያ፡-

«ዓጮ ኦኡኮ ባይዜሢ  
ኦኡኮ ሚርጌ ዓሶ ዋዴ ሞርካሢ  
ኦ ጎዳ ኦም ዓኦሢ ዒንጌኔ»

ጌዒ ፔ ጆኦዛ ዔያታ ጋላቴኔ። 25 ዔያቶ ዬይ ሚርጌና ዋዛሳዛ፡- «ዓማሊ ኦና ዒ ሚኢጪሳንዳጉዲ ሶምሶሜ ኦኡም ዔኤሊ ዔኪ ዬዑዋቴ» ጌይ ዔኤሊሲ ዔኪ ዬዒም ዒዚ ዔያቶኮ ቤርታ ሚኢጪሳ ዓማሊ ዓማሌ፤ ዒማና ዔያታ ዒዛ ማኦርኮ ቱርቱር ላምዓሢ ባኦካ ዔቁሴኔ። 26 ዒማና ሶምሶሜ ዒዛ ጎቺ ሃንታ ናዓሢ

ኮይላ፡- «ማኣሮ ሬኤኪ ዓርቁ ቱርቱርንሢ ታና ዓይሤ፤ ይያቶ ታ ዓርቁ ዔቃንዳኔ» ጌዔኔ።<sup>27</sup> ዲማና ይያ ካኣኩ ማኣሮ ደዳ ሚርጌ ዓቲንቁና ላኣሊና፤ ይያጉዲ ሃሣ ፒሊሰጻኤሜ ዓሶ ወይሣ ዓሳኣ ዓኣኔ፤ ሃሣ ኩቦ ጋራ ዳዒ ሶምሶሜኮ ዓማሎ ዛጋ ሃይሣ ሺያ ዓቲንቁና ላኣሊና ዓኣኔ።

<sup>28</sup> ይካፓ ሶምሶሜ፡- «ቢያ ባኮ ማገፍ ጎዳሢዮ! ሃዳራ ታኣም ማሌ፤ ያኣሲዮ! ሃዳራ ቤርታኣ ወልቆ ታኣም ኔ ዒንጌም ፒሊሰጻኤሜ ዓሳ ዓኣፖ ታኣኮ ኬሴሢ ማሌ ፔቴና ታኣኒ ኮም ዔካንዳጉዲ ታና ማኣዳ!» ጌይ ሺኢቃዮ፤ <sup>29</sup> ማኣሮ ሬኤኪ ዓርቁ ዓኣ ላምዎ ሳዘ ቱርቱርንሢ ዓርቁኔ፤ ዲማና ዒዚ ሚዛቆ ኩጮና ፔቴዘ ሻውሎና ባጌሎ ዓርቁ ቱርቱር ባንሢ ደጫዮ፤ <sup>30</sup> «ፒሊሰጻኤሜ ዓሶ ታኣና ዋላ ዋዳ!» ጌይ ዒላቴኔ፤ ይያ ጌዔሰካፓ ፔኤኮ ዓኣ ወልቆማ ጋፒሲ ሂዓዛ ማኣራ ፒሊሰጻኤሜ ዓሶንታ ወይሣ ዓሶንታ ዑፃ ደዔኔ፤ ይያሮ ሶምሶሜ ሸምፔና ዓኣዮ ወዳ ዓሶይዳፓ ዒ ሃይቃኣና ወዳ ዓሳ ዑሣ ዓኣዳ ባሽ ማዔኔ።

<sup>31</sup> ይካፓ ዒዛኮ ጌርሲንሢና ሃንጎ ማኣሮ ዓሳኣ ቢያ ሙኪ ሌዘ ዒካዎ ያርዓና ዔሽታዎሊና ሳዛ ዓኣ ዒዛኮ ዓዳ ማኣሄ ዱኡቴ ቤዛ ዱኡኬኔ፤ ሶምሶሜ ላማታሚ ሌዔ ኩሙሢ ዒሰራዔኤሌ ዓሶኮ ሱኡጌ ማዒ ወይሤኔ።

# 17

## ሚካ ኮሺሴ ያኣዘ

<sup>1</sup> ሚካ ጌይንታ ፔቴ ዓሲሰኬይ ጌሜራ ሚርጌ ዓኣ ዔፕሬኤሜ ዓጫ ናንጋኔ፤ <sup>2</sup> ፔቴ ኬሊ ሚካ ዒንዶ ኮይላ፡- «ዓሲ ኔኤኮ ፔቴ ሺያና ፔቴ ጻኤታና ማዓ ዓንገሊ ቢራ ዉኡቁኔ ጌዒ ኔ ጋዳንቃንቱ ታ ወይዘኔ፤ ይይ ሚኣሻ ሃሢ ታ ኮይላ ዓኣኔ፤ ይያ ዔኬሢ ታናኬ» ጌዔኔ።

ዒንዳ ዒማና፡- «ታ ናዓሣ! ናንገሊ ናንጋ ጎዳ ኔና ዓንጀንጎ!» ጌዔኔ። <sup>3</sup> ናዓሢ ዒንዶም ሚኣሽ ዒንጋዛ፤ ዒዛ፡- «ጋዳማ ታናዎ ሄሉዋጉዲ ታኣኒ ይኖ ቢሮ ናንገሊ ናንጋ ጎዳም ዒንገሊ ዱማዳያ ማሃንዳኔ፤ ይይ ቢራ ሚሢ ዓርሲ ዑያ ቢራ ዓንገሊ ጳርቆና ካኣሽኮ ያኣዘ ኮሺያ ማዎንጎ፤ ይያሮ ቢሮ ታ ኔኤም ጊንሣ ዒንጋንዳኔ» ጌዔኔ።

<sup>4</sup> ናዓሢ ዒንዶም ሚኣሽ ዒንጌሢር ዒዛ ጊዳፓ ላምዎ ጻኤታ ዓንገሊ ቢራ ዔኪ ሚያ ዓርሲ ቢሮ ዓንጎና ዑያ ጳርቁ ካኣሽኮ ባኣዚ ኮሻ ዓሲም ዒንጋዛ፤ ይይ ዓሢ ካኣሽኮ ባኮ ኮሺም ይይ ሚካ ማኣራ ጌሢንቱኔ።

<sup>5</sup> ይያ ሚካ ጎዎ ዓሢኮ ዒዛሮ ማዔ ካኣሽ ቤሲ ዓኣኔ፤ ዒዚ ሚርጌ ካኣሽኮ ባኣዚንታ ዠዋቶ ቃንዎ ዓርሣ ሉኬያ ኮሺ ፔኤኮ ናኣቶይዳፓ



ፔቴያ ቁኤሴ ማሂ ዶኦሬኔ፤ 6 ዬኖ ዎዶና ዒሰራዔኤሌይዳ ካኦታ ባኣሴ፤ ፔቴ ፔቴ ዓሳ ፔኤም ኮሽኬ ጎይያ ናሽኬ ባኣዚ ማዳኔ።

7 ዪሁዳ ዓጫ፥ ቤኤቴሌሄሜ ካታማ ናንጋ ፔቴ ለዊ ዓሲሰኬይ ዓኣኔ፤ 8 ዬይ ዓሂ ናንጋንዳ ቤሲ ኮዒ ቤኤቴሌሄሜይዳፓ ዔቁ ጎይያ ዴንዲቤቃ ገሜራ ሚርገ ዓኣ ዔፕሬኤሜ ዓጮይዳ ዓኣ፥ ሚካ ማኣሪ ሙከኔ።

9 ሚካ ዒዛ ኮይላ፡- «ዓንካፓ ኔ ሙከይ?» ገዔኔ።

ዒዚ፡- «ታ ሙከህሂ ዪሁዳ ዓጮኮ ቤኤቴሌሄሜይዳፓከ፤ ታኣኒ ለዊ ዓሲከ፤ ታኣኒ ናንጎንዳ ቤሲ ኮዒ ሃንታኔ» ገዔኔ።

10 ሚካ ዒማና፡- «ሂዳቴ ታኣና ዎላ ናንገ፤ ታና ዘራያ ሃሃ ታኣኮ ቁኤሴ ማዔ፤ ለዔይዳ ታ ኔኤም ዪኤታና ታጾ ገራኣማ ማዓ ዓንገ ቢራንታ ማኣፖንታ ሙኡዚያ ዒንጋንዳኔ» ገዔኔ። 11 ዬካፓ ዬይ ዴገህሂ ሚካና ዎላ ናንጋኒ ዔኤዔኔ፤ ዒዚ ሚካኮ ቁኤሴ፥ ሃሃ ገንህሃ ናይጉዲያ ማዒ ናንገኔ፤ 12 ሚካ ዒዛ ቁኤሴ ማሂ ዶኦሬዛ ዒዚ ሚካ ማኣራ ዴዔኔ። 13 ሚካ ዒማና፡- «ዓካሪ ለዊ ዓሲ ማዔ ቁኤሴ ታ ዴንቁሂራ ናንገና ናንጋ ጎዳ ቢያ ባኣዚ ታኣም ገኢገሻንዳሂ ታ ዔራኔ» ገዔኔ።

# 18

## ሚካንታ ዳኣኔ ፃጾ ዓሰንታ ዛላ

1 ዬኖ ዎዶና ዒሰራዔኤሌ ዓጮይዳ ካኣቲ ባኣሴ፤ ዒማና ዒሰራዔኤሌ ዓሶ ባኣካ ዳኣኔ ፃጾ ማዔ ዓሳ ዔያቶር ማዓ ዓጪ ዴንቃኒ ኮይሂዳ ዓኣኔ። 2 ዬያር ዳኣኔ ዴራ ዔያቶ ፃጾ ማኣራፓ ዎልቁና ዓኣ ዶንጎ ዓሲ ዶኦሬኔ፤ ዬና ዓሳ ዴንዲ ዳኣኔ ዴራ ናንጋንዳ ዓጪ ሙሪ ዛገ ሙካንዳጉዲ ከኤዚ ያርዓና ዔሽታፖሌ ካታሞናይዳፓ ዳካዛ፥ ዔያታ ገሜራዳ ዔፕሬኤሜ ዓጮ ሄላፖ ሚካ ማኣራ ዎርቁኔ፤ 3 ዒኢካ ዔያታ ዓኣፖ፡- ለዊ ዓሲ ማዔ፥ ዴገህሂ ገሰታ ገኤዘና ዒ ዎካፓታቴያ ዔሬኔ፤ ዬካፓ ዒዛ ኮይላ ሙከኒ፡- «ሃይካ ኔ ፖኦና ዎላ ዬዔይ? ኔ ሃካ ዓይጎ ዎዳይ? ዓይጋ ኔ ዬዔይ?» ገዒ ፖኦጮኔ።

4 ዒዚ ማሃፖ፡- «ቁኤሴ ማዒ ታ ማዳዛ ሚካ ታኣም ሚኢሹ ጪጋኒ ገዔሂሮ ቁኤሴ ማዒ ታ ሃካ ናንጋኔ» ገዔኔ።

5 ዔያታ ዒዛ ኮይላ፡- «ኑ ሃንታ ሃንቲፃ ኮሺ ማዓንዳቴያ ሃዳራ ኑም ፖኦሲ ፖኦጮ» ገዔኔ።

6 ቁኤሳሂ፡- «ዴንዲዎቴ፤ ዒንሂ ዴንዳኣና ሜታ ዒንሂ ሄላዓከ፤ ናንገና ናንጋ ጎዳ ዒንሂ ካፓንዳኔ» ገይ ዔያቶም ከኤዜኔ።

17:6 17:6 ሱኡጎ. ማፃ 21:25።

7 ዩካፓ ደንጎ ሳሶንሢ ዔቂ ላዩሼ ጌይንታ ካታማ ሄሌኔ፤ ዒኢካ ናንጋ ዓሳ ዓዳ ሲደና ዓጮ ሳሶጉዲ ኮሺ ናንገ ናንጋሢ ዔያታ ዛጌኔ፤ ዬይ ዳራ ዓይጎ ዓጪናኣ ዎላ ፑርቱዎ ሺም ጌይ ናንጋያ፡ ኮሹዎ ናሽካ ዓሲኬ፤ ሃሣ ዔያቶም ኮይሳ ባኮይዳፓ ፔቲታፖ ፓጫ ባኣዚ ባኣሴ፤ ዬያሮ ዔያታ ሜሌ ዓሲና ዎላ ካኣሙዎ ሲደና ሳሶፓ ሃኪ ናንጋኔ። 8 ዬንሢ ሙሮ ዳኮና ደንጎ ሳሶንሢ ማዒ ያርዓና ዔሸታፖሌ ካታም ሙካዛ፤ ዔያቶ ዓሳ ዔያቶ ኮይላ፡- «ዒንሢ ዴንዴሢ ዛላ ዎዚዳይ?» ጌይ ጎኡጩኔ። 9 ዔያታ ማሃፖ፡- «ሳዔላ ሚርጌና ኮሺታሢ ኑ ዛጌሢ ሲሩዎቲ፤ ኑ ላዩሼ ካታም ጎሎም! ሃይካ ማዶ ባኣያ ጉሪ ዴይፖይዳፓ ዑኩና ዴንዲ ዒዞ ጎሊ ዓርቁዎቲ! 10 ዒኢካ ዒንሢ ዴንዳፖ ዒኢካ ናንጋ ዓሳ ፔቲታፖ ዓልታ ባኣዚ ባኣያ፡ ኮሹዎ ናሽካያታሢ ዒንሢ ዛጋንዳኔ፤ ዓጩላ ዳልገኬ፤ ዓሲም ኮይሳ ባኣዚ ቢያ ዒኢካ ዓኣኔ፤ ጎኡሲ ዬኖ ዓጩሎ ዒንሢም ዒንጌኔ» ጌዔኔ።

11 ዬያሮ ዳኣኔ ፃጰ ሳሶይዳፓ ጎልዚ ዓንጋም ዓርቁ ላሆ ጃኤታ ዓሲ ያርዓና ዔሸታፖሌናይዳፓ ዴንዳኒ ዔቂኔ፤ \* 12 ዔያታ ዬማና ዴንዲ ዪሁዳ ዓጩይዳ ዓኣ ቂርያትይዓሪሚኮ ዓባ ጌላ ዛላ ዲንኪ ዴዔኔ፤ ዬና ቤዛ ሃኖ ሄላንዳኣና ዳኣኔ ዲንኪ ዴዔ ቤዛ ጌይንታሢ ዬያሮኬ። 13 ዩካፓ ዔያታ ጌሚራዳ ዔፕሬኤሜ ዓጫ ናንጋ፡ ሚካ ማኣሪ ሙኬኔ። 14 ላዩሼ ኮይሎይዳ ዓኣ ዓጩ ሙሮም ዳኮና ደንጎ ሳሶንሢ ዬያቶ ጎሎሮ ሙኬ ዓሶ ኮይላ፡- «ሃይካ፡ ሃንሢ ማኣሮፓ ፔቲዞይዳ ቢራ ዓንገና ዑፖ ጰርቆናያ ሚሣ ኮሸና ጎኡዛ ዓኣሰካይ! ሃሣ ሜሌ ካኣሽኮ ባኣዚንታ ዠዎቶ ዠኣቆ ቃንፖ ዓርሃ ሉካኣ ዓኣኔ፤ ዓካሪ ኑ ዎዎዴቲ ኮሽካንዳይ?» ጌዔኔ። 15 ዩካፓ ዔያታ ለዊ ዓሲ ማዔ፤ ዴጌሢ ናንጋ፡ ሚካ ማኣሪ ጌላፖ ዬይ ለዊ ዓሣሢ ዎይቲ ናንጋቲያ ጎኡጩኔ፤ 16 ጎሎሮ ገኢገንቲ ዳኣኔ ፃጰፓ ሙኬ ላሆ ጃኤቶ ዓሳ ካታሚሎኮ ጌሎ ካራ ዔቂ ዓኣኔ። 17 ዒማና ቤርታ ሙሮ ዳኮና ደንጎ ሳሶንሢ ሚካ ማኣሪ ጌላፖ ዬያ ቢሮ ዓንጎና ዑፖ ጰርቁ፡ ሚሣ ኮሸና ጎኡዛንታ ሜሌ ካኣሽኮ ባኮንታ ዠዎቶ ቃንፖ ዓርሃ ሉኮዎ ዓይሱዎፖ ዔኬኔ፤ ዔያታ ዬያይዳኣና ቁኤሳሢ ጎሎሮ ገኢገ ሙኬ ላሆ ጃኤቶ ሳሶና ዎላ ጌሎ ካሮይዳ ዔቂኔ።

18 ዔያታ ሚካ ማኣሪ ጌሊ ካኣሽኮ ጎኡዛንታ ዠዎቶ ቃንፖ ሉኮዎ ዔካኣና ቁኤሳሢ «ዒንሢ ዬያ ዎዎዳይ?» ጌይ ዔያቶ ጎኡጩኔ። 19 ዔያታ ዒዛ ኮይላ፡- «ዚቲ ጌዔ! ዔኤቢ ኔ ጎዑዎጉዲ፤ ዬያይዳፓ ኑኡና ዎላ ዴንዲ ኑኡኮ ቁኤሴ፡ ሃሣ ዞራያ ማዔ፤ ፔቲ ዓሲ ማኣሪኮ

\* 18:11 18:11 ዬና ላሆ ጃኤቶ ዓሳ ፔኤኮ ማኣሮ ሳሶንታ ቆሎንታ ዔኪ ዴንዴያ ማዒፖ ፓይዲ 21ይዳ ኬኤዛኔ።

ቁኤሴ ኔ ማዓሰካፓ ዒሰራዔኤሌይዳ ፔቲ ፃጲኮ ቁኤሴ ኔ ማዔቲ ኮሺቱዋዓዳ?» ጌዔኔ። 20 ዬያ ዔያታ ጌዔህ ቁኤሳህ ሆዛሴህረ ጾኦዘንታ ዠዋቶ ቃንፆ ሉኮንታ ዔኪ ዔያቶና ዋላ ዴንዴ።

21 ዔያታ ፔኤኮ ናኦቶንታ ቆልሞንታ ዔያቶኮ ዓኣ ባኮዋ ቢያ ቤርታ ቢርዚ፣ ጊንህ ዋንዴ ዔያታ ዴንዳ ጎይፆ ማዒ ዴንዲፆ ዓርቁ። 22 ሚካ ማኣራፓ ዔያታ ሃኪ ዴንዴሰካፓ ሚካ ፔኤኮ ዓሺኖ ዔኤሌ ጊንፆ ዳውሲ ሙኪ ሃለፆ፡- 23 «ዔቁዋቲ!» ጌይ ዒላቴኔ፤ ዒማና ዔያታ ጊንህም ሺሪ ሚካ ኮይላ፡- «ዓይጌ ዋይቲይ? ሃይ ቢያ ኔ ቡኩሲ ዔኪ ሙኬ ዓሳ ዓይጎዳይ?» ጌዒ ጾኦጌ።

24 ሚካ ማሃፆ፡- «ዋይቲ ዒንህ ላይጌ ዋይቲይ?» ታና ጋዓይ? ታኣም ማዳ ቁኤሳህንታ ታኣኒ ኮሺ፣ ታኣኮ ጾኦዘንታ ቡሪ ዒንህ ዴንዴ፤ ዓይጎ ታኣም ዒንህ ኮሺ ዴንዴይ» ጌዔኔ።

25 ዳኣኔፓ ሙኬ ዓሳ፡- «ፔቲታፆ ዔኤቢ ጌይፖ፤ ሃያ ዓሶኮ ዳጋ ሲኢ ዳታህረ ኔናንታ ኔ ማኣሮ ዓሶንታ ኔኤኒ ኩርሲሳንዳኔ» ጌዔኔ። 26 ዬካፓ ጎይፆ ፔኤኮ ዔያታ ዴንዳዛ፣ ሚካ ዔያቶ ጾሌቲ ባሺንዳዋኣህ ዔራፆ ፔ ማኣሪ ማዒ ዴንዴ።

27 ዳኣኔፓ ሙኬ ዓሳ፡- ሚካ ኮሺ ጾኦዘንታ ዒዛም ማዳ ቁኤሳህንታ ዔኪ ሜታባኣያ ናንጋ ላዩሽ ዴር ኮይላ ሙካፆ ዬያ ዴር ጩንቾ ዓፓርና ዋዲ ኩርሲ ካታሞዋ ታሚና ሚቼ። 28 ላዩሽ ካታሞ ዴራ ዓይጎ ዓሲናኣ ካኣሙዋፆ ናንጋህረ፤ ሃህ ሲዶናፓ ሃኬ ናንጋህረ ዔያቶ ዓውሳንዳ ዓሲ ጴዲባኣሴ። ዒዛ ካታሜላ ቤትሪሃቤ ኮይላ ዓኣ ደኣጮይዳኬ፤ ዬካፓ ዳኣኔ ዓሳ ካታሜሎ ጊንህ ማዢ ዒኢካ ናንጌ። 29 ዬኖ ካታሜሎኮ ቤርታኣ ሱንፆ ዔያታ ላኣሚ ዔያቶኮ ቤርታኣ ዓዳህ፣ ያይቆኦቤ ናኣዚ ሱንፆና «ዳኣኔ» ጌይ ጌህኔ፤ 30 ዳኣኔ ዓሳ፡- ዔያታ ዔኪ ሙኬ ጾኦዘህ ካኣሽካኒ ዒኢካ ጌህኔ፤ ሙሴ ናኣዚ፣ ጌርሽኔ ናይ ማዔህ ዮናታኣኔ ዳኣኔ ፃፆ ዓሶኮ ቁኤሴ ማዒ ማዲህ ዓርቁ። ዴራ ጾሎና ዲዒንቲ ዔውቲ ዋዶ ሃላንዳኣና ዒዛ ዜርፆ ዬያ ማዶ ማዲ ማዲ ዴዔ። 31 ያዲ ማዔህረ ሚካ ካኣሽካ ጾኦዛ ዓፒሎና ማዢንቲ፣ ጾኦሲ ዴርና ካኣማ ማኣራ ሴኤሎይዳ ዓኣ ዋዶና ቢያ ካኣሽኪንቲ ካኣሽኪንቲ ናንጌ።

# 19

## ፔቲ ሌዋ ዓሲሰኬያና ዒዛኮ ጊንፃኣ ማቾሰኬኖና

1 ዒሰራዔኤሌይዳ ካኣታ ካኣታዲባኣንቲ ጌሜራዳ ዔፕሪኤሜ ዓጫ ናንጋ ፔቲ ሌዋ ዓሲሰኬይ ዓኣኔ፤ ዬይ ዓህ ዪሁዳ ዓጮ ጋራ ዓኣ ቤኤቴሌሃሜይዳፓ ፔቲ ላኣሊ ጊንፃኣ ማቾ ማህ ዔኬኔ፤

2 ጋባንቴ ዬና ላኣሌላ ዓሲና ዒኢቲ ዒዛና ፑርታፖ ቤኤቴሌሄሚይዳ ዓኣ ዒዛኮ ዓዶ ማኣሪ ቤቲ ዳንዲ ዒኢካ ሃይዶ ዓገኒ ዳዔኔ።  
 3 ዩካፓ ዳካ ጋባፖ ዩይ ዓሢ ዩኖ ናዔሎ ዳንዲ ቃይሺ ዔካኒ ማሌኔ፤ ዩያሮ ዒዚ ዒዛኮ ዓይሌ ማዒ ማዳሰኬያና ላምፖ ሃሪና ዔኪ ዒኢካ ሄላዛ። ናዔላ ዔያቶ ጎይሣ ዔኪ ጋሮ ጌልዜም ናዔሎኮ ዓዴ ዓሢ ዳንቃፖ ዎዛና ዔኤሌኔ። 4 ዒዚ ዒኢካ ዳባንዳጉዲ ዓዳሢ ኮዔሢሮ ዩይ ዓሢ ሃይሣ ኬሊ ዳዔኔ፤ ዒኢካ ዔያታ ሙይ ሙይ፣ ሃሣ ዑብከ ዑብከ ዳዔኔ። 5 ሃይዳሳ ኬሎ ጉቲ ዓሚ ዔቂ ዳንዲኒ ዔያታ ገኢጋዛ፣ ናዔሎኮ ዓዳሢ ባይሲ ኮይላ፡- «ኔና ላቢሱዎጉዲ ዳካ ዔኤቢ ሙይ ዳንዴ» ጌዔኔ።

6 ዩያሮ ላምዓሢ ዳዒ ሙፖ ሙዔኔ፤ ዒማና ናዔሎኮ ዓዴ ሌዊ ዓሢ ኮይላ፡- «ሃኖ ሃይካ ዓማሊ ዎርቂ ዓኣዴቲራ» ጌዔኔ።

7 ሌዊ ዓሢ ጋባንቴ ዳንዲኒ ዔቃዛ፣ ናዔሎኮ ዓዴ፡- «ዎርቂቲራ» ጌይ ባሽም ዩኖ ዎንቶ ዔያታ ዒኢካ ዎርቂኔ፤ 8 ደንጋሳ ኬሎና ጉቲ ዓሚ ዔቂ ዓኣዲኒ ዔያታ ሃሣ ዔቂኔ፤ ናዔሎኮ ዓዴ፡- «ካሶና ዳንዲፖ፤ ዳካ ጌይ ዳንዴ» ጌዔሢሮ ላምዓሢ ዎላ ዳይ ሙፖ ሙዔኔ።

9 ዩካፓ ሌዊ ዓሢንታ ማቼሎንታ ዒዛም ማዳ ዓይላሢንታ ዳንዲኒ ዔቃዛ፣ ሃሣ ናዔሎኮ ዓዴ፡- «ዎይዙዎቲ! ሳዓ ዓሚኔ፤ ዒባኒያ ዒንሢ ሃይካ ዎርቂቲ ቃራኬ፤ ማይ ሃሢ ዓሚ ሃሽኔ፤ ዒባኒ ዓማሊ ሃይካ ዎርቂዎቲ፤ ዚሮ ጉቲ ዓማኣ ዔቂ ዒንሢ ማኣሪ ዳንዲዎቲ» ጌዔኔ።

10 ሌዊ ዓሢ ጋባንቴ ዩኖ ዓቦ ዒኢካ ዎርቃኒ ኮይባኣሢሮ ዒዛንታ ማቸንታ ዒዛኮ ዓይላሢንታ ዳንዲኒ ዔቂኔ፤ ኮኦራ ኮኦሪንቲ ዓኣ ላምፖ ሃሪ ዔያቶኮ ዓኣኔ፤ ዒማና ዔያታ ሳዓ ዓማዛ ዒያቡሳ ጌይንታ ዩሩሳላሚ ካታዎ ኮይሎ ሄሌኔ፤ 11 ዒያቡሳ ዔያታ ሄላዛ፣ ሳዓ ዓሚሢሮ ዒዛኮ ዓይላሢ፡- «ሃኒ ዩዔቲራ ማዒ ኑ ሃይካ ዒያቡሳ ዓሳ ካታማ ዎርቆም» ጌዔኔ።

12-13 ዒዛኮ ዓዳሢ ጋባንቴ፡- «ዒሰራዔኤሌ ዓሲ ናንጉዎ ካታማይዳ ኑ ዎርቃዓኬ፤ ሃይካፓ ኑ ዳንዲ ራኣማይዳ ሃንጎ ገቢዓይዳ ዎርቃንዳኔ» ጌዔኔ። 14 ዩያሮ ዔያታ ዩሩሳላሚ ገዴና ዳንዳፖ ቢኢኒያሚ ዓጮ ጋራ ዓኣ ገቢዓ ሄላዛ ዓባ ጌሌኔ፤ 15 ዩካፓ ዔያታ ዎርቆንዶ ቤሲ ኮዒ ጎይፓፓ ካታዎ ጌሊ ዓሳ ቡካ ጰኦኮኮ ኮይላ ዳዔኔ፤ ጋባንቴ ዔያቶ ፔ ማኣሪ ዔኪ ዳንዲ ዎይሣንዳ ዓሲ ዔያታ ዳንቂባኣኒ።

16 ዒኢካ ዔያታ ዳዒ ዓኣንቴ ጎሺ ሶኦፒ ፔኤቂ ፔ ማኣሪ ዳንዳ፣ ፔቲ ጋርቹሰኬይ ሙኬኔ፤ ቤርታ ዩይ ዓሢ ጌሚራዳ ዔፕሬኤሚ ዓጫፓ ሙኪ ገቢዓይዳ ናንጋያኬ፤ ጋባንቴ ዩኖ ዓጮይዳ ናንጋ

ዴራ ቢኢኒያሚ ፃጸኩ። 17 ዬይ ጋርቻሢ፡- ጸኦኮይዳ ዴራ ዓኣ ዓሢ ዴንቃዎ፡- «ኔ ዋኦፓ ሙካይ? ዋኒ ኔ ዴንዳይ?» ጌይ ያኦጩኔ።

18 ሌዊ ዓሣሢ ማሃዎ፡- «ዪሁዳ ዓጮ ጋር ዓኣ ቤኤቴሌሃሚይዳ ኑ ዓኣያኮ፤ ሃሢ ኑኡኒ ናንጊና ናንጋ ጎዳ ማኣሪ፣ ዬያጉዲ ጌሚራዳ ዔፕሬኤሚ ዓጮይዳ ዓኣ ኑ ማኣሪ ኑ ሃላኒ ዴንዳይ፤ ኑኡኮ ማኣራ ሃኬኮ፤ ሃሢ ፔ ማኣሪ ዔኪ ዓኣዲ ኑና ዋይሣንዳ ዓሲ ባይቄ፤

19 ሜሌ ባኣዚ ዛላታቴ ኑኡኮ ሃሮኮ ያሃ ዓኣኔ፤ ሃሣ ታ ማቾንታ ታናንታ ታ ዓይላሢንታኮ ካሣንታ ዋይኔ ዑሺያ ዓኣኔ፤ ኑሞ ኮይሳ ባኣዚ ቢያ ኑ ዓርቄ፤ ኑሞ ሃሢ ባይቄ ባኣዚ ባኣሴ» ጌዔ።

20 ጋርቻሢ ዲማና፡- «ሃኒ ዬዲ ታ ማኣራ ዋርቁዋቴ! ኮይሳ ባኣዚ ቢያ ታ ዲንሢሞ ጊኢጊሻንዳ፤ ሃይካ ዙላ ዋርቁፖቴ» ጌዔ።

21 ዬካፓ ዲዚ ዔያቶ ፔ ማኣሪ ዔኪ ዴንዳ፡ ሃሮሞ ያሃ ዲንጌ፤ ዲማና ዔያታ ቶኮ ፔኤኮ ማሰቴ፡ ሙዎ ባኣዚ ሙዲ፡ ዑሽኮ ባኣዚያ ዑሽኮ።

22 ዬያ ሙዎ ዋዛና ዔያታ ሙዓ ጎይሣ ዓኣንቴ ካታሞይዳፓ ካታሞይዳፓ ፑርታ ማዶ ማዶ ዓሲ ሙኪ ማኣሮ ማንጋዎ ካሮ ዓኪ ዓኪ ዬያ ጋርቻሢ ኮይላ፡- «ዬያ ኔ ማኣሪ ጌሌ ዓሢና ዋላ ኑ ላሃኒ ኮሳሢሮ ኑሞ ኬሴ!» ጌዔ።

23 ጋርቻሢ ዲማና ዙሎ ኬሰካዎ፡- «ዔይዔ ታ ዲሸንሃ! ሃዴራ ዬያጉዴ ፑርታ ማዶ ማዶፖቴ! ሃይ ዓሢ ታ ሸኦቹኮ፤ 24 ታኣኒ ዓሢኮ ማቹሎና ታኣኮ ኩሙሢ ዉዴሮ ናይሰኬኖና ኬሲ ዲንሢሞ ዲንጋንዳ፤ ዲንሢ ኮዔ ባኣዚ ማዶዋቴ፤ ሃያ ዓሢ ጋዓንቴ ዬያጉዴ ባኣዚ ማዶፖቴ!» ጌዔ። 25 ዓሳ ጋዓንቴ ዲዛሞ ዋይዞ ዲፃዛ ሌዊ ዓሢ ፔኤኮ ላኣሌሎ ኬሲ ዔያቶም ዲንጌ፤ ዬኖ ዋንቴሎ ዔያታ ዋሊ ዓኣሢ ዓኣሢ ዲዞና ላሃ ዓማሌ ጎይሣ ዋርቄ፤ ዬካፓ ሳዎኮ ዲጊጫ ዞቃኣና ዴንዳንዳጉዲ ዲዞ ዔያታ ሃሺ።

26 ዬካፓ ሳዎኮ ዲጊጫ ዞቄ ዓኣንቴ ላኣሌላ ሙኪ ዓኒ ዋርቄ፡ ጋርቻሢ ማኣሮኮ ካራኣ ሎኦሚ፤ ዓባ ዎርቃንዳያ ሃላንዳኣና ዲዛ ዲኣካ ሎኦሚ ላሃ። 27 ዘሮ ጉቴ ዓኒ ዴንደሮ ካሮ ቡላንቴ ማቻ ፔኤኮ ኩጮ ካሮ ባንሢ ማሃ ካሮ ዴማ ሎኦሚ ዓኣንቴ ዴንቃዎ፡-

28 «ዔቄ፤ ኑ ዴንደሞ!» ጋዓዛ፡ ዲዛ ዔኤቢ ጌይባኣሴ፤ ዬካፓ ዲዚ ሌዞ ዲዞኮ ሃሮና ጫኣኒ ዔኪ ፔ ማኣሪ ዴንዳይ፤ 29 ዲኣካ ዲ ሃላዎ ጋር ጌሊ ዓፓሮ ዔኬሰካፓ ማቾኮ ሌዞ ታጾ ላምዎ ቤሲ ቴቄ፡ ዲሰራዔኤሌ ዓጮ ቢያሢዳ ዓኣ ታጾ ላምዎ ፃጾም ቴቄዎ ቴቄዎ ዳኬ፤ 30 ዬያ ዛጌ ዓሳ ቢያ፡- «ሃያጉዴ ባኣዚ ፔቴታዎ ኑ

ዋይዚ ቤቀባኣሴ! ዲሰራዔኤሌ ዓሳ ገብፂፓ ኬስኬስካፓ ሃይማ ሃላንዳኣና ዩያፑዴ ባኣዚ ማዲንቲ ቤቀባኣሴ፤ ዩያሮ ፔቲ ባኣዚ ኑ ማዲንዳያ ኮይሳኔ፤ ኑ ዋዴቲ ኮሽካንዳይ?» ጌይ ዋላ ዘርቴኔ።

## 20

### ዲሰራዔኤሌ ዴራ ሶሎሮ ገኢገንቴህ

1 ኬዶ ዛላፓ ዴንዲ ዶኦሎ ዛሎ ዓሶ ሃላንዳኣና ጌይ፡- ዳኣኔፓ ዴንዲ ቤርሳቤ ሃላ፤ ዩያፑዲ ዓባ ኬስካ ዛላ፤ ጌላዓይይዳ ዓኣ ዲሰራዔኤሌ ዴራ ጉቤ ሶልዚሮ ገኢገንቴኔ፤ ዩያሮ ፔቲይዳ ናንገና ናንጋ ጎዳ ቤርታ ሚዲጳይዳ ቡኬኔ፤ 2 ዩያ ቡኬ ሶኦሲ ዓሶ ባኣካ ዲሰራዔኤሌ ዓሶኮ ሱኡጎንታ ሶይዶ ጃኤታ ሺያ ሶልዚ ዓንጋሞ ዔኪ ዓኣ ሶልዚ ዓሲያ ዓኣኔ። 3 ዲሰራዔኤሌ ዴራ ጉቤ ሚዲጳይዳ ቡኪንቴህ ዲማና ቢኢኒያሚ ፃጳ ዋይዚኔ።

ዲሰራዔኤሌ ዓሳ ዋላ ኮይላ፡- «ዬይ ፑርቶ ባካ ማዲንቴህ ዋይቲዳይ?» ጌዔኔ። 4 ዩያሮ ዬይ ጊንፆ ማቻ ሃይቄ፥ ለዋ ዓህ ኬኤዛ፡- «ታናንታ ታኣኮ ጊንፃኣ ማቸንታ ሳዓ ዲማዛ ዋርቃኒ ቢኢኒያሚ ዓጮ ዓኣ ገቢዓ ኑ ዴንዴኔ፤ 5 ዲዛ ዋንቴሎ ገቢዓ ዓሳ ታና ዋዲኒ ኑ ጌሌ ማኣሮ ሙኪ ማንጌኔ፤ ዩካፓ ዔያታ ታኣኮ ላኣሌሎ ዔኪ ዴንዲ ዋላ ዓኣህ ዓኣህ ላህህሮ ዲዛ ሃይቄኔ፤ 6 ዩያሮ ታኣኒ ታ ማቸኮ ሌዛ ዔኪ ቲቃኣ ቲቃ ጋዓፆ ዩና ዓሳ ዩያፑዴ ፑርቶ ማዶ ማዴህሮ ታኣኒ ቲቄ ቲቄፓቄህ ዲሰራዔኤሌ ዓጮ ቢያህሞ ዳኬኔ። 7 ዓንህ ሃህ ሃይካ ዓኣ ዲሰራዔኤሌ ዓሳ ቢያ ዩያ ዛሎ ጌስቲ ዩኖ ዓሶሞ ኮይሳ ዋጌ ዋጉዋቴ» ጌዔኔ።

8 ዲማና ዴራ ፔቲሞና፡- «ኦጊዳፓ ዓይጎ ዓሲያ ማፆሞ ዓፒሎና ማኸና ማርካ ናንጋያታቴያ ፔ ኬኤህዳ ናንጋያታቴያ ፔ ማኣሪ ማዒ ዴንዶፓ፤ 9 ኑ ዋይታንዳይ ጌዔቲ ዲፃ ዓገ ገቢዓ ሶላንዳ ዓሲ ኑ ዶኦሪ ኬሳንዳኔ፤ 10 ዲሰራዔኤሌ ዓሶ ሶርሲሳ ማዶ ማዴ፥ ቢኢኒያሚ ዓጮይዳ ዓኣ ገቢዓ ዴሮ ሶላ ኮሚ ማሃኒ ዴንዳዓ ፖኦሊሶሞ ጋላ ዔኪ ዔኪ ዴንዳንዳፑዲ ዲሰራዔኤሌ ዓሶ ፃጳ ማኣራፓ ጃኤታ ዓሲፓ ታጳ ዓሲ፤ ሺያ ዓሲዳፓ ጃኤታ ዓሲ፤ ታጳ ሺያ ዓሲፓ ፔቲ ሺያ ዓሲ ኑ ኬሳንዳኔ» ጌዔኔ። 11 ዩያሮ ዲሰራዔኤሌ ዓሳ ካታሚሎ ሶላኒ ፔቲይዳ ቡኪንቴኔ።

12-13 ሃህ ዲሰራዔኤሌ ዴራ ቢኢኒያሚ ዓጮ ጉቤ ሃንቲ ሃንቲ፡- «ዓንህ ማዶ ፑርቶ ማዶ ዓይጎ ማዶዳይ? ዩኖ ዓሶ ኑ ዋዲ ዩያ ፑርቶ ማዶ ዲሰራዔኤሌ ዓሶ ባኣካፓ ባይዛንዳፑዲ ገቢዓይዳ ዓኣ፥ ፑርቶ ማዶ ዓሶ ኑሞ ኬሲ ዲንጉዋቴ» ጌይ ኬኤዛንዳፑዲ ኪኢታ ዓሲ ዳኬኔ። ጋዓንቴ ቢኢኒያሚ ዓሳ ሃንጎ ዲሰራዔኤሌ ዓሳ

ጌዔ ባኮ ዔኤቢኬ ጎዖ ዒዲ፥ 14 ዒሰራዔኤሌ ዓሶ ዖዖላኒ ፔኤኮ ካታማፓ ካታማፓ ኬሰኪ ጊቢዓ ሙኩኔ፤ 15 ዩዩ ኬሎ ቢኢኒያሚ ዓሶ ፔ ካታማፓ ካታማፓ ላማታሚ ላሆ ሺያ ዖልዚ ዓንጋሞ ዔኬ ዓሲ ቡኩሴኔ፤ ዩይያ፡- ጊቢዓይዳ ናንጋ፥ ዖሎና ዔርቴ ላንካዎ ጃኤቶ ዓሶ ቃሱዎንቴኬ። 16 ዔያቶ ባኣካ ዎራ ዎራ ዎዶና ጋፓኔ ደቡዎዖ ዓይዳያ፥ ኩጫ ሻውላ ማዔያ ላንካይ ጃኤታ ዶኦሪንቴ ዓሲ ዓኣኔ፤ 17 ቢኢኒያሚ ፃጶ ዓሶ ቃሱዎዖ ሚርጉማ ዖይዶ ጃኤታ ሺያ ማዔ፥ ዓንጋሞ ዓኣ ዓሲ ዖሎሮ ዒሰራዔኤሌ ዓሶ ኬሴኔ።

**ቢኢኒያሚ ዓሶ ዖሎና ዖልዚ**

18 ዒሰራዔኤሌ ዓሶ ቤኤቴኤሌ ዴንዲ፡- «ቢኢኒያሚ ዓሶ ቤርታዲ ኬሰኪ ዖላንዲያ ኮይሳሢ ዖ ፃጶዲይ?» ጌይ ዖኦሲ ዖኦጮኔ።

ናንገና ናንጋ ጎዳ፡- «ዪሁዳ ፃጶ ቤርታዲ ኬሰኪ ዖሎንጎ» ጌይ ኬኤዜኔ።

19 ዩዖር ዚሮ ጉቴ ዓማ ዒሰራዔኤሌ ዓሶ ዴንዲ ጊቢዓ ካታሞ ኮይላ ዴንኪ ዴዔኔ። 20 ዩካፓ ቢኢኒያሚኮ ዖሎ ዓሶና ዎላ ዖልታኒ ዴንዴኔ፤ ዔያቶኮ ዖሎ ዓሶ ዔያታ ጊቢዓ ካታሞኮ ሆታ ሙኡሲ ዔቂሴኔ፤ 21 ቢኢኒያሚኮ ዖሎ ዓሶ ካታማፓ ኬሰኪ ሳዓ ዓማንዲሢኮ ቤርታ ላማታሚ ላምዖ ሺያ ማዓ ዖልዚ ዓሲ ዒሰራዔኤሌ ዓሶፓ ዎዳኔ፤ 22 ዩካፓ ዒሰራዔኤሌ ዓሶ ዎሊ ዶዲሺ ቤርታ ዔያታ ዖላኒ ኬሰኬ ቤዞ ጊንሣ ኬሰኪ ዔቂኔ፤ 23 ዒማና ዒሰራዔኤሌ ዓሶ ዴንዲ ናንገና ናንጋ ጎዳ ቤርታ ሳዓ ዒባናንዲያ ሄላንዳኣና ዩኤኪ ናንገና ናንጋ ጎዳ ኮይላ፡- «ኑ ፃጶ ማዔ፥ ቢኢኒያሚ ዓሶ ላሚ ኬሰኪ ዖሎንዶ?» ጌይ ዖኦጮኔ።

ናንገና ናንጋ ጎዳ ዔያቶሞ፡- «ሂዮ፤ ዔያቶ ዖሎዎቴ» ጌይ ኬኤዜኔ። 24 ዩዖር ላምዓሳ ኬሎና ሃሣ ቢኢኒያሚ ዓሶኮ ዖላ ዓሶና ዎላ ዖልቴኔ፤ 25 ቢኢኒያሚ ዓሶ ሃሣ ላምዓሳ ኬሎናኣ ጊቢዓይዳፓ ኬሰኪ፥ ታጶ ሳሊ ሺያ ማዓ ዔርቴ ዖልዚ ዓሲ ዒሰራዔኤሌ ዓሶፓ ዎዳኔ፤ 26 ዩካፓ ሃሣ ዒሰራዔኤሌ ዴራ ቢያ ቤኤቴኤሌ ዴንዲ ዩኤኬኔ፤ ዒኢካ ፔቴታዖ ሙኡዚ ሙዑዎዖ ሳዓ ዓማንዲያ ሄላንዳኣና ናንገና ናንጋ ጎዳ ቤርታ ዔያታ ፔኤቂኔ፤ ሚቶ ዒንጎ ዒንገሢንታ ፔቴሞና ዒንጎ ዒንገሢያ ናንገና ናንጋ ጎዳሞ ዔያታ ሺኢሺኔ፤ 27 ዒማና ዖኦሲኮ ጫኣቁሞ ሳኣፃና ቤኤቴኤሌይዳታሢሮ ዒሰራዔኤሌ ዓሶ ናንገና ናንጋ ጎዳ ኮይላ ዩዖ ዛሎ ዖኦጮኔ። 28 ዓኣሮኔ ናኣዚ ናይ ማዔሢ፥ ዓላዜሬ ናኣዚ፥ ፒንሃሴ ቁኤሴ ማዒ ናንገና ናንጋ ጎዳ ቤርታ ማዳሢሮ ናንገና ናንጋ ጎዳ ኮይላ፡- «ኑ ፃጶ፥ ቢኢኒያሚ ዓሶ ዖላኒ ላሚ ኬሰኮንዶሞ ሃሻንዶይ?» ጌይ ዖኦጮኔ።

ናንገና ናንጋ ጎዳ ዒዛም ማሃዎ፡- «ታኣኒ ዚሮ ዒንሢ ዔያቶ ባሺሲሳንዳኔ፤ ዬያሮ ዴንዲ ዔያቶ የሉዋቲ!» ጌዔ።

29 ዔያታ ዒማና የልዚ ዓሲ ዳካ ገቢዓ ካታሞ ዙሎይዳ ካቲሲ ዴይሢ፤ 30 ሃሣ ዔያታ ቤርታ ማዳ ጎይዎ ሃይሣሳ ኬሎናኣ ቢኢኒያሜ ዓሶ የላኒ ኬሰካዎ፡ ዔያቶኮ ፖኦሊሶ ገቢዓ ካታሞኮ ሆታ ዔቁሴ። 31 ዬካፓ ቢኢኒያሜኮ የሎ ዓሳ የላኒ ኬሰካዛ ዔያታ ገንሢም ገንሢም ጌይ ካታማፓ ሃኪ ዴንዴ፤ ዬያ ዔያታ ዴንዳ ዚገሮ ጎይዎይዳ ቢኢኒያሜ ዓሳ ዔያቶ ዎዲሢ ዓርቄ፤ ዬያይዲ ቤኤቴኤሌና ገቢዓ ካታሞና ባንሢ ዔኪ ዓኣዳ ጎይዎንታ ቦኦንታይዳ ሃይሢታሚ ዓሲ ዒሰራዔኤሌ ዓሶፓ ዔያታ ዎዴ። 32 ቢኢኒያሜ ዓሳ ዒማና፡- «ቤርታኣሲጉዲ ኑ ዔያቶ ኩርሴያዎይ!» ጌይ ማሌ፤

ጋዓንቴ ዒሰራዔኤሌ ዓሳ፡- «ኑ ገንሢም ዴንዲ ዴንዲ ካታማፓ ጎይዎ ዳልጎ ዔያቶ ኬሶም» ጌይ ማላ። 33 ዬያይዲ ዒሰራዔኤሌ ዓሶኮ የሎ ዓሶ ዲባ ቤዓልታማሬ ጌይንታ ቤዘ ባንሢ ገንሢም ዴንዳዛ፤ ገቢዓ ቦኦሎይዳ ካቲ ዴዒ ዓኣ ዒሰራዔኤሌ ዓሳ ዔያታ ዔፋዎንቴ ኬሰኬ። 34 ዒማና ሃሣ ዒሰራዔኤሌ ዓሶኮ ዲማ ጎይሢና ድኦሪ ገኢጊሾና ታጵ ሺያ የልዚ ዓሲ ገቢዓ ካታሞ የለ፤ የላ ዎልቄ የልዚ ማዔ፤ ዬይ ቢያ ያዲ ማዓኣና ቢኢኒያሜ ዓሳ ዔያታ ባይሲንታይዳ ጌሊ ዓኣሢ ሃገ ዔሪባኣሴ። 35 ዬያይዲ ናንገና ናንጋ ጎዳ ዒሰራዔኤሌ ዓሳ ቢኢኒያሜ ዓሶ ባሻንዳጉዲ ማሄ፤ ዬሮ ኬሎ ዒሰራዔኤሌ ዓሳ ቢኢኒያሜ ዓሶፓ ላማታሚ ደንጎ ሺያና ፔቴ ዌኤታና ማዓ የልዚ ዓንጋሞና ዓኣ ዓሲ ዎዴ። 36 ዬያሮ ቢኢኒያሜ ዓሳ የሎና ባሺንቴሢ ዔሬ።

ዬይ ያዲ ማዔሢ ዒሰራዔኤሌ ዓሳ ገቢዓ ካታሞ ኮይላ ካቲሲ ዴይሢ የሎ ዓሶ ጉሙርቄ ገንሢም ገንሢም ዴንዳሢ። 37 ዒማና ካቲ ዴዒ ዓኣ የሎ ዓሳ ኬሰኪ ካታሞይዳ ዓኣ ዓሶ ጉቤ ጩንቾ ሳፓሮና ዎዴ። 38 ዬና ካቲ ዴዒ ዓሳ ካታሞይዳ ጩቤ ሻኣሬጉዲ ዔቁሲ ዳዋንዳጉዲ ዒሰራዔኤሌ ዓሶኮ የሎ ዓሶ ዲቦንታ ካቲ ዴዒ ዓሶንታ ዎላ ጌሰቴ ቤርታ ሃሺያኬ። 39 ዔያታ ዎላ ጌሰቴሢ ዒሰራዔኤሌ ዓሳ ገንሢም ገንሢም ዴንዳንዳጉዲኬ፤ ዒማና ቢኢኒያሜ ዓሳ ዔያቶ የሎ ዓርቃዎ ሃይሢታሚ ዓሲ ዎዴሢ፡- «ኑ ዔያቶ ቤርታኣሲጉዲ ጋጉሴ።» ጌዒ ሄርሺንቴ ማርቄ። 40 ዬካፓ ዒሰራዔኤሌ ዓሳ ዎላ ጌሰቴ ማላቴላ ጴዴ፤ ዎዎይቴይ ጌዔቴ ጩቤ ሻኣሬጉዲ ካታማፓ ዔቄ፤ ቢኢኒያሜ ዓሳ ገንሢም ሺሪ ዛጋዎ ካታሞ ቢያ ታሚ ዓርቄም ታሚ ሎሰታ ኬሰካሢያኣ ዴንቄ። 41 ዒሰራዔኤሌ ዓሳ ገንሢ ሃንጋ ማዒ ዔያቶ የልዚ ዓርቄሢሮ ዔያታ



ኩዳሚ ዔራሶ ዒጊጩ ዋኦቶንዶ ጎይሢ ባይዜኔ፤ 42 ዬያሮ ዔያታ ዒሰራዔኤሌ ዓሶ ቤርታፓ ገንሢሞ ማዒ ዓሲ ናንጉዋ ደውሎ ባንሢ ጳሽኬኔ፤ ጋዓንቴ ዔያታ ቶላኒ ዳንዳዒባኣሴ፤ ዒሰራዔኤሌ ዓሶኮ ዲቦ ሶሎ ዓሶና ካታማፓ ሃንጋ ኬሰካ ሶሎ ዓሶና ባኣኮ ዔያታ ጌሌሢሮ ኩኩዳኔ። 43 ዒሰራዔኤሌ ዓሶ ቢኢኒያሜ ዓሶ ማንጊ ገቢዓኮ ዓባ ኬሰካ ዛላ ዓኣ ቤዞ ሄላንዳኣና ደውሲ ዴንዲ ዋዲ ኩርሴኔ። 44 ዒማና ቢኢኒያሜ ዓሶፓ ታጳ ሳሊ ሺያ ሶልዚና ዔርቴ ዓሲ ሃይቄኔ፤ 45 ሃሃ ዓቴ ዓሳ ገንሢሞ ማዒ ዓሲ ናንጉዋ ደውሎ፣ ሪሞኔ ላሎ ባንሢ ጳሽኪ ዴንዳንቴ ዘገሮ ጎይይይዳ ደንጎ ሺያ ዓሲ ዋዲንቴ፤ ዒሰራዔኤሌ ዓሶ ገዲያሜ ሄላንዳኣና ደውሲ ዴንዲ ላሞፖ ሺያ ዓሲ ዋዴኔ። 46 ዬኖ ኬሎ ቢኢኒያሜ ዓሶፓ ሃይቄዓሳ ዋሊ 0-9 ላማታሚ ደንጎ ሺያ ማዓዛ ዬያታ ሶልዚና ኮሺ ዔርቴ ዓሲኬ። 47 ጋዓንቴ ዓሲ ናንጉዋ ደውሎ፤ ሃሃ ሪሞኔ ላሎ ጌይንታ ቤዞ ጳሽኪ ዴንዲ ዓኣሺንቲ ላሆ ጄኤታ ዓሲ ሌሊ ዓቴኔ፤ ዔያታ ዒኢካ ሶይዶ ዓገኒ ዴዔኔ። 48 ሃሃ ዒሰራዔኤሌ ዓሳ ገንሢሞ ማዒ ሙኪ ዓቴ ቢኢኒያሜ ዓሶ ሶሊ ዓቲንቆንታ ላኣሎንታ ናኣቶንታ ቆልሞዋ ዓይሱዋፖ ዴንቄ ባኮ ጉቤ ዋዴኔ፤ ዬኖ ካታሞኮ ኮይላ ኮይላ ዓኣ ካታሞዋ ቢያ ታሚና ሚቹኔ።

# 21

## ቢኢኒያሜ ፃጳ ዔካንዳጉዲ ጌይንቴ ላኣሎ

1 ዒሰራዔኤሌ ዓሳ ቤርታ ሚፃጳይዳ ቡካዎ፡- «ዓይጎ ዓሲያ ኑ ባኣካፓ ፔኤኮ ዉዲሮ ናይ ቢኢኒያሜ ዓሶሞ ዒንጋንዳያ ኮይሱዋሴ» ጌዒ ጫኣቄኔ። 2-3 ዬያሮ ዒሰራዔኤሌ ዴራ ቤኤቴኤሌ ዴንዲ ዓባ ጌላንዳያ ሄላንዳኣና ሶኦሲ ቤርታ ፔኤቄኔ፤ ዒማና ዔያታ፡- «ናንጊና ናንጋ ጎዳ ማዔ ዒሰራዔኤሌ ሶኣዛሢዮ! ሃይ ባካ ዒሰራዔኤሌ ዓሶ ዓይጋ ሄሌይ? ቢኢኒያሜ ፃጳ ዒሰራዔኤሌ ዓሶ ባኣካፓ ባይቃሢ ዓይጎሮዳይ!» ጌዒ ጌዒ ዒላቴ ዬኤኬኔ። 4 ዚሬሎ ጉቴ ዓማ ዴራ ዒኢካ ናንጊና ናንጋ ጎዳሞ ሚቹ ዒንጎ ቤሲ ኮሺ፣ ሚቹ ዒንጎ ዒንገሢንታ ፔቴሞና ዒንጎ ዒንገያዋ ዒንጌኔ። 5 ዒማና ዒሰራዔኤሌ ዓሳ ዋሊ ኮይላ፡- «ሚፃጳይዳ ናንጊና ናንጋ ጎዳ ቤርታ ኑ ቡኪንታኣና ዒኢካ ሙኪባኣ ፃጳ ዒሰራዔኤሌ ዓሶ ባኣካ ዓኣ?» ጌይ ሶኦጩኔ፤ ዬያ ዔያቶ ጌይሴሢ «ሚፃጳ ዴንዱዋፖ ዓቴ ዓይጎ ዓሲያ ዓኣቶ ዋዋድንዶኔ» ጌይ ዔያታ ጫኣቄሢኬ። 6 ዒሰራዔኤሌ ዓሳ ዔያቶ ፃጳ ማዔ፣ ቢኢኒያሜ ዓሶ ዛሎ ሶዬሢሮ፡- «ሃኖ ዒሰራዔኤሌ ዓሶ ፃጳ ማኣራፓ ፔቴ ሴላዴኔ፤ 7 ኑኡኒ ኅኡኮ ዉዲሮ ናኣቶፓ ፔቴታፖ

ዔያቶም ዒንጋዔ፣ ጌይ ጫአቄሢር፣ ሃይቁዋዎ ዓቲ ቢኢኒያሜ ዓሳ ላኣሊ ዔካንዳጉዲ ኑ ዋዋዳቲ ኮሽካንዳይ?» ጌዔኔ።

8 ዒሰራዔኤሌ ዓሶኮ ፃጶ ፃጶ ማኣራፓ ሚዲያይዳ ቡኮና ቡኪንቶ ሙኪባኣይ ዓኣቲ ዔያታ ያኣጫዛ ጌሌዓዳይዳ ናንጋ፣ ያቤሼ ፃጶፓ ፔቲ ዓሲታዎ ቡኪንቶ ሙኪባኣሴ። 9 ዒማና ያሎ ዓሶ ፓይዳኒ ፔቲ ፔቲሢኮ ሱንፃ ዔኤሊንታኣና ያቤሼ ፃጶ ማዔ ዓሲ ሙኪባኣሴ፤ 10 ዬያር ቡኬ ዓሳ፡- «ያቤሼ ዳንዲ፣ ላኣሎና ናኣቶና ዓይሱዋዎ ጌሌዓዳይዳ ናንጋ ዓሶ ጩንቾ ዓፓርና ዋዲዋቲ!» ጌዒ ታጶ ላምዎ ሺያ ደዲ ደዲ ያልዚ ዓሲ ዳከኔ። 11 ዔያቶም ዒማና፡- «ዓቲንቆ ቢያሢ፤ ሃሣ ኩሙሢ ማዒባኣ ላኣሎ ቢያ ዋዲዋቲ» ጌይ ዓይሢንቲኔ። 12 ዬያር ዬና ዓሳ ጌሌዓዳይዳ ዓኣ ያቤሼ ዓሶ ያሊ ያይዶ ያኤታ ኩሙሢ ሙዲር ናይ ዳንቄ፣ ካኣናኔ ዓጮይዳ ሴኤሎ ጎዎ ቤዛ ዔያታ ዳንኪ ዳዔ ቤዛ ዔኪ ሙከኔ።

13 ዬካፓ ዬይ ቡኬ ዓሳ፡- ሪሞኔ ላሎ ጌይንታ ቤዛ ዓኣ ቢኢኒያሜ ዓሶም ኪኢታ ዳኪ ያሎ ሃሻኒ ዋላ ጊኢጌኔ፤ 14 ዬያር ቢኢኒያሜ ዓሳ ያሎር ዓኣሽንቲ ዳንዳ ቤዛፓ ማዒ ሙከኔ፤ ዒማና ዒሰራዔኤሌ ዓሳ ዋዲዋዎ ሃሺ ያቤሼፓ ዲዒ ዔኪ ሙከኔ ሙዲር ናኣቶ ዔያቶም ዒንጌኔ፤ ጋዓንቲ ሙዲር ናኣታ ዬያ ዓሶም ቢያ ሄሉዋዎ ዓቲኔ።

15 ናንጊና ናንጋ ጎዳ ዒሰራዔኤሌ ዓሶ ፃጶ ባኣካ ዓኣ ፔቲማ ባይቃንዳጉዲ ማሄሢር ዳራ ቢኢኒያሜ ዓሶ ዛሎ ዒናፓ ያዩኔ። 16 ዬያር ዬያ ቡኬ ዓሶኮ ሱኡጋ፡- «ቢኢኒያሜ ፃጶ ዓሶፓ ላኣላ ኩዳሢር ሃይቁዋዎ ዓቲ ዓኣ ዓቲንቃ ላኣሊ ዔካንዳጉዲ ኑ ዋዳቲ ኮሽካንዳይ? 17 ዒሰራዔኤሌ ዓሶ ፃጶፓ ፔቲ ሴላዲ ባይቁዋጉዲ ቢኢኒያሜ ዓሶ ዳካላ ዓሲ ጶዳንዳያ ኮይሳኔ። 18 ጋዓንቲ ኑኡኒ፡- ኦጊዳፓ ዓይጎ ዓሲያ ፔኤኮ ሙዲር ናይ ቢኢኒያሜ ፃጶም ዒንጌያ ማዔቲ ጋዳንቄንቲያ ማዎም፣ ጌይ ጫአቄሢር ኑኡኮ ሙዲር ናኣቶ ዔያታ ዔኮም ኑ ጋዓኒ ዳንዳዐ-ዋሴ» ጌዔኔ።

19 ዬካፓ ዔያታ፡- «ሌዓ ሌዓ ሴኤሎይዳ ናንጊና ናንጋ ጎዳ ቦንቻኒ ጊኢጊሾ ቦንቾ ከላ ዑከኔ» ጌይ ማሌኔ፤ ሴኤሎ ጌይንታ ቤዜላ፡- ቤኤቲኤሌኮ ከዶ ዛላ፣ ሌቦናኮ ደኣሎ ዛላ፣ ቤኤቲኤሌና ሴከሜናኮ ባኣካ ዓኣ ጎይዎኮ ዓባ ከሰካ ዛላ ዓኣያከ። 20 ዬያር ቢኢኒያሜ ዓሶም ዔያታ፡- «ዳንዲ ዋይና ጎከ፣ ጋራ ፑኒንቲ ዳዐ-ዋቲ፤ 21 ካካፑዋቲ፤ ቦንቾ ከሎና ሴኤሎ ዓጮ ሙዲር ናኣታ ኮዎር ሙካኣና ዋይና ጎከ ጋራፓ ከሰኪ ዒንሢ ፔቲ ፔቲሢኮ ማዓ ሙዲር ናይ ሚሪ ሚሪ ዔኪ ዳንዳዋቲ። 22 ዬያ ናኣቶኮ ዓደንሢ ማዔቲያ ዒሾንሢ ሙኪ ዒንሢ ዓርቁቲ፡- ኦ ዔያቶ ዔከሢ

ጾሊ ዋልቁናቱዋሴ፤ ሃዳራ ኑና ማኣሩዋቱ፤ ዲንሢያ ናሽኪ ኑም  
ዲንገባኣሢሮ ዲንሢ ጫኣቁ ጫኣቁማ ዲንሢ ጎማዓኩ» ገዲ ዔያቶም  
ከኤዛኒ ዲንሢ ዳንዳዓኔ» ገዔኔ።

23 ዬያሮ ቢኢኒያሜ ዓሳ ዲማይዴኔ፤ ዔያታ ፔቲ ፔቲሢ  
ሴኤሎይዳ ኮርጋ ዉዲሮ ናኣቶፓ ሚሪ ሚሪ ዔኪ ፔ ዓጮ  
ዴንዳጾ ፔኤኮ ካታሞ ገንሣ ማዢ ዲኢካ ናንጋኔ። 24 ዲማና ሃንጎ  
ዲሰራዔኤሌ ዓሳኣ ጉቤ ዴንዳኒ ዔቁ፣ ፔቲ ፔቲሢ ፔፃ፳ ፃ፳ ባንሢ፤  
ሃሣ ፔ ቶኦካ ቶኦካ ናንጋ ቤዞ፤ ዬያጉዲ ፔ ማኣሪ ማኣሪያ ዴንዴኔ።

25 ዬኖ ዋደና ዲሰራዔኤሌ ዓሶኮ ካኣቲ ባኣሴ፤ ዬያሮ ፔቲ ፔቲ  
ዓሳ ፔኤም ኮሺ ማዔ ባኣዚ ማዲ ማዲ ናንጋኔ።

**ጌሌዢ ማጻሕፍት**  
**The Holy Bible in the Maale language of Ethiopia,**  
**using Ethiopic script**

copyright © 2008 The Word for the World International and The Bible Society of Ethiopia

Language: Maale (Male)

Translation by: The Word for the World

Contributor: Bible Society of Ethiopia

**ጌሌዢ ማጻሕፍት**

Maale Full Bible

The Word For The World International

Bible Society of Ethiopia

This translation is made available to you under the terms of the Creative Commons Attribution-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not make any derivative works that change any of the actual words or punctuation of the Scriptures.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2023-04-13

---

PDF generated using Haiola and XeLaTeX on 21 Feb 2024 from source files dated 14 Apr 2023

bbcfb90a-3ae3-5452-983d-6c4c02375929